

**DE VITA PETRI  
CANISIJ DE  
SOCIETATE IESU,  
SOCIORUM E  
GERMANIA...**

---

Matthaeus Rader





Ex Bibliotheca  
majori Coll. Rom.  
Societ. Jesu

*I. 7. C.*


*14.6.23.*

*1  
6*

*10*







Vita Teri Camisij

Miss Jane Coff



DE VITA  
PETRI CANISII  
DE SOCIETATE IESV,  
SOCIORVM E GERMANIA  
PRIMI,

Libri tres

à

MATTHAEO RADERO, EX  
EADEM SOCIETATE CON-  
SCRIPTI,

EDITIO ALTERA PRIORE AVO-  
TIOR ET EMENDATIOR.

Coll. Rom.

Catal.


B



soc. Jesu

Inscript.

S



MONACHII.

EX FORMIS BERGIANIS, APVD  
*Annam Viduam.*

ANNO M,DC,XXIII.



DE WIT  
BETRIJF

DE SOCIETAT  
GEOGRAPHISCH  
PRIMA

Libraries

MATTHEW R. W. RYAN, ESQ.  
ANDERSON SOCIETY OF COM.  
SECRETARY

EDITION OF THE BUREAU AND  
THE FUNDATION



MONACHII

DE SOCIETAT

DE SOCIETAT

INCLITÆ  
REIBVBLICÆ FRIBVR-  
GENSI HELVETIO-  
RVM.

NICOLAO  
A DIESBACH

II<sup>mo</sup> VIRO PRÆTORI,  
SENATVI, TRIBVNIS, POPVLO  
QVE FRIBVRGensi,

MATTHÆVS RADERVSE SO-  
C. ET. IESV. SAL. FEL. ET MVLTOS  
ANNOS.



*Edit ad vos, incliti vi-  
ri, CANISIVS  
vester atq̃ noster, qui  
apud vos aliquam mul-  
tos ante annos decessit,  
à vobis & animis vestris nunquam  
discessit. Redit tamen ille rursum, &  
redhostit simul (si licet prisco verbo  
abuti) ad suos Friburgenses, quos vivus*

# EPISTOLA

vnice dilexit; mortuus nunquam ne-  
 glexit. Redit nō urnā conditus, vt lo-  
 sephus in Palaestinam; vel Germanicus  
 in Urbem; vel Polus cum filio Athe-  
 nas in theatrum: sed veluci Mycenæus  
 ille iuuenis idem viuus & extinctus  
 Argos & Mycenæ; non vt cognatum  
 sanguinem hauriat, sed vt paternum  
 fraternumq; vobis nobisq; spiritum su-  
 um velut alter Helias impēdat; quem  
 quidem, quātum potuimus assequi, his  
 chartis exprimere conati sumus, vt spi-  
 rans, & quasi rediuuius in memoriis  
 vestris nunquā amplius intermorere-  
 tur. Debemus & hoc illi nos in Ger-  
 mania officium, quorum ille dux &  
 antesignanus nomen Societatis primus  
 in nostras terras intulit, & exegit hoc  
 virtus illius, qua nobis viam ad Cælum  
 docendo & agendo communiuit. Absit  
 à nobis



AD REMP. FRIB.

à nobis veterum ambitio formarum  
ad modum vel extra modum homi-  
num factarum: Nam

— quid prodest fictos ostendere vultus  
Et Curios iam dimidios, inumerosq; minorem  
Coruinum, & Galbam auriculis nasosq; carentem?

Ο λόγος, εἰ καλῶς διέλθοι τὰς ἀνδρὸς πρᾶξεις,  
αἰμνήσουν αὐτὴν πλεονεκτήειν ἐκείνῃ πρὸς πάντας τοὺς ἀν-  
θρώπους ποιήσιν.

Has illi nos vigilias vigilauimus;  
has in ferias dedimus ac damus. Obeli-  
scos & Pyramidas cum Mausoleis nō  
inuidemus, quorum memorias vel lō-  
ga annorū series delet, ipsaq; fuga tem-  
porum abolet; vel orta tempestas &  
impotens Aquilo euertit, & prostermit.  
Senium pietas non sentit, & sola vir-  
tus, vt ille ait, clara æternaq; habetur.  
Res ergo piē religioseq; per Canisium  
gestas, non sine labore primum ex Bel-  
gica, Italia, Sicilia, omniq; dein Ger-  
( 3 mania

# EPISTOLA

mania collectas in litteras misi, atq; in  
 hominum memorias foras dedi, & in-  
 clita Reip. vestrae nomini inscripti, tam  
 bene de Canisio, tam præclare de Socie-  
 tate merito. Clamant saxa & silvae,  
 quæ iussu & imperio vestro in funda-  
 menta, parietes, tecta coierunt, ut no-  
 bis hospitium vocatis pararetur. Stat  
 celsa in rupe & velut immobili capito-  
 lij saxo nobile Musis Athenæum, ve-  
 stræ iuventuti erudiendæ constitutum.  
 Conditum est à vobis amplum & ma-  
 gnificū Socii domicilium, vnde velut  
 ex arce ad populum iuuandum decur-  
 ramus. Visitur ædes sacra à fundamē-  
 tis quoq; in cælum educ̃ta, sublimis, au-  
 gusta, vestraq; magnificētia digna, cæ-  
 lestium copiarū ductori Michaeli nū-  
 cupata, illustre & æternū inclita Rei-  
 pub. monumentum. Accedit etiam ve-  
 stra



## AD REMB. FRIB.

*stra singularis aduersus Societ. bene-  
uolentia, omnibus edificiorum molibus  
potior, cui vos pro viribus respondere  
par est, vestraeq; Reip. succurrere, siue in  
formanda est ad omnē honestatis lau-  
dem, & virtutis elegantiam tenerior  
etas; siue populus pro concione erudi-  
endus, qua via rectā ad cælum tēdat,  
siue agri in morbo leuandi; siue cum  
morte luctantes in hostē armandi, cæ-  
loq; transmittendi, siue circumstrepē-  
tium rabies luporū ab ouilibus Christi  
arcenda, siue qua alia via, consilio, vo-  
tis, auxilio Resp. iuuanda. Ut imini So-  
dalib⁹ ad hoc natis, ut Vrbes, Prouinci-  
as, populos, respublicas, regna, omnemq;  
orbem terrarum propius cælo admoue-  
ant, secumq; ad beatam & immor-  
talem vitam deducant. Amat So-  
cietas nostra nomen omne Heluetic-*

## EPISTOLA

eum, exosculatur fidem, cuius custodia summi terrarum praesides sualatera vitamque commiserunt, hodieque praepopularibus committunt; amplexatur in Catholicos nunquam extinctam in religione defendenda constantiam, in qua vestra quoque inter ceteros eximia virtus saepius enituit, cum toties sollicitati, toties fatigati, toties prouocati, nunquam ab auita maiorum pietate vel latum unguem, quamuis undique hostibus Catholicae disciplinae circumsepti, dimoueri potuistis, ad quam rem testadam ac firmandam etiam Societatis aliam suppetiatum euocastis, quae celestibus armis pro populo ne luporum incursione turbaretur, excubaret & propugnaret. Sed redeo ad Canisum, cuius memoriam vobis ita suggero, ut meminerim extremum eius actum


actum à vobis mihi potissimum suggestum. De fide, quod quidem caput est in historia, ausim, quantū industria fert hominis, polliceri certa testataq; denarrari, quod & adiuncta saepe illustrium & publicarum Academiarū monumenta; Collegiorum & Prouinciarum annales, ipsiusq; Canisii ad plures compositæ literæ vel acceptæ; Summorum deniq; Pontificum, Imperatorum, Principū, rerumq; publicarū tabulæ, quibus maximè nitimur, docebūt, planissimumq; facient. Quod si porrò talē ego Canisium, qualis dubum in animis vestris viuit, calamo non potui vel assequi, vel exprimere, desinite mirari; Viuunt imagines animorum; mortuæ sunt litteræ, quibus tamen auctoritate nominis vestri vitam dabitis, si quod futurum omninò speramus, gratā vo-



## EPISTOLA AD REMP. FRIB.

*bis mentem nostram conatumq<sup>3</sup> fuisse  
ostendetis. Monachij Boiorum, Ca-  
lendis Maijs, Anno post receptam  
mundi salutem CLO IDC XIV.*

INDEX



INDEX  
CAPITVM

LIBRI PRIMI.

	Fol.
I. Patria, natalis, educatio Canisij. r	
II. Canisius à Petro Fabro Societati adiungitur.	15
III. Coloniae fundamenta Collegij facit.	22
IV. Studia profequitur, sacris initia- tur, legationes obit.	30
V. Romam & Siciliam petit, Ger- maniam repetit.	41
VI. Quid Viennæ Austriæ promo- uerit.	48
VII. Pragæ Sociorum Coloniam deducit, Wormatiam à Ferd. Cæ- sare ad disput. mittitur.	63
VIII. De Collegij Ingolstadiani ini- tiis,	57
IX.	



# I N D E X.

- IX. Romam redit, inde in Poloniam,  
Germaniã & Augustam Vindel. 84
- X. Collegium Monacense instituitur. 94
- XI. Collegij Oenipontani initia, res  
Sociorum Augustæ. 107
- XII. Academia Dilingana cõditur. 115
- XIII. Academia Dilingana Societa-  
ti transcribitur. 119
- XIV. Varij labores Canisij. 130

## LIBRI SECVNDI.

- I. Quid Romæ gesserit Canisius. 136
- II. Nuncius Apostolicus ad Germa-  
niæ Principes legatur. 148
- III. Cathedram Augustanam Grego-  
rio Rosessio committit, libros  
condit. 154
- IV. Energumenam curat. 157
- V. Præfecturam Prouinciæ Paulo Hof-  
fæo tradit. 167
- VI. Othonis Trucksessii Cardinalis  
mors & elogium, Canisius comi-  
tia adit, Marianum opus edit. 170
- VII. Fri-

## R E R V M.

VII. Friburgum Nuithoniæ Helvetiorum proficiscitur.	174
VIII. Collegium Friburgense inchoat.	181
IX. Extremus vitæ actus Canisij.	186
X. Mors Canisij.	194
XI. Forma Corporis.	206

## LIBRI TERTII.

I. Pietas & religio Canisij.	209
II. Pauperum & paupertatis Studium.	220
III. Custodia sui.	226
IV. Miracula Canisio viuo mortuo patrata.	230
V. Lucubrationes Canisij.	263
VI. Elogia & iudicia variorum de Canisio.	268
De vita & morte R. P. Theodorici Canisij Petri ex Patre fratris.	832

AVCTO-

# AVCTORITAS R. P. PROVINCIALIS.

**L**ibros tres de vita R. P. PETRI CA-  
NISII à MATTHAEO RADERO  
Societatis nostra presbytero conscriptos, & à  
destinatis Ordinis nostri Patribus lectos pro-  
batosq̃, ego MELCHIOR HARTE-  
LIVS Societatis IESV per Superiorem  
Germaniam Præpositus Provincialis, ex au-  
thoritate admodum R. P. N. CLAUDII  
AQUAVIVÆ Societatis IESV Præ-  
positi Generalis in lucem edi permitto. Mo-  
nachij Calendis Ianuariis. CIO. IOC. XIV.

Melchior Hærtelius.

DE





# DE VITA R.P.

PETRI CANISII

*LIBER PRIMVS.*

PATRIA, NATALIS,

EDVCATIO CANISII.

CAPVT I.

**N**ON est obscurum mihi,  
viros & re ipsa pios, & o-  
pinione sanctitatis illu-  
stres, de generis splendo-  
re, maiorum ceris, familiæ claritate  
rogatos, vel ipso silentio nobilitatis  
ornamenta dissimulasse, vel cælum  
patriæ loco indigetasse, vel auerso  
sermone alia omnia respōdisse; cum

A parentum

parētum & propinquorum charitates omnes, vna religionis modestia, Christiꝑ; amore commutassent. Sed non perinde alij de ijs, vt ipsi de se tacuerunt; nam quantò studiosius illi domesticas laudes premere conati sunt, tantò curiosius cæteri peruestigarunt. Vt enim omnis insolens de se prædicatio fœdè sordet; ita modesta taciturnitas ignotum mirificè commendat, ac veluti publicum mundi sidus orbi terrarum spectādum proponit. Fuit Canisius inter suos bono loco natus, habuit parētes copiosos & consulares; præter nomen tamen nihil admodū ex ipso potuit cognosci. Ex fratre, cognatis, popularibus, aliisque, si quid de sanguine Canisij, & propinquitate quæreres, discendū fuit. Ergo Sicambris, (hodie Geldris) gente fortissima, & gentis vrbe principe, magnorum ingeniorum alumna ortus, Nouiomago patria, Theodoro Canisio auo, Iacobo patre,

*Theodoro  
Canisii  
auus.*



tre, matre Ægidia Honuuingana (cuius maiores Siluaducis, Nouioma-  
 gum commigrarunt) iure poterat  
 gloriari. Sed cum ad cælestis patriæ  
 metam cogitationes suas omnes de-  
 stinasset, oblitus terræ, sui, suorum-  
 que altius (vt illi) caput humanis ex-  
 eruit. Iacobus primam ferè ætatem  
 in cultu ingenij posuit; vnde com-  
 parata sibi magna eruditionis fama,  
 iuris enim consultissimus erat, Lu-  
 tetiâ Parisiorum euocatus, princi-  
 pis Lotharingiæ liberos ad omnem  
 virtutis & doctrinæ laudem ac ele-  
 gantiam cœpit informare; simul in  
 consilium & vsum Reipub. adhibi-  
 tus, serò tandem patriæ desiderio  
 captus, impetrata missione ad Caro-  
 lum Egmondanum Sicambrorum  
 principem abiit, locumque inter  
 primos Aulæ & Senatus procures  
 inuenit: quem ob Eloquentiæ &  
 doctrinæ excellentiam, provinciæ  
 præses, grauissimis legationibus

*Iacobus  
 pater quæ  
 vir.*

ad Christiani id. temporis Imperij  
 Dominos, præfecit. Nouiomagi con-  
 sul nonùm ex ordine, & extra ordi-  
 nem, difficilioribus Reipub. tem-  
 poribus, duobus ipse Consulibus  
 consularis adiunctus, perpetuum  
 quodammodo magistratum gessit.  
 Hic ipse est Iacobus qui fæderis inter  
 Carolum V. O. M. Imperatorem, &  
 Guilielmum Sicambriæ, Cliuiæ, Iu-  
 liæ, & Montium principem, aliarūq;  
 præfecturarum tōparcham, atq; or-  
 dines prouinciæ, potissimus auctor,  
 ac veluti pater patratus fuit. Multa  
 possent de vniuersa & numerosa Ca-  
 nisiorum familia tradi, sed omissis  
 hisce, quæ vix nostra censeri solent,  
 ad Petrum ipsum veniamus, quem  
 annus à Christo nato primus & vige-  
 simus post millesimum quingentesi-  
 mum, viii. Idus Maij, qui D. Micha-  
 eli cælestium copiarum principi sa-  
 cer est, in lucem feliciter edidit, cum  
 Leo X. Pontificatum, imperium Ca-  
 rolus

*Natalis  
 Canisii.*

CIO. ID. XXI

rolus V. administraret. Teneram  
 pueritiæ ætatem Nouiomagi in pri-  
 mo literarum tirocinio, & virtutis  
 rudimento posuit. Sæpius enim iam *Pietas Ca-*  
 tum futuræ pietatis indicia prode- *nisi puer*  
 bat, cùm non rarò, nocturnis horis,  
 & diurnis sola, remotaque à strepitu  
 familiæ captans loca, Numini suppli-  
 cabundus, votis & precibus intentus  
 deprehensus est. Horrente setis tu-  
 nica tenerum corpusculum afflicta-  
 uit. Ipsis Orgiorum solennibus, in-  
 ter lautas mensarum epulas accum-  
 bens, à gustu vini pro debacchanti-  
 um salute abstinuit. Erat Arnheimij *Reinolda*  
 \*Reinolda, perquàm honesta & reli- *Gatiscini*  
 giosa vidua, quæ suis facultatibus Xe- *de Canisio.*  
 nodochio transcriptis, id vnum stu- *\*Reinera*  
 debat, vt omnia vitæ suæ studia vni *sine Rein-*  
 Deo probaret; huic iter facienti, in- *hardam*  
 ter Neomagum & Arnhemium, De- *alij vocant*  
 us familiariter aperuit, quæ proximè  
 secuturis annis tempestates rebus  
 publicis imminerent, quæ principū



dissidia, qui religionū errores, quanti bellorum turbines omnes Germanias, Galliasque, & potissimum Belgas essent oppressuri. His subiecit, armis vtcūq; positis, religionem quoq; Catholicam per nouum religiosorū presbyterorū ordinem (Societatem nostram designabat) instauratum iri. Hęc oracula Numinis cum Reinolda in corona cognatorū exponeret, & inter ipsos propinquos Petrus Canisius tredecennis puer adstaret, Reinolda ad illum conuersa, humerosq; stantis permulcēs, Et hic, inquit, vnus ex illa familia Sacerdotum IESV erit, qui in sanandis Ecclesiæ vulneribus desudabit. Quæ omnia, quàm vera præsenserit, euenta docuere. Idem religiosa & nobilis virgo de Canisio, vt infrà, & de Reinolda pluribus ostēdam, prædixit. Petrus adhuc in ephēbis ad politioris literaturæ elegantiam, & iuris diuini ac humani cognitionem comparādam, Coloniā Agrippinam

pinam profectus, doctorem vel domesticum, vt opinor, præceptorem, vel politiorum certè literarum & Eloquentiæ magistrum habuit primū Nicolaum Eschium presbyterum; *Nicolaus Eschij Virtus & cura ad Canisio.* anno quippe c15.15. xxxiv. in album contubernij Montani inscriptus legitur. Huic Eschio plurimum debuit virtus & innocentia Canisij, singulari studio ab illo custodita. de quo suo doctore, viro æterna memoria dignissimo, & omnium præceptorum exemplo hæc ipse Canisius in libro Confessionū, quem ad S. Augustini imitationē de seipso scripsit, denarrat. Ipsius enim verba, quod singulare spirent pietatem, & maiorem faciant fidē historiæ, placuit subscribere: *Ceterum (inquit) vt ad præceptorem, imò ad patrem Eschium reuertar, benedic anima mea Domino, & noli obliuisci omnes retributiones eius, qui talem tribuit tibi ad pietatem magistrum & hortatorem quotidianum, vt qui non mea, sed me, salutemq; me-*

am amaret, & curaret sedulo. Hoc ipso duce, displicebam mihi paulatim, ut rectius placerem tibi Deus, quem adhuc parum cognoscebam, minusq; timebam in illo flore iuuentutis. Illius consilia, mores, exempla, nouam veluti lucem inferebam oculis, & auribus meis. Illius auctoritate frangebam, & comprimebam præcipientes motus, ac vanos ardores adolescentiæ, illius familiaritate contentus, reliquas necessitudines & sodalitates facile negligebam. Nullus (quod sciam) fuit mihi tum charior, ac coniunctior, tantumque illius iudicio tribuebam, quantum à filio pater desideraret. Neque solum in confessione secreta me totum illi, & sæpè quidem aperiebam, verum etiam prius quam nocte cubitum discederem, exponebam illi familiari colloquio (tanta erat fiducia) lapsus, ineptias, & sordes animæ meæ, ut illi iudicirationem erratorum, ac transactæ diei redderem, ac si vellet etiam peccatorum aliquam lucrem pœnam. Agnosco & reuerenter laudo misericordiam tuam, quæ semper, & ubique vias meas prosperabat. O custos fidelis  
hominum,



hominū, & protector vitæ meæ Deus. Hunc virum Colonia velut alterum Ananiam ad me instituendum, tibiq; propius coniungendum (vt arbitror) certa prouidentia tuæ lege destinasti. Igitur ille pro me sollicitus esse pergebat, precabatur, flebat, benedicebat, præmonebat, vrgebat, atque scribebat. Et cum aliquando ab illo abessem diutius, iamq; in patria mihi plusculum indulgerem, ac laxiorem vitam amplexurus viderer, per illum ipsum ad me tum venientem, veluti dormientem filium excitasti, & negligentem corripuisti, & lapsurum erexisti, & imbecillem ad te reuocatum illius cura & opera in via tua confirmasti. Pungebat cor meum cum ex illo audirem & discerem huiusmodi sententias: Seruire Deo regnare est. Sola salus seruire Deo; sunt cætera fraudes. Si Christum bene scis, satis est, si cætera nescis. Idem prudenter hoc agebat, vt quotidie caput ex 4. Euangelij vnum legerem, & in eo sententiam illustrem eodem die subinde meditandam exciperem, memoriaq; tenerem. Accedebat & alia piorum authorum lectio,

per quos de timore & amore tuo me commo-  
 nuisti. Nec minus iuuabar sanctorum ho-  
 minum propositis exemplis, & inspectis  
 historiis, in quibus sæpè versabar. Hinc  
 mea fides, & spes ad meliora spectanda exci-  
 tabatur: Hinc mundi amor, & timor in a-  
 nimo meo magis euilescebat: Hinc euangeli-  
 ca tum præcepta, tum cōsilia mihi calcar for-  
 tius, & desiderium impensius adyiciebant.  
 Prauenisti me Domine misericordia tua,  
 multisq; modis, ne peccarem grauius, prohi-  
 buisti, & à lata via, quæ mundi amatores ad  
 perditionem abducit, pedes meos cohibuisti.  
 Tibi gratias dicāt omnes innocētes, & sancti  
 tui, quod posueris super me manum tuam, &  
 singularem meæ salutis, vitæq; curā habueris  
 continēter, illis præsertim annis, quibus ado-  
 lescētes mūdi blandimentis, carnisq; volup-  
 tatibus dediti, dum à lege tua discedunt, se-  
 ipsos perditum eunt, & in mille Sathana la-  
 queos incidunt, quamuis imprudentes, mor-  
 bosq; sæpè grauiores contrahunt, quàm quos  
 tota deinde vita superare, & funditus euelle-  
 re possint. Confiteor nomini tuo Deus, lumen  
 & virtus

& virtus anima mea, qui pascis & regis me  
 ab infantia mea, & cui numerati sunt om-  
 nes capilli capitis mei: gratias tibi ago de  
 donis tuis, quaecunque in me, per me, &  
 propter me operari dignatus es. Sub umbra  
 quidem alarum tuarum die ac nocte prote-  
 xisti, & quasi pupillam oculi tui me custo-  
 diuisti, non secus ac aquila prouocans ad  
 volandum pullos suos, & super eos voli-  
 tans, quæ expandit alas suas, & assumens  
 eos, portat in humeris suis. Tu omnes  
 vias meas prauidisti, possedisti renes meos,  
 suscepisti me de utero matris meæ, super  
 viam inimicorum meorum extendisti ma-  
 num tuam, & saluum me fecit non iusti-  
 tia mea, sed dextera & misericordia tua,  
 cui sit omnis laus, & gloria in secula secu-  
 lorum. Precor te Domine, fidelissime  
 custos, & amator humani generis, quam  
 tribuisti gratiam indigno puero mihi,  
 eam multis alijs infunde, auge, perfice, *Vota Ca-*  
 ut à mundi turbis, & periculis illis matu- *nisi pro*  
 rè semoti, bonos, piosque præceptores habe- *iuuentute,*  
 ant, quorum præceptis & exemplis adiuti,  
 morum



*Obserua  
adolefcens*

*morum vitia potius, quàm barbarifmum  
fugiant ac detestentur. Discant illi falutaria  
magis, quàm vana, firma, non vaga fectari  
ftudia, & mihi obseruent proprium scopum,  
vt fuo & aliorum commodo doctrina folida  
rectè & conuenienter uti velint & poffint,  
primùm quidem ad nominis tui gloriam, cui  
feruire debent omnia; deinde verò ad profe-  
ctum Ecclefie tue, cui magis quàm patria,  
amicis & parentibus gratifcandum & ob-  
fequendum eft. Vides quantum Cani-  
fius in Efchij difciplina ad virtutem  
promouerit. Obtulit illi pater in fpō-  
fam, virginem opibus pollētem, for-  
ma præftantem, fortuna fatuque no-  
bilem, quam ille fpe cæleftium gau-  
diorum, conftanter repudiauit. O-  
ftendit illi parens Ecclefiafticos ho-  
nores & opimas canonicorum con-  
ditiones; fed Canifius iam tum glori-  
am in gloriæ & opum contemptione  
quærebat. Studia, poft pueritiam, &  
cæleftis fapientia Canifio maxime  
cordierant, Philofophiæ tirocinium  
pofuit*

*Nuptias  
repudiat.*

*Dat operã  
Philofoph.*

posuit apud Ioannē Nouiomagum, cuius in Bedam extāt scholia de temporum ratione, & naturarērū commentationes, Apologeticus pro Areopagitæ libris, aliaq; de numeris. Sed hoc fidus, draconis cauda perstrictum, hæresi que occæcatum, & Coloniae extinctum, à sepultorum quoque Catholicorum societate exclusum est. Canisius in Philosophiæ spacijs tātōs processus fecit, vti cum decimum nonum ætatis annum ageret, suprema Philosophiæ laurea in collegio Montano donaretur. Idolorum Canisius Andreæ Bardevvici eruditi & clari V. contubernio utebatur, sensimque in doctorum virorum familiaritatem ingressus declamando, & quotidianis exercitationibus, cum dicendo, tum concionando non mediocrem eruditionis, facundiæ & pietatis famā cum apud alios eruditos collegit, tum præsertim apud Laurētium Surium, quem sibi

*Andreas  
Barde&vi-  
cius post E-  
schium, vel  
cum Eschro  
hospes Can-  
isii.*

*Laurenti-  
um Suriū  
à Luthero  
amertit.*

sibi maximè conciliauit, cuique ma-  
ximus deferendę impij Lutheri sectę  
auctor fuit : cum quo postea familia-  
rissimè vixit, & frequenter de san-  
ctioris vitę disciplina ineunda, de re-  
rum humanarum contemtionē, cæ-  
lestiumque desiderio pertractauit.  
Denique eò descenderunt ambo, vt  
fugientia omnia fugienda, & æterna  
sibi vnicè complectenda arbitraren-  
tur, quod præclarè intelligerent,  
summam vitæ esse breuē, spes mor-  
talium fragiles & inanes, vota incer-  
ta, nisi in cælo defigerentur. Hæsit er-  
go apud S. Brunonis cœnobium in  
Carthusia Surius, nec Canisius de re  
magis deliberabat, quàm de familia,  
in qua cum operæ fructu, Ecclesiæ  
emolumento, ad maiorem sempi-  
terni Numinis laudem versaretur,  
quam illi Deus hac via, quam  
exponam, ostendit.



# CANISIUS A PETRO FABRO SOCIETATI PRIMVS E GERMANIA ADIVNGITVR.

## CAPVT II.

**C**Anisius decurso Colonia Philo-  
 sophiæ studio, cælestium litera-  
 rum mysteria mox ingredi, & sancti-  
 ori Theologiæ operam omnem im-  
 pèdere cœpit. Ad quam rem felicius  
 & commodius exequendam, studuit  
 omnia à se gaudia corporis remoue-  
 re; nuptiisq; & cōiugio in omnē vitā  
 renuntiare. Quāobrē ipso die S. Mat-  
 thiæ, cū annū ageret vndeicesimū *Canisius*  
 castimoniā voto signauit, nec vnquā *Castimo-*  
 postea resignauit; sed mente ad diui- *niam ado-*  
 na translata in studio sapientiæ, quā *lescens & uet.*  
 purus, & à corporis vitiis liber anim⁹ *CIO. IO. XL.*  
 mirificè imbibit, miris modis profe-  
 cit. Venerat interea loci Moguntiam *Petri Fab-*  
 Petrus Faber, è primo Sociorum de- *ri Virtus.*  
 cēuiratu à Cardinale Alberto Archi- *CIO IO XLII*  
 episcopo Moguntino Spira euoca-  
 tus,

tus, ibique res memorabiles gerebat,  
 ad indictū à Paulo III. Tridenti con-  
 ciliū destinatus, quod per id tempus  
 atrox inter maximos Christiani or-  
 bis principes Carolū Imperatorem,  
 & Franciscum Galliaë regem, bellum  
 exortum disturbavit, cum nusquam  
 tutus viarum commeatus esset. Quæ  
 causâ fuit, quam obrem Petrum Fab-  
 rum apud se Cardinalis retineret, ut  
 aliquid è voluminibus sacris publicè  
 explanaret; qui mox cæleste psalmo-  
 rum carmen Davidis cœpit in Aca-  
 demia Moguntina cum ingenti ap-  
 plausu explicare. Nec minus interim  
 studij in rerum diuinarum contem-  
 plationem aliorumque salutem om-  
 ni ratione expediendam contulit,  
 cum alios exemplo & modestia vitæ,  
 quæ maximum habet ad permouen-  
 dum momentum, alios literis, alios  
 familiari sermone ad virtutis laudē,  
 rerum præsentium contemtionem,  
 sui despicientiam, Christi amorē in-  
 citaret.

*Psalmos  
 exponit  
 Moguntia  
 Faber.*

citaret. Longè proinde lateque fama viri dilata, absentes etiam, vt solet, in sui admirationem rapiebat, quæ Canisium quoque Coloniae afflauit, tantoque videndi Fabri desiderio inflammavit, vti sibi tanti viri conspectum & congressum nullo modo negligendum putaret. Numinis igitur *Canisius* impulsu expeditus Moguntiam ad- *P. Fabri* uolat, seseque Fabro religiosis meditationibus imbuendum committit. *conuenit.* in quibus tantum rerum diuinarum spiritum hausit, vt desertis omnibus studiorum præmijs, & speratis dudum honoribus abdicatus, totus in auctoritate Fabri esset, Deoque se, quantus quantus erat, & societati per prima vota, VIII. Idus Maij año salutis partetertio & quadagesimo emāciparet. Quod ipse Canisius conceptis verbis, Romæ ex ipsius autographo exscriptis, & ad me transmissis, testatur, egoque lectori cognoscendum subiiicio.



CLIOXLIII  
Votum Ca-  
nisi.

IN NOMINE DOMINI. AMEN.

Anno 1543. die Apparitionis S. Michaelis, aut in octaua Maii, quæ dies mihi natalis est, tribuens initium anni 23. ætatis meæ, post maturam deliberationem, ego Petrus Canisius Nouiomagensis, voueo simpliciter Deo omnipotenti, B. Virgini Mariæ, S. Michaeli Archangelo, & omnibus Sanctis ex nunc me transiturum ad obedientiam Societatis, quæ dicitur IESV Christi: similiter Domino Deo & Sanctis eius promitto firmiter & voueo, quod per diuinam gratiam velim etiam ex nunc actualem assumere paupertatem, nisi quatenus & quamdiu Præpositus dictæ Soc. aut eius loco M. Petrus Faber impedierit, qui nunc dignatus est me in Probationem suæ Societatis recipere. Voueo præterea peregrinationem instituere ad limina SS. Apostolorum Petri & Pauli Romæ, & hoc quamprimū, si non aliter determinauerit idem M. Petrus. Quod si in ordinem Societatis huius me non acceptari contingat, volo me tunc statim obligatum esse, secundum consilium ipsorū professorum  
in

*in eadem Societate, ad acceptandum protinus ordinem alium probatum in vita communi, & approbata obedientia. Atque hæc omnia duntaxat propter honorem & amorem IESV Christi Domini nostri, deinde simul ad honorem & seruitium gloriosæ Virginis Mariæ, sancti quoque Michaelis, & omnium Sanctorum, in salutem animæ meæ. amen.*

*Sic presenti manus meæ subscriptione. sic & sumptione sanctissimi Corporis Christi perpetuo contestatum manere volo.*



*Modis omnibus oro simul & requiro, ut superiores mei me commoneant, corripiant, & ad hæc obseruanda rigidè compellant si forte (quod absit) cōtingat me conuerti retro. & meditari suffugium. & excusationem ab omnium horum impletione.*

Extat & Epistola Canisij Ioanni <sup>Nicolao</sup>  
 Busæo claro è Socijs viro inscripta, <sup>Ser. in Monast. lib. 17</sup>  
 B 2 in

in qua de Fabro multa, & suo cum illo Moguntiaë congressu, quando ad Conradum apud Diui Christophori ædem parochum, quem Faber ex impura ad sanctam & religiosam vitam traduxerat, diuertit. Epistolam Nicolaus Serarius Moguntiaë historiæ inseruit. Fabrum porrò Canisius & præsentem & absentem tanti fecit, uti vix hominem, sed delapsum aliquem è superis cælitè veneraretur: quod ipsius Canisij literæ ad familiarem datæ, quando Moguntia cum Fabro versabatur, attestantur in hæc verba scriptæ: *Secundis ventis Moguntiam veni, virum quem quasiui, si tamen vir est, & non potius angelus Domini, meo magno bono reperi; quo nec vidi, nec audiui doctiorem, profundiorēq; Theologum, aut tam illustris eximiaq; virtutis hominem; Illi nil aquè in votis est, ac Christo cooperari in salute animarum; nullum ex illius ore verbum, siue in usu, familiariq; congressione, siue dum mensæ accumbit, prodire audire,*



dio, nisi quod Dei honorem & pietatem so-  
 net, neque tamen ob facundiam audientibus  
 grauis aut molestus est. Authoritatem tan-  
 tam habuit, ut ei se spiritualiter informan-  
 dos multi religiosi, multi Episcopi, multi Do-  
 ctiores tradiderint; inter quos est Cochleus  
 ipse, qui pro ipsius instructione gratias se  
 reddere pares unquam posse negat; Multi  
 Sacerdotes & cuiusvis Ordinis Ecclesiastici,  
 vel concubinas abiecerunt, vel seculum re-  
 ieecerunt, aut à grauibz flagitiis ad frugem  
 meliorem eo adnitente ad laborantem se se re-  
 ceperunt. Quod ad me attinet, dici vix po-  
 test, quemadmodum exercitationibus illis  
 spiritualibus animū meum ac sensus immu-  
 tari, mentem nouis caelestis gratie radijs col-  
 lustrari, & nouo quodam me vigore affici  
 senserim sic ut & in corpus redundante di-  
 uinae beneficentiae copia totus corroborari,  
 atque in alium prorsus hominem  
 transformari vi-  
 derer.

## COLONIÆ FVNDAMENTA COLLEGII IACIT.

A PROPINQVIS VE-  
xatur.

## CAPVT III.

*Sementem  
Virtutis  
facit.*

CAnisius à Fabro Coloniam remissus, cœlestes in pectore faces, ex ore Fabri haustas, secum detulit in ciuitatem, quas mox familiaribus suis, atque inde alijs atque alijs admouit, quibus multorum animos ad futuræ vitæ spem amoremque vehementer inflammauit. Ac primum omnium hospitem suum Andream Heerlæum Bardeuicium, Theologiæ candidatum, ad S. Gerionis Canonicum Societati mirificè conciliauit, & mox omnem B. Brunonis Carthusianorum familiam adeo sibi, Fabro & Socijs omnibus deuinxit, vti neque meliores tum Colonix patronos, neque munificentiores

centiores in se fautores nostri, quos Canisio Agrippinam redeunti Faber Socios adiunxerat, experirentur; quod Societati tum primum Coloniae per Canisium natae vehementer profuit, cum inopiae patrum rerum ibi tum omnium egentium liberaliter succurrerunt. Ipse Prior Coenobij Gerardus Hammontanus aduentum Fabri magnoperè desiderabat, ut ab eodem vitae sanctioris praecepta cognosceret. Canisius interea Coloniae cum Alphonso Aluaro se totum in pauperum curam & officia charitatis non sine studiorum iacturâ effudit, ut hoc nomine à Fabro per literas fuerit dehortandus, & docendus, ita cum miseris tempus esse transmittendum, ne rebus maioribus & publicis idem subducatur; quarendos potius, quos in huiusmodi occupationibus sibi possint certis temporibus sufficere; cursum studiorum nec dum ad me-

*Carthusi-  
anorū Co-  
loniensium  
in primos  
Societ. Pa-  
tres libe-  
ralitas.*



tam perductum, non esse abrum-  
pendum, interiungi subinde pos-  
se, non abiungi. Sed accidit interim,  
vti voluntate Numinis Iacobus Ca-  
nisij parens è statione vitæ euocare-  
tur, & Petrus herciscundæ hæredita-  
ti domum citatus, Neomagum veni-  
ret. Quod vbi Faber (qui per eos dies  
Louanio, vbi maximas res gerebat,  
Coloniā venerat, vt nouale Patrū  
lustraret) sensit, cum Canisium præ-  
sentē nō offenderet, magnoperè mi-  
rabatur, quid ei præter spē obuenis-  
set. Postquam Patri funebria persol-  
uere didicit, extemplo ad eum lite-  
ras amoris & officij plenissimas exp-  
diuit, in quarum exordio, eum de  
morte patris æquo animo ferenda  
solatus, monet, vt quamprimum Co-  
loniā reuertatur. Canisius, vterat  
ad Fabri nutum factus, rebus vt cun-  
que compositis, & bonis magnam  
partem in pauperes tributis, Colo-  
niā aduolat, quem acerrimæ no-  
uercæ

uerca litera è vestigio consecuta in patriam reuocabant, quibus grauissimè querebatur, fundos paternos alienis erogatos; de hæreditate nondum plenè conuentum; illum à peregrino homine per speciem religionis ob spem prædæ circumuentum; à suis auulsum. rediret ad suos, matris orbitatem solaretur, notos & agnatos spe sua non destitueret; ignotos negligeret. Hæc & his plura, quæ ira & indignatio pleno thylaco suggererant, mater Canisij nouerca ad Fabrum. Faber Canisio recepto recreatus, ad nouercam ipse cum Canisio rescripsit, docuitq; se Canisio non fuisse bonorum in alienos partendorum auctorem, nec Petrum ad se, spe vlliùs cõmodi aut numi allectum, cum vterque & tota Societas, in verba paupertatis iurarint. Non erit abs re partem longibris Epistolæ apponere, vnde spiritum & sapientiam Fabri discas.

VENERANDA ET CHARIS-  
SIMA IN CHRISTO  
Domina.

*Petr. Fab-  
ri litera ad  
Canisii,  
novercam.*

**M** Petrum Canisium filium tibi quidem  
semper hactenus charissimum, nunc  
verò degencrem prorsus factum esse conque-  
reris, idq; mea unius opera factum arbitra-  
ris. Ego contrà, cùm videam honestissimum  
& optimum adolescentem firmissimo spiri-  
tus & amoris glutinò mihi coniunctissimum  
ac unum propè mentis ac voluntatis consen-  
sione factum esse, non possum non ex animo  
optima quæq; illi velle & peroptare, usq; eo ut  
propinquis eius & consanguineis omnibus,  
quidvis me debere arbitrer. Consanguineos  
dico non eos duntaxat, qui Christiana uni-  
onis & Evangelicæ perfectionis vinculo sunt  
deuincti, sed eos etiam, quos secundum car-  
nem amicos & coniunctos habet. Hinc fit, ut  
multum & frequenter Deo Opt. Max. sup-  
plicem, ac preces fundam pro anima parentis  
illius nuper in Christo defuncti, pro tua con-  
solatione, pro liberis, propinquisq; vestris.

Ita



*Ita ne verò, inquires? Quid igitur est, quod  
 M. Petrum à nobis auocasti, quem nobis præ-  
 sentia sua, consilio, adiumento, & consolatio-  
 ni esse non ignorabas? Quid facias, obsecro,  
 Christiana Domina, si ex vna parte videas  
 Christum IESVM in ipsius mente & spiri-  
 tuali profectu veluti deliciis quibusdam per-  
 frui, atque conquiescere velle? ex altera verò  
 carnales amicos atq; propinquos in eius car-  
 nali presentia, bonisq; fluxis & caducis glo-  
 riari modis omnibus percupere? Certè, si mo-  
 dò æquum me hic arbitrum admittere ve-  
 lis) consultius potui facere nihil quàm illum  
 in spiritali suo studio adiutum velle, neque  
 tamen in eo gloriam aliquam querere, &  
 simul operam dare, ne ex eius fortunis  
 vel teruntius vnus in meum vsum con-  
 uertatur. Questio, ut audio, tota est  
 de rebus temporalibus, paucis curæ, quò  
 nam anima M. Petri perueniat. Sed id  
 grauitè & molestè multi ferunt, si quæ hæ-  
 reditario iure illi obuenerunt, alienentur.  
 Dolemus glebā à gleba disiungi animas vero  
 nostras à suo conditore Deo, cui adherescere  
 summa*

summa felicitatis, abstrahi, auelliq; non do-  
 lemus. Hoc autem, super quo vel emori cu-  
 pio, si haëtenus, quod quidem sciam, illorū  
 temporalium bonorum quicquam in rem  
 meam cesserit. Fidelis Deus, qui hac in parte  
 me fidelem fecit, ut spero in gloriam suam,  
 ut ne quidem statuere quicquam gloriam pro-  
 priam in temporalibus. Cur ergo hic, inqui-  
 es, non illum id facere prohibes, quod scis no-  
 bis omnibus esse longè gratissimum? quan-  
 tum ille bonorum distraxerit, non mihi pe-  
 nitus est perspectum; neque tamen, ut libe-  
 rè, quod sentio, eloquar, eius factum impro-  
 bo. Quae enim alienare dicitur, ea in pios u-  
 sus conuersa esse intelligo, atque ita si verè  
 quae habes, ratiocinari velimus, non tam alienata vi-  
 deri debent, quam proprio germanoq; posses-  
 sori Deo, cuius sunt omnia, quae huius orbis  
 finibus continentur, restituta. Et quod hic  
 crimen? quam secum aduexit supellectilem,  
 eam & apud ipsum & in ipsius esse potestate  
 scito. Aliud spectat haec paucorum congre-  
 gatio; alijs lucris nostra inhiat Societas,  
 quam ut optet peritura, igneq; consumenda  
 edificare.

Si & is per-  
 fectus esset.  
 Vade, & vede  
 quae habes,  
 & da pau-  
 peribus,  
 &c.

ædificare. Cætera quæ de me sparguntur, vaniora esse sum ratus, quàm ut à vobis iis fides adhibenda esse videatur, cum præsertim tales vos esse credam, qui & Deum timeatis, & de proximo non nisi bonum cogitare didiceritis. Nam quod me peregrinum & ignotum clamat, non diffiteor, sum enim peregrinus, sicut omnes patres mei, sum, inquã, peregrinus in terra prouincia huius & peregrinus ero in omni terra, ad quam me Dei bonitas deduxerit, quoad vixero. Nitor autem, & in hoc totus sum, ut possim fieri domesticus Dei, & ciuis Sanctorum.

Repressit his literis Faber importunitatem tum nouerçæ, tum cognatorum, sed ita, ut omnem mouerent lapidem, quo nostri Colonia pellerentur. Retenti tamen Canisius & Leonardus Kesselius, de quo ubi locus admonebit, plura referemus: atque hæc quarto & quadragesimo supra millesimum quingentesimum acta conijcio. Proximo, qui fuit quadragesimus quintus, à patriæ & patri-

*Socij Colonia pelluntur.  
Leonardus Kesselius.*

*CIS IXLIV*

monij



monij curis, Nouiomagum reuersus, se penitus expediuit, ac deinceps oblitus sanguinem & propinquos, totum se Christo consecrauit.

STVDIA PROSEQVI-  
TVR, SACRIS INITIATVR,  
DOCET, CONCIONATVR,  
legationes obit.

## CAPVT IV.

**E**Rat Canisius ingenio ad sublimiora diuinarum rerum studia factus; corporis & sui negligens, omniumque ferè alienarum à literis occupationum incuriosus, vti amant esse, qui mente cælestia pertractant. Attentissimus ad sacrorum oraculorum interpretationes, patrum sanctorum lucubrationes, sententiarum in obscuris dictis varietatem cōsensumque; cum auidissimis auribus aliorum dictata hauriret, oculis perlegeret, animo versaret, quæreretur, in vtram-

in vtramque partem disceptaret, ex quo magnas sibi eruditionis opes, ingentemq; thesaurum sapientiæ comparabat, quo postea ad condendos libros egregiè vsus est. Honore prolytarum, qui dignitatis gradus in Academia est summo proximus, affectus, cœpit ingenij sui diuitias multis vigilijs & sudoribus collectas expone-  
re, eademque opera in Lyceo Montano Coloniae sacram Euangelij historiam explanare, & sacrarum literarum auditoribus in Academia Pauli Epistolam Timotheo inscriptam enarrare, simulque in æde sacra ad populum patrialingua pro concione verba facere. Hoc ipso ferè tempore sacris ritè initiatus, Coloniae in cœnobio Nazarethano primum Deo, summo cum pietatis sensu operatus est. De loco ipse Canisius literis suis testatus est, cū scripsit: *Cum ex Moguntia Coloniā rediissem, iamq; sacerdos per Catholicum Episcopum ordinatus essem, primum*  
verò

verò sacrum in cœnobio Nazareth obtuli  
 Domino; cœpi quosdam è nostris alere. &c.  
 Ordines omnes Colonia, non Moguntia sus-  
 cepit, ut ipsemet notavit: Ibidem, inquit,  
 (loquitur de Colonia) primum sacra docere  
 & concionari cœpi, tua suffultus gratia, nec  
 alibi subdiaconus, diaconus & presbyter sum  
 factus. Interim \* Cyrilli sanctissimi &  
 doctissimi Pontificis Alexadrini no-  
 bilissima ingenij opera duobus dis-  
 tincta voluminibus castigavit, edi-  
 ditque, & alterum Sebastiano Ar-  
 chiepiscopo Moguntino; alterum  
 Theologiæ studiosis nuncupavit.  
 Vti mihi Canisij plenum & inunda-  
 tum sapientia pectus tanquam flu-  
 men occurrat, suis antea aggeribus  
 & cataractis clausum, quod repente  
 velut cœlestibus auctum aquis, per-  
 ruptis undiquaque repagulorum &  
 crepidinum claustris, ripisque infu-  
 sum, per aperta camporum longè  
 lateq; restagnarit. Animaduertit hoc  
 Claudius Iaius, vir inter primos Igna-  
 tij

\* Ex edit.  
 Melch.  
 Novesians



tij commilitones de religione Catho-  
lica in Italia, Boïca, Sueuia, Austria,  
& Germania tota præclarè meritis,  
cuius encomium apud Ribadenci-  
ram in vita Ignatij cognosces; Hoc,  
inquam cum Iaius animaduertisset,  
Petrum adeo laboribus studiorum  
immersum oppressumque, veritus,  
ne æstu quamuis sanctarum & altissi-  
marum occupationum abreptus, in  
breuia & fyrtes deferretur, quod &  
facilè fieri posse intelligebat, & factū  
non rarò ex patrum historiis memi-  
nerat, Paræneticas ad Petrum ex  
Vangionibus Wormatiâ, vbi tum  
Iaius morabatur, misit, quibus illum  
post honoris accepti gratulationem  
grauiter & religiosè monet, vt omnes  
ingenij, linguæ, & calami labores in  
solum Deum sine malo dolo & po-  
pularis auræ captatione bona mente  
refèrat, nec aliud inde spectet aut ex-  
pectet, quàm Dei O.M. à quo omnia  
acceperit, laudem, vbiq; propagan-  
dam,

dam, & hominum salutem omnibus studijs procurandam. Hortatur deinde, ne sic destineri se docēdi, concionandi, & scribendi munere potiatur, vt inde diuini spiritus vis detrimentum capiat, aut religiosis precandi & contemplandi officiis sua tempora detrahantur aut contrahantur. Confirmat sententiam auctoritate S. Thomæ Aquinatis, egregij Christianæ disciplinæ Philosophi, quem ostendit nunquam ad munus docēdi, vel commentandi, vel scribendi, disputandūue accessisse, quin prius ad aras confugeret, & propitiati Numinis præsentem opem imploraret. Nihil certè suscipi, nihil profici posse arbitratus, absque nutus diuini adiumento, à quo omnia, quæ vquam benè fiūt, in genus humanum beneficia proficiscātur. Hac ratione Canisius nunc à Fabro à nimia pauperum cura retractus ad studia; nunc per Iaium à studijs ad vota & pias medita-

meditationes impulsus, mediam inter extrema viam ingredi discebat; vt ex consuetudine non longâ, cum Fabro, Bobadilla, Iaio, optimis vitæ, *Optimi* morum & virtutis magistris incredi- *Virtutis* bile dictu sit, quantam sibi in rerum *Magistri* tractandarum vsu prudentiam pepe- *quantum* r'erit, quantum in diuinis lumen ac- *profint.* ceperit, quantum ex omnibus fructû reportarit; vti non solum moderato- rum suorum similis, sed etiam par ef- ficeretur. Iam apud Vbios Agrippi- nos in oculis & ore omnium virtus, eruditio, & matura quamuis in iuue- ne prudētia Canisij versabatur, cū ipsius Urbis & cathedræ supremum caput cœpit languere, & à recto Ca- 815.15.  
XLIII. tholicæ religionis tramite in Lutheri & Bucerii hæresiarcharum, & fidei, Numinis ac religionis desertorum (cū alter à S. Augustini, alter à S. Do- minici castris pfugisset) sinistras par- tes inclinare, secumque subiectos in exitiū trahere. Hermannus Vueda is



erat Archiepiscopus Agrippinus, & Imperij Romani septemuir, in cælestium literarum cognitione parum benè versatus, eoque insidiis veteratorum & hostium religionis antiquæ obnoxius, circumuentusq; Argentorato Bucerum, Melanchthonem cum Pistorio, Sartorio, & aliis Catholicæ Reipub. pestibus è Saxonia euocauit: vbi ille palam venena feralis sectæ spargere, & populo pro concione imponere, literatis edito Reformationum scripto (quod cum antididagematè tanquam antidoto Colonienfis Academiæ ad manus habemus) fucum facere tentauit, eoque loci res erat, vt cum Principe populus vniuersus in discrimen hæreseos veniret. Quod inter primos clarissimus & doctissimus vir Ioannes Gropperus sensit, & cum vniuerso Colonienfis Academiæ & Cleri concilio Canisium ad Leodiensem Antistitem aduersus nascentem sectæ flammam

flammam auxilium petitum legaerunt. In qua functione cum diutius cogeretur Leodij propter rei gravitatē herere, ne bonas horas otio trāsmitteret, more Societatis interim Cathedras procuravit, & festis diebus omnibus historiam Euangelicā frequentissima concione explicavit, sæpeq; eodem die in Episcopo, paræciaque binas conciones habuit, alias etiam Ecclesiasticos à Decano citatos ad officij munus exequendum hortatus. Testantur literæ Canisij ad Leonardum Kesselium, primum Colon: Collegij præsidē, quibus docet; ipso Natali Christi coactum ab Episcopo, qui fuit Georgius Austrius Maximiliani Romani nominis primi filius, ex tempore de rebus diuinis apud ipsum & aulicos verba facere; singularique amoris significatione tractatum, ad mensamq; adhibitum. Coloniam vbi confecto sæliciter negotio redijt, illico ab iisdem ad Caro-

*Altera legatio commissa Canisio.*

Quintum in castra super eodem negotio mittitur, quod ipse in confessionis libro de se, & annales Collegij Coloniensis testantur. Carolus sacrum ordinem Clericorum Coloniensium cum Academicis, citato ad causam dicendam Hermannō, in tutelam recipit, & contra Pseudoepiscopum auxilia pollicetur cum aduersarij eundem defendendum suscepissent. Effectumque ut anno cio. io. XLVII, à summo Pontifice exauctoratus & proscriptus honorem & tiaram Adulpho Schauenburgio cesserit. Gropperus ob fidem & operam Romanę Ecclesię strenuè nauatam, nihilminus suspicatus Friderici Bonnensis Præfulis Hermannī fratris, sedem iussus occupare, demum etiam in sacrum purpuratorum Romę Patrum consilium à Paulo IV. adscitus est, vir amplissimus, & quo affectus est, honore dignissimus, atque in profligata morum disciplina, cum omnium admiratione

*Gropperus Cardinalis.*



ne ausus esse sanctus, quando in suo  
 conclaui ancillam, dum lecto stra- *Groppers*  
 gula imponeret, deprehensam mox *Virtus &*  
 exturbauit, & lectum ipsum per fene- *castimo-*  
 strā cubiculi contactu fæmine quasi  
 pollutum inquinatumq; in viam de-  
 iecit. Cuius insignem encomia sten-  
 egit Sūrius, cum de Hermanni ex-  
 auctoratione narrans res anni cio.  
 io. XLVII. tractaret. Canisius dum in  
 castris apud Carolum, Colonien-  
 siū causam vrget, in Othonis simul  
 Cardinalis & Pontificis Augustani fa-  
 miliaritatem, magno optimi Princi-  
 pis vsu venit, à quo, post obitam Co-  
 loniensium legationem, cum Clau-  
 dio Iaio ad concilium Tridentinum,  
 anno Christi cio. io. XLVII. cum ipse  
 vi. & vicesimum ageret, est missus.  
 Cupiebant iam pridem vehementer  
 Academici Agrippini Canisium secū  
 retinere; sed cum is iam diu Societa-  
 ti iuratus, in suorum se maiorum au-  
 ctoritate esse profiteretur, nec sine  
 C 4 illorum

illorum permissu Coloniae degere posse affirmaret, consilium Academicum literas ad Bobadillam pro retinendo Canisio dedit, ex quarum sententia facile potest intelligi, quid de Canisij spe & eruditione senserint: subijcerem verba nisi ad alia properarem. Enimvero cum per orbem Christianum Societatis opera magnopere à Pontificibus, Regibus, & Rebus publicis desideraretur, in tanta sociorum paucitate visum est Canisium auocare, ubi utilius operam collocaret; præsertim cum ea tempestate Patrum in ea ciuitate præsentia parum grata videretur; & socios Canisij, senatus edicto, quod à Canisij propinquis odiū in nos, propter ipsam Canisium esset excitatum, tantum non proscripsisset; iamque Alphonsus Salmeron in Hispaniam esset reuocatus, Bobadillam iam ante inde profecto; solo Leonardo Kesselio ibi relicto, qui cælesti potius quam humana

*Leonardus  
Kesselius  
vir doctus  
et  
pius.*

mana ope Societatis nomen ibi retinuit, & societatem ipsam postremò cum ingenti fructu Reipub. restituit.

Canisius, vti narrare cœperam, ad Othonem reuersus, ab eodem cum Wolfgango Remio Præposito Augustanæ Ecclesiæ Tridentum ad sanctissimum Patrum concilium mittitur: vbi se cum Claudio Iaio Othonis legato coniunxit, & cum eodem Bononiam, quo sanctus Pontificum senatus diuerterat, se contulit, ibique publicè in maximo Patrum consensu sententiam dixit, quæ ex ipsius Canisij tabulis exscripsi. Reliquas eiusdè legationes à summo orbis Christiani præside imperatas suo loco exponemus.

*Tertia à  
Canisio  
Legatio obita.*

CIO. 12.  
XVII.

ROMAM VENIT, INDE  
IN SICILIAM, ET ROMA

*Primus  
Canisij in  
urbem ad-  
uentus.*

RVRVSVS IN GERMANIAM

atq; Ingolstadium.

CAPVT V.

C Oncilio intermisso magis quàm  
C 5 dimis-



CIC. 10.  
XLVII.

dimisso, Canisius cum Iacobo Lainefio Florentiam adiit, vbi reliquam æstatem ad septembrem vsq; transegit; Inde ab Ignatio Societatis auctore & Præside Romæ euocatus, diuino planè se gaudio delibutum scribit, quod sibi vrbs tam copioso, tot sanctissimorū Christi athletharū sanguine purpuratæ copia visendæ esset facta. Traduxit Romæ menses ferè quinq; quibus in omnibus se religionis nostræ asceticis magno animi ardore exercuit. Mense Februario incuntis anni CIC. 10. XLVIII. destinatus in Siciliam cum Hieronymo Domenico Valentino, Hieronymo Natali Hispanis, Andrea Frusio Gallo, Benedicto Palmio Italo, & aliis claris Societatis nostræ luminibus, cum fausta Pont. Max. Paulo III. apud quem Canisius publicè dixit, appreciatione periculosa nauigatione vsus Messanam appulit. Collegij Marmertini primum egit Rectorem Hieronymo-

ronymus Natalis, Rhetorem Canisius in Lyceo, Oratorem in templo; ex utriusq; auditoribus magnum operæ fructum retulit. Reuocatus anno insequenti Romam, solenni votorum quatuor summorum nuncupatione se totum vsu & mancipio Deo & Societati consecrauit.

*Secundum deum  
in Urbem  
aduentus  
Canisii.*

Eodem anno Guilielmus magnus Boiorum princeps Alberti parens, Guilielmi superstitis auus, proauus Maximiliani hodie Boicæ imperantis, fama Societatis ad se perlata, putauit è re suorum fore, si Patres in Boica ad luporum rabiem passim grassantium arcendam collocaret. Fremebant enim circum ouilia Christi immanes feræ, & magnam Germaniæ partem inuasérant, fœdumq; in modum lacerabant. Iam Pro- uinciæ Saxonum, Intuergonum, Vesslonum, Sennonum, Incrionum, qui sunt hodie Wirtébergenses, Brûsvvicenses, Brandeburgenses, Hessi, aliorumq;

*Guilielmus Boiorum princeps Maximilianus, Socios vocat in Boicam.*

rumque Germaniæ cum Belgis populorum magnam labem acceperant. Liberas ciuitates maximam partem eadem pestis occuparat, Austria laborabat, Boica nutabat, & iam anceps hærebat in quam se partem inclinaret. Quod, ut dixi, cum Guilielmi pietas sentiret, amans suæ gentis & salutis publicæ, per Leonardum Eckium virum eloquentia & sapientia præpollentem, eo nomine Romam missum, petiuit à summo Pontifice & Ignatio auxiliares copias, quibus hostium vim à suis defenderet. Missi auxiliatum Claudius Iaius, qui priore anno Ingolstadij litteras sanctiores explicarat, Viennamque abierat; Alphonfus Salmeron, & Canisius noster, qui ( cum ex Italia reuerteretur ) ad supremum doctrinæ gradum admotus, Bononiæ Theologiæ Doctor proclamatus est. Guilielmus præsentibus amicissimè complexus, omnes Ingolstadium

*Canisius  
Theologia  
Doctor creatur.*

M.D. XLIX.



um ad sacrarum literarum doctrinā  
 instaurandam, hæreticorum prauitate concussam misit. vbi Salmeron  
 D. Pauli epistolas, Claudius Dauidis  
 Psalmos explicauit, Canisius Petri  
 Lombardi sententias ad docendi ra-  
 tionem redactas illustrauit. Sed Al-  
 phonſus Salmeron in Italiam intra  
 annū reuocatus, Nicolaum Gauda-  
 num habuit ſucceſſorem. Claudius  
 Viennam Austriæ iuſſus repetijt, vir  
 omnium exiſtimatione ſanctus, qui  
 Tergeſtinum Pontificatum ſibi dela-  
 tum ingenti animo repudiauit. In-  
 golſtadij non diu moratus diuturnā  
 imò ſempiternam ſui memoriam a-  
 nimis hominum infixit. recognoſca-  
 mus Academia Ingolſtadianæ tabu-  
 lam inter monumenta annalium ſer-  
 uatam de Claudio ita loquentem :  
*Claudium Iayum Allobrogem fuiſſe, & do-  
 ctorem ac Profefſorem, & de Societate IEſu  
 teſtatur monumentum, quod illi in Schola  
 ſua poſuere Theologi, quorum teſtimonium*  
*tanti*

*Defecerat  
 a ſide Ioan-  
 nes Peſſen-  
 dorfer, &c  
 anno CIO.*

*IO. XXV. ta-  
 bula Aca-  
 demica*

*demōſtrat.  
 Balthaſſar  
 Hiebmaier  
 Pacimon-  
 tanus CIO.*

*IO. XXIII.  
 Vienna  
 exuſtus*

*CIO. IO. XXVI  
 Gerion Sei-  
 ler, & Phi-  
 lippus Ap-  
 pianus Pe-  
 tri filius,*

*de quibus  
 Rottma-  
 rus in An-  
 nalibus.*

*Elogium  
 Claudij  
 Iay.*

*Ex Anna-  
 lib. publi-  
 cis Aca-  
 demia Ingol-  
 ſtadiana.*

*tanti apud me est, ut omnibus actis, & scriptis anteferam. Placidissimorum perhibetur morum fuisse, ut qui non solum eruditione excelluerit, sed & pietate, & cum pietate doctrinam, & cum doctrina parem coniunxerit pietatem; atque adeo, ut si quisquam alius in nostra Academia, certe ille cum apud infimos mediosq̃, tum etiam summos & prudentissimos, certam quasi sanctitatis opinionē sibi compararit. Hunc nos suprà laudauimus optima Canisio præcepta docendi viuendiq̃; præscribentem, ut hoc minus mirere, qua via Canisius profecerit, & per quos ad virtutis culmen prouectus sit, cum eiusmodi virtutis duces secutus est. Quod porò ipse Canisius, Ingolstadij dum sacras in Academia literas tractaret, populum pro concione doceret, supremū Academiae magistratum, Rector nouo more gereret, encomium promeruerit, loquantur ipsa Academiae Ingolstadianæ monumenta, in quibus præter alia hæc lego:*

*Sed*

*Sed ad propositum & incomparabilem virum Petrum Canisum diuerto, cui tamen Encomiasticum minimè polliceor, sed id tantum præsbiturum, ut cum ab obliuione apud posteros vindicem, & is qualemcunq; inter Theologos possit habere locum. Dicam quod sentio: Vir est diuini propemodū ingenij & eruditionis incomparabilis, Philosophus eximius; quod illi penè cum omnibus patribus de Societate cōmune est, Theologus profundus, & lectionis infinitæ, quod cū plurimis; & quod illi neq; omnino cum multis, neq; omnino paucis est cōmune, Orator valde eloquens, Ecclesiastes pariter grauis & iucundus. Et rursū: In eo deniq; pietatis & eruditionis, vitæq; integritatis, omnisq; virtutum generis, quæ in eiusmodi virū cadere solent, quæ Ecclesiasticos ornāt & cōmendāt, illustre statuimus exēplū. Restituit ipse cū collegis suis Academia loco suo & dignitati, cū post Eckiū lumē Academiae & Germania solē, magnū adijisset discrimē religiōis, & ingēs detrimētū post nefariā quorūdā in Academia defectionē accepisset. Hoc tamē citra veterū doctōrū atq;*  
*etiam*



*etiam ipsius Domini Eccij, Theologi & doctissimi, & in disputando religionemq, propugnando, felicissimi & fortissimi Hectoris, iniuriam facile affirmarim, longè & elegantius, politiusq, & compendiosius nunc penè omnes tradi doceriq, literas, quàm apud maiores nostros fieri est solitum. Id quod ego seculi potius illius barbariei, quæ in omnes scientias vim suam exercuit, quàm ipsis Doctoribus, quos acutè, subtiliter & doctè scripsisse & disputasse constat, tribuo.*

## QVID VIENNÆ PROMOVERIT.

### CAPVT VI.

CID. 13. LI.

**C**Anisius re benè gesta Ingolstadij vocatu Ferdinandi Imperatoris cum Nicolao Gaudano inde profectus Viennam properauit, vbi cœpta à Claudio Iaio & Lanoio Collegij Viennensis fundamenta absoluit, Ferdinando Cæsari pro concione Euangelium exposuit; Et cum non absque

absque vitæ discrimine regiam peteret, armata manu in aulam deduci Ferdinandus Canisium imperauit. In Academia sacra diuinæ legis mysteria interpretatus est, in quibus a deo copiosè Cæsari satis fecit, vt propter conceptam de Canisio non inanem sanctimoniam venerationē, Antistiti Viennensi extincto, non alium illo digniorem, quem sufficeret, iudicaret. Quare per legatum apud summum Pontificem omni ope contendit, vti Canisium vellet, juberet Viennæ Pontificem esse: non esse ea tempestate commodiorem, nec ijs temporib⁹ opportuniorem, qui improborum hominum omnia contra fidem Romanam molientium conatibus voce, calamo, & virtutum studio possit obniti. Qua de re luculentum in vita Ignatij testimonium Ribadeneira dicit: *Anno*, inquit, *MD.LIII. Ferdinandus Romanorum Rex, Petrum Canisium virum modestie atq; sapi-*  

D *entia*

entia laude in nostra Societate præstantem, acremq; fidei Catholicæ aduersus hæreticos defensorem, optauit creari Episcopum Viennensem. Videbat enim cum in ipsa ciuitate Vienna, tum per uniuersam Austriam hæreseon pestē impune grassari: & pastorem sanctissimo atq; vigilante opus esse, qui à Christi grege luporum passim seuiuentium rabiem arceret. Cum igitur à Pontifice Iulio III. hoc Ferdinandus Rex summis precibus contenderet, Pontifex rem totam ad Ignatium reiecit, ut si ille probaret, quod Rex petebat, id ipse concederet. Negauit Ignatius id ex usu ac commodo Societatis fieri posse. Adhibita sunt omnes machinæ ad expugnandum illius animum, sed frustra: mansit enim semper in sententia, nec se ab illa ullis rationibus deduci passus est.

Eiusdem Ferdinandi imperio Rudimenta doctrinæ Christianæ Canisius conscripsit, & in lucē, sine sui nominis, quod modestiæ causa fecerat, ambitione, auctoritate tamē Cæsaris euulgauit (summam doctrinæ Christianæ



stianæ dixit) quæ res mirè oculos ad-  
 uersariorū torfit, & multo grauius a-  
 nimos vulnerauit, cum suas errorum  
 technas, & strophas impietatis, quib⁹  
 simplici ætati populoq; illudere cō-  
 fuerant, aperiri & in lucē prolatas ri-  
 deri damnariq; senserunt. Proinde o-  
 mnes certatim velut ad vnā eandēq;  
 metam collineare, & impetū in salu-  
 berrimū Canisij doctrinæ Catholicæ  
 cōpendiū facere, ac omni vi conuel-  
 lere conari, vti Cæsaris impulsu coa-  
 ctus fuerit Canisius opus suū augere,  
 & testimoniis patrū fulcire, & pro pri-  
 ma ætate ex ipsa epitome epitomen  
 cōcinnare, nomēq; suū Catechismo  
 præfigere. Quod ipse Canisi⁹ epistola  
 suæ catechesi præfixa lectorique in-  
 scripta testatur. Sed multo illustrius  
 & ampli⁹ est ipsius Ferdinandi Cæsaris  
 edictū, Viennæ anno priore pro hu-  
 ius libri auctoritate, & ipso Canisio,  
 & Catholicæ pietatis studio proposi-  
 tū, quod huiusmodi Hendecasylla-  
 bus commendat.

*Vis cognoscere, Christiane lector,  
 Quid sincera fides tua exigit, vel  
 Optet? hunc legito usq; & usq; librum,  
 Quem nunc Rex tibi Ferdinandus ipse  
 Laudauit, tibi quo foret vel ista  
 Consultum ratione, ne perires.  
 Quod si verius ipse vis probare,  
 Edictum poteris videre Regis.*

EDICTVM CÆSAREÆ  
 MAIESTATIS.

**F**erdinandus diuina fauente clementia  
 electus Romanorum Imperator semper  
 Augustus, ac Germaniæ, Hungariæ, Bohe-  
 miæ, Dalmatiæ, Croatiæ, Sclauoniæ, &c.  
 Rex, Infans Hispaniarum, Archidux Au-  
 striæ, Dux Burgundiæ, &c. Marchio Mora-  
 uiæ, &c. Comes Tyrolis, &c. Vniuersis &  
 singulis fidelibus nostris, tam Ecclesiasticis  
 quàm Secularibus, Prælatiis, Comitibus, Ba-  
 ronibus, Dominis, Militibus, Clientibus,  
 Capitaneis, Marschalcis, Prouinciarum præ-  
 sidibus, Vicedominis, Præfectis, Burggravi-  
 is,

is, Officialibus, Iudicibus, Burgimagistris, Consulibus, & Communitatibus, omnibusq; aliis & singulis subditis, & fidelibus nostris Prouinciarũ nostrarum, cuiuscunq; gradus, status, ordinis, conditionis, & dignitatis extiterint, gratiam nostram Casaream, & omne bonum. Magno cum animi nostri mœro re perpendimus & videmus, quibus hodie quantisq; motibus & periculis orbis Christianus undiq; concutiatur: potissimum verò miserandus ille status neglectæ adeoq; contemptæ passim religionis sæpe multumq; nos & pios omnes decruciat: Qua quidem religione, ut nihil est sanctius in terris, ita præclarius ac firmissus Reipub. ornamentum, ac robur esse nullum potest. Atq; idcirco malarum artium, nefarius Artifex sanctæ Ecclesiæ bonorumq; omnium hostis atrocissimus Sathan quantum humano generi præsidii in vera religione positum sit, minimè ignarus, annis ab hinc multis causam religionis passim oppugnat ac perturbat, ita ut maioribus viribus & copiis, frequentioribusq; dolis & fraudibus, uno eodemq; tem-



pore ipsam antea nunquam oppugnasse videatur. Nec desinit adhuc satellites quosdam et ministros suos, qui editis suis libellis omnia impietatis studia foucant, disseminent, ac propagent subornare: partim, ut qui à religione orthodoxa semel defecere, in erroribus & sectis, quibus se addixerunt, confirmentur: partim, ut qui etiamnum in tutissimis Ecclesie Dei castris perdurant, hinc seducti factionum discipuli, & religionis nostræ Catholica desertores fiant. Inter hos autem libellos, quorum ingens ubique prouentus est, non parum virium ad religionem erendam habent Catechismi (sic enim appellant) qui sæpè tum breuitatis, tum verborum elegantie, & methodi specie commendati egregiè fallunt, & imperitam illam nobilemque iuuentutem veritatis synceritati natam, grauiter vitiant, atque corrumpunt. Dum enim ex istorum libellorum lectione, venenum ipsa dulcedine blandum, simplicibus & incautis sumendum præbetur, priusquam id sentiant eorum animi nouis & pestiferis opinionibus, quas

quas euellere postea sit difficillimum , de-  
 prauantur. Vnde fit, ut eo doctrinæ fer-  
 mento semel infecti, Catholica fidei, & san-  
 ctæ matris Ecclesiæ dogmata , & instituta  
 veneranda negligant , fastidiant , atque  
 nonnunquam etiam per contemptum op-  
 pugnent. Qua quidem in re , si quid  
 consiliis , monitis , iussis , & edictis publicis  
 Imperatore & Principe Christiano dignis  
 profici potuit. Nos profecto , cum ad ista  
 impietatis studia profliganda , tum ad sa-  
 cro sanctæ religionis nostræ Catholicæ iura  
 retinenda , officio nostro minimè defui-  
 mus. Attamen grassatur in dies magis  
 ac magis hæc fæda lues , nouique subinde  
 ac nouus illecebris infecti prodeunt Cate-  
 chismi : sparguntur , leguntur , proponun-  
 tur in Scholis , maiore sanè periculo , quam  
 simplices pueri & creduli , improuidiq; , adole-  
 scentes , imperitiq; homines , & pleriq; omnes  
 istiusmodi præceptores sentire aut iudicare  
 queant. Quod igitur in graui morbo boni me-  
 dici , in exorta tempestate fidi naucleri faci-  
 ūt , à nobis alienum , non esse existimaui-  
 mus.

Studium  
 Ferdinan-  
 di Impera-  
 toris in tu-  
 endæ reli-  
 gione Ca-  
 tholica.



ut presentissima nobisq; ob oculos posita atque prospecta longè grauissima pericula ratione quadam aut depellamus omnino, aut saltem, quoad Deus potentem manum suam ad mouerit, mitigemus. Quamobrem maturè super his deliberatione habita, fidelibus nobis subiectis populis saluberrimum fore duximus, si in tanta dogmatum & sectarum varietate, catechistica doctrinalibrum, qui Orthodoxus sit, conscribi simul & fidelibus nostris populis euulgari, commendariq; unicè curaremus. Ad quod Catholicum opus conscribendum, inter alios non dubie fidei ac doctrina viros, honorabilem, religiosum, deuotum, nobis dilectum Petrum Canisium, sacre Theologiae Doctorem delegimus, & cum ab eo fuisset conscriptus, aliorum etiam, quos non solum sacrosanctae Theologicae scientiae, verum etiam vitae innocentiae & integritate perspicuos esse constat, iudicio & censura subiecimus: quo certiores essemus, ne auctoritate nostra in lucem quicquam prodiret, quod Euangelica doctrina & sanctae Ecclesiae Catholica ullo modo aduersaretur. Posteaquam

Imperator  
laudat Canisium.



steaquam Dei Opt. Max. gratia factū est, ut commemoratus liber, magno ubiq; doctorū & procerum quoq; Catholicorum applausu exceptus, in varias etiam linguas cōuersus, saepeq; apud exteros recusius, & in Gymnasiis publicis simul ad docendum & discendum propositus fuerit, existimauimus, nos non absréfacturos, si eundem Catechismum ab auctore denuò recognitum, non solum rursus typis euulgari curaremus, verum etiam pro rudiorum captu in quoddam compendium redigi iuberemus; ac fidelibus nostris populis denuò auctoritate nostra commendaremus. Mandantes idcirco predictis omnibus & singulis præcipuè verò iis, qui nostro nomine & loco iuris & Iustitiæ administrationem in prouinciis nostris exercent, & in magistratu constituti sunt, ut hunc Catechismum solum, nullumq; alium per Ludimagistros, præceptores, ac Pædagogos pueris in Scholis publice aut priuatim proponi, prælegi, ediscendumq; tradi magnoperè curetis, atq; omninò efficiatis, quatenus cum vos, tum ipsi grauissimam indignationē nostrā



no volumine, quod doctiores ad stabilienda Romanæ Ecclesiæ decreta & vniuersam religionis nostræ institutionē adhibeāt. Fecit hæc fama Canisij, vt omniū aures hæreticorū grauius feriret, à quib⁹ Canis Austriacus dictitatus est, quod luponū nepe immanitatē retunderet, & à Christi ouilib⁹ feras omnibus lupis nocentiores procul arceret. Auctoritas porro tanta viri erat, jam Prouinciæ ab Ignatio præfecti, vt illū Societatis auctore & cōditorē vulgò proclamaret, omnibusq; modis conarētur innocētiam eius aliqua criminis infamia aspergere. cumq; nihil esset, quod in morib⁹ aut vita possent carpere, ad cōsuetū mēdaciorū asylū cōfugerunt. Sic enim impius Ecclesiæ, & summi illius Præsidis perduellis Ioānes Wolfius I. C. in cētenario sexto mēdaciorū seu lectionū memorabiliū ex Atheo Illyrico de nostro Canisio ipudētissimè fabulatur. *Iesuitarū precipu⁹ auctor, aut certe instaurator & propagator Canisi⁹ est, de cuius*

*Hæreticorum scommata-*

*Canisius Societatis auctor creditus in Germania*

*Illyrici fabula de Canisio.*



*cuius sanctitate & castitate multæ præclaræ  
historiæ circumferuntur. Inter quas non po-  
stremum locum obtinet illa, quæ Moguntia  
anno 1557. cum Abbatissa cognomento Ca-  
tella accidit : à qua cum lauto hospitio ex-  
ceptus esset , postquam poculis exhilarati  
sunt, ex communi canis cognomine amicitia  
contracta caninas nuptias celebrarunt. Et  
fabula tunc in VVormatiensi colloquio fuit  
toto notissima calo. Hæc supra omnes  
Mœconidas, Æsopos, Phœdros, fabu-  
losus Illyricus, & mendax Wolfius, q̃  
tamen verè fabulam ait fuisse; notam  
fabulam inquam, non historiam, cū  
eo anno Canisius Moguntiam nun-  
quam accesserit, & Viennæ Austriæ  
Imperatoris Ferdinandi Ecclesiasten  
egerit, scripseritque sacram Cate-  
chesin. Accedit (vt ex Antistitarum  
Moguntinarum, Parthenonum seu  
Virginum sacrarū syllabis cognoui)  
nullam vnquam Moguntia in vlllo  
cœnobio Abbatissam cognomine Ca-  
tellam fuisse. Immò nec Moguntia  
Colle-*

Collegium Societatis IESV vllum fuit ea tempestate, primumque anno CIO. IO. LXI. institutum est. Potuit fabula traxisse originem à quadam Hundia, ministra Cœnobij, quam subpriorissam vocant, quę oblita suę nobilitatis & religionis, cum vili ministro Cœnobij in pistrino nati clàm profugit, & Francofurti desertrix vororum, & sacrilega sponsi cælestis Christi proditrix, in hæresi infelicem animam exhalauit. Multo honestius & verius, quamuis non Romanæ religionis scriptor Henricus Pantaleon in Prosopographia virorum Illustrum Germaniæ de eodem hoc elogium condidit: *Petrus Canisius Nouiomagi apud Belgas natus & educatus anno circiter M D. XXIV. Hic cum felici ingenio esset præditus, operam literis dedit, atq; impri-  
mis Theologico studio incubuit. Id vt commodius præstaret, Iesuitarum Collegium ingressus, eum ordinem suscepit. Digreditur deinde in origines Societatis, & de-*

*In hæreticos retorta*

*Verū aduersarij de Canisio elogium. Natus est anno 1521. non 24.*

mum

mum concludit. Cum ergo Petrus in Ie-  
 suitarum ordine plurimum profecisset, pri-  
 mò Ingolstadii Professor, postea ab Othone  
 Cardinale eius Ordinis fautore, Augustæ  
 Vindelicorum concionibus Præfectus fuit.  
 Eam vocationem Petrus suscepit, atq; tanto  
 Zelo administravit, ut passim omnibus in-  
 notesceret. Tanta enim facundia fuit, ut  
 Ferdinando Cesari & Pontifici Romano  
 gratus & aliquoties ab iis vocatus fuerit.  
 Ibi quoque etiamnum in auctoritate exi-  
 stens, à Germanis & exteris nationibus ag-  
 noscitur. Anno post receptam per  
 Christum salutem CIO. IO. LV. B. Igna-  
 tius per literas Canisio in mandatis  
 dedit, uti se cum Farnesio Legato  
 Pontif. M. ad comitia à Ferdinando  
 Rege, Ratisbonam indicta coniun-  
 geret, omnēq; operam suam illi of-  
 ferret, præstaretq; Nam Carolus Q.  
 M. omnibus imperiis se vltro abdi-  
 carat, & filio Philippo regnis omnib<sup>9</sup>  
 hæreditariis Hispaniarum, & quæ ad  
 earum ditionem pertinent, cesserat.

Ferd-

Ex literis  
 B. Ignatij  
 à Theodo-  
 ro Busæo  
 ad me mis-  
 sis.



Ferdinando Rom. regi germano fratri literis ad regulos Germaniæ datis, imperium commendarat. Canisius præsto fuit omnibus, sed funera principum conuentus morabantur. Interim Canisius prouinciã curauit.

## PRAGAM SOCIORVM COLONIAM DEDVCIT:

WORMATIAM A FERDINANDO

Cæsare ad Colloquium mit-  
titur.

### CAPVT VII.

**F**erdinandus Romanorum Rex animaduersa Canisij doctrina, religione, vita, morumq; integritate, ex illo de Sociis existimans, quorũ virtutem in Viennensis Collegij felici & salutari Reipub. progressu perspexerat, putauit se Bohemorũ etiam salutis consulturũ, si Pragæ Collegium cõderet, vbi mores populi emenderent, Hussitarum & Wicleffitarum, aliorumq; hæreticorum furorem retunderẽt; sic enim ex tabulis Collegij  
Pra-

Pragensis à Theophilo Chrysteno  
rectore ad memissis cognoui. *Cum*  
*igitur* (inquit Henricus Blissemius,  
tertius eiusdē Collegij moderator)  
*Ferdinandus Bohemiæ Rex Anno Domini*  
*1555. afflictissimum Regni Bohemiæ statū*  
*(maxime quoad religionem Catholicam,*  
*usquequaq; ferè retro actis annis inde pro-*  
*fligatam) diligentius perpenderet, eumque*  
*reperiret esse eiusmodi, ut nisi breui adhibe-*  
*rentur opportuna remedia, de pietate Ca-*  
*tholica plane actum esset, induxit in ani-*  
*um Pragæ Societatis IESV Collegium eri-*  
*gere, de qua re proinde non solum ad R.P.*  
*Ignatium de Loyla Societatis Generalem*  
*Præpositum, sed ad summū Pontificem etiā*  
*Iulium III. aliquoties & diligenter scripsit,*  
*ut aliquot Societatis viros in Bohemiam*  
*euocaret. Et quam primum iuxta pium ani-*  
*mi sui desiderium P. Ignatii consensum ob-*  
*tinuit, Scholas disposuit, ac habitationes*  
*quasdam, quantum fieri potuit, in eorum*  
*principio, Societatis IESV instituto accom-*  
*modavit, præsentē P. Canisio, qui mox mu-*  
*seum*

*saum accersitis literarum doctōribus iuuentuti aperuit, ipse pro Cathedra populum ad pristinum virtutis cultum, hereticos ad recognoscendam veteris religionis veritatem inuitauit.*

*Versati sunt Socij primis annis ingentī cum vitæ discrimine Pragæ (quæ caput est Bohemiæ) & nisi publicis edictis vtriusque Ferdinandi, Patris inquā, imp & filij Archiducis, patri cognominis; Socijs seuerissimè cautum fuisset, vltimū haud dubiè periculum adiissent. Minati enim fuerant se nostros de pōte præcipites acturos: & vero insidias ponebant. Qua de re in annuis Collegij Pragensis, Año M.D.LVI. IV. Cal. Sept. à Petro Siluio Romam perscriptis in hæc verba lego, ex quibus simul & primi Pragensis Contubernij incolæ, & Scholarum ratio cognoscentur:*

*Collegij nostri admoneo paucos esse vel nullos aduersarios, præter Lutheranos: qui nos timeant, esse plurimos; quippe qui per nos suæ sectæ auctoritatem minuendam præ-*

*E sagiunt.*

*Ex P. Petri  
Siluij lue-  
ris, Anno  
MD.LVI.*



sagiunt. Iussit nobis indicari Præpositus arcis  
Pragensis, quosdam Lutheranos nobis moli-  
ri insidias adeò ut non clam fassi sint, se vel-  
le nos cum contingeret pontem transgredi,  
in flumen precipitare, & statim aufugere:  
sed noctu foris non versamur: interdum ve-  
rò negotia obedientiæ intrepidi obimus. Fue-  
runt & Doctori Henrico paratæ insidiæ, &  
Doctori Tilano alteri domi, alteri foris: ali-  
quando lapidib<sup>9</sup> Collegium impetitur. Sunt  
qui & incendium nobis minentur: & quæ  
ibidē sequuntur: Subijcit deinde de  
Ferdinando Maximiliani Imperato-  
ris germano: Archidux Ferdinandus,  
ut patris nomen sortitus est, ita virtutem  
imitatur. Publicè per præcones proclamari  
iussit, ne quis huic Collegio ulla in re nocere  
auderet. Nunc profectus est Chiliarcha in  
Vngariam, & à nobis, ut senior coronam, ita  
& ipse Agnum Dei accepit, quem secū tulit.  
Vnice nostris orationib<sup>9</sup> & sacrificiis se com-  
mendans. Qui etiam suggerente Patre Ca-  
nisio instituit, ut per totam Bohemiam in-  
nouaretur mos meridie pulsandi contra  
Christi

*Christi hostes, ac pro Christianæ religionis prospero successu, reuerenter gratias agens Canisio, qui tam honesta petendo Principem Catholicum officij sui admoneret. Effectum est apud eum, ut probatæ fidei virum concionatorem haberet in militia, & curaret diebus Veneris in tota Bohemia processionem fieri, & missam de sancta cruce cantari, & moneri populum de pænitentia & pietate. Addit Siluius iudicium populi de Canisio.*

*Patrem nostrum Prouincialem Canisium mirè hæ regiones Aquilonares venerantur, ut non solû Catholici, sed etiam Hussitæ & alij heretici imò & Iudæi illû diligant: quâuis doleant malorû artifices tam multa eius consilio in vniuerso Germaniæ statu fieri, (ut mihi à quibusdam indignantibus dictû est) omnia scilicet ei⁹ cōsilio fieri, &c. Maximum de nobis rumorem spargi apud Germanos ac præsertim apud Marchionem Brandenburgensem & Ducem Saxonie retulit nobis D. Marschalcus à regia Maiestate defensor nobis cōstitutus) utinam omniû expectationi satisfacere liceat.*

*Pericula  
quotidia-  
na.*

*Nostrum collegium in Ciuitatis medi-  
tulliositum est, loco saluberrimo. De persecu-  
tionibus breuiter & pauca perstrinxi: Fra-  
tres tam viuunt securi ex maximis pericu-  
lis, quasi iam in paradiso agerent. Nec mi-  
rum; cum iam altero pede, nempè affectu ibi*

*Nostri in  
summis pe-  
riculis ex-  
tra pericu-  
lum.*

*sint & effectus esse sperent in dies assidue do-  
mi, & extra domum martyrium expectan-  
tes; præsertim cum ad Scholas descendunt,  
ubi probabiliter secundum humanam rati-  
onem, nunquam se redituros ad cubiculum,  
sed potius ad caeleste tabernaculum, sibi per-  
suadere possunt. Hæc & his multò plura  
Siluius. Porro Hussitarum odium  
in Canisium, quem maximè formi-  
darunt, ostendit monostichon, quod  
in illum iactarunt:*

*Versus in  
Canisium.*

*Hinc procul esto canis: pro nobis excubat anser.  
Cuius hic est intellectus. Allusum  
est ad historiam veterem & Virgili-  
anum carmen, quo Gallorum ad  
Capitolium duce Brenno per noctis  
tenebras grassantium ab ansere, sopi-  
tis canibus, proditas insidias canit, si-  
mulq;*



mulq; in Dilogia nominum (*canis*) & (*anseris*) vis posita est: cum per *canem* Canisium, per *anserem* infelicem Hufsiū sectæ suæ architectum vellent intelligi, *Hufs* enim Bohemis anserē *Hufs, anser* valet. Ne ergò per subitum populi aut improborum impetum Canisius opprimeretur, dum aulam Regis peteret, præsidio principis ducendus ac reducendus fuit. Cōstitutis jam Collegij fundamentis, quamuis rebus in futurum tempus nondum satis compositis, Canisius ad Vangiones Wor- *Disputatio*  
matiam à Ferdinando Imperatore *Vormatien-  
sis.* anno post Christum natum CIO. IO. *Hunc an-  
num Sarr-  
sus signat,  
ab; CIO. IO.  
LV.* LVII. cum Nicolao Gaudano missus venit, vbi cum Melanchthone Matthia Flacco Illyrico, Melanchthonis mali corui malo ouo, Nicolao Ambf-  
dorfio, Nicolao Gallo præcone Reginoburgico, & alijs octo dogmatum paradoxorum procusoribus congressurus. Sed cum hæretici inter se conuenire non possent, & Ortho-

doxorum consensum, vim dicendi, causæ æquitatem ac eruditionē formidarent, alia atq; alia causati, se Wormatia subduxerunt, & hoc tantum effecerunt, uti se scriptis postea & Thesibus ac hypothesibus mutuò lacerarent, præsertim Ambsdorfius & Gall<sup>9</sup> ab alijs proscripti. Quade re plura Surius. Canisio tum Principes erant partes comisse, uti Catholicorū nomine antagonists, & calamo & ore responderet. Ad quod ipse cū Lo- uanienfib<sup>9</sup> magnæ auctoritatis viris ac Theologis accesserat. Sed, uti dixi, detrectantib<sup>9</sup> pugnam aduersarijs, & inter se digladiantib<sup>9</sup>, nulla cum illis decernendi ratio iniri potuit.

Canisius ad suæ Prouinciæ munus reuersus Wormatia, Coloniam excurrit, & inde rogatu Episcopi Argētinam, Friburgumq; Brisgoiē. Mox in Austriam se recepit, & Bohemiam, ut inchoata prioribus annis Collegij Pragensis initia prosequeretur. Qua

in re nec paucos menses, nec paruos labores posuit, & in summa æde concionibus ad Cæsarem, populumque haud parū promouit. Reperi in chartis Canisij Epistolam ad Socios Pragenses, in qua de initijs Collegij & liberalitate principū multa commemorat, quod ex ipsis literis discas.

AD PRAGENSE COLLEGI-  
VM SOCIETATIS IESV P. CANISIJ Epistola.

**I**N Iesu Christo saluete Patres, quotquot Praga coniuncti degitis, ac in posterum degetis, eodem Societatis vinculo colligati, ut meo desiderio atque vocationi vestrae satisficiatis. Ac iusta quidem est ratio, ut vos moneam de bonitate diuina predicanda, qua mirabiliter effectum est, ut felicis memoriae Casar Catholicus Ferdinandus, idemque Bohemiae Rex inclytus hanc vestri Collegij sedē posuerit, & per me indignū voluerit ædificari. Precor eundem fontem bonorum omnium, ut quotquot istic agitis,

E 4      gratis



gratis animis agnoscatis, sæpeq; perpendatis  
 istius accepti beneficij magnitudinem nullis  
 verbis explicabilem. Etenim haud qua-  
 quam levis res est, regium fundare & con-  
 seruare Collegium in primaria Regni Bo-  
 hemici vrbe, locoq; commodo & celebri,  
 sumptibus non paruis extructum illo tem-  
 pore, quo Hussitarum, Lutheranorum, alia-  
 rumq; sectarum vires in Bohemia immani-  
 ter desexuerunt, nihilq; minus quam auitam  
 pietatem & Romanam Ecclesiam approba-  
 re voluerunt. Peto igitur à vobis obnixè,  
 fratres, vt siue viuam ego, siue moriar, diu  
 autem viuere non possum in hac senili im-  
 becillitate, vos gratam & constantem pa-  
 tronorum & amicorum memoriam intimè  
 conseruetis, & eorum maximè, quorum præ-  
 sidio, fauore, & studio Collegium hoc vestrū  
 præclare inchoatum, & hucusq; defen-  
 sum fuit, quidquid demum aduersarij moli-  
 rentur, qui rerum vestrarum successibus  
 multis modis inuidere & hostiliter obstrepe-  
 re non dubitarunt. Potissimum verò Au-  
 striacæ domus ac familiæ Regiæ, qua vix ulla  
 hodie

Austriacæ  
 familiae in  
 Societate  
 studia.

*hodie in Europa splendet illustrior, memori-*  
*am vobis ac posteris valdè commendatam*  
*habetote, utpote per quam summo Deo*  
*visum est, hanc exiguam Societatē nostram*  
*in Austriam & Bohemiam clementer in-*  
*ducere, & in ea humaniter sustentare, ut no-*  
*uos in messe amplissima operarios exhibere-*  
*mus, quum noxia Zizania electum triticum*  
*passim suffocarent. Benè sit Austriacis fun-*  
*datoribus, quorum excellenti pietati ac per-*  
*petuae munificentia tam multa debemus. Ae-*  
*ternū Christo viuant omnes, qui suis cō-*  
*siliis ac subsidis hoc vestrum non obscurum*  
*seminarium instituere, prouehere, atq; con-*  
*firmare difficillimo tempore dignati sunt, ac*  
*dignantur etiamnum. Quamobrem non*  
*minus gratitudinis illis vos decet rependere,*  
*qui omni sunt exceptione maiores ex cælo*  
*patroni & amici, fiduq; suffragiis res ve-*  
*stras stare hætenus atq; durare certissimum*  
*habeo. Quare gratiosa & frequens apud vos*  
*memoria vigeat diui \* Alberti, primi apud \* Adel-*  
*Bohemos Apostoli, diui VVenceslai Princi- bersi.*  
*pis ac Martyris, diui Clementis patroni ve-*

*stri Apostolici, diui Sigismundi Regis Burgundici, ac aliorum quoq; Sanctorum, quorum nomina & merita, ut sanè iustum est, in Pragensi Ecclesia, tot sæculis celebrantur. & quorum efficaci intercessione multa vobis vestrisq; conatibus diuina gratia munera, mihi credite, subinde communicantur. Postremò etiam atq; etiam rogo, ut quotquot apud D. Clementem habitatis, vocationis vestrae memores, concreditam vobis vineam Bohemicam magni faciat, vestramq; messem illustri loco Praga sitam indefesso studio pergatis excolere, Christo auxiliante. Vita sit vobis irreprehensibilis, in qua præclarum luceat specimen sanctæ paupertatis, perpetuæ continentiae, obedientiaeq; religiosæ. Peculiariter autem patientiam & charitatem vestram non Catholici modo, sed etiam Catholicorum hostes, falsiq; fratres re ipsa comperiant, nomen IESU videlicet per vos magis magisq; glorificari. Etenim non solum ad docendum & concionandum, sed etiam ad crucem ferendam, & ad bene merendum de omnibus vos*  
*istuc*



*istuc vocatos ac missos esse, nunquam non meminisse debetis. Vigeat igitur in omnibus ille, quem Pater noster Ignatius inprimis postulat, vigeat inquam Zelus feruens animarum, quo præditi, ea quæ Christi sunt, syncerus procuretus animus, in hoc diligenter intenti, ut oves errantes ouili suo, veroque pastori, quoad eius fieri potest, in agro Bohemico restituantur. Amen, Amen. Seniore[m] Canisium, qui primum Collegii nostri lapidem iecit, in Christi nomine, vestris & sacrificiis, & precibus Domino commendatus, quæso.*

## DE COLLEGII INGOLSTADIANI INITIIS.

### CAPVT VIII.

**E**Xpositum est supra, quibus modis Guilielmus Boiorum Princeps, Maximiliani hodie rerum in Boica potentis proauus, ab Ignatio felice Societatis parente socios impetruit, & Ingolstadtum ad cælestes illic literas tradendas amandarit.

Vix

Vix illic patres docendi initium fecerant, suæq; vitæ, morum ac doctrinæ documenta præclara dare cœperant, cum Guilielmus Anno Christi, 1510. vita & principatu per mortem exutus, hæredem ex se patriæ reliquit Albertum qui patris optimè cœpta persequi non omisit. Sed ut Sociis domicilium Ingolstadij collocaret, ab ipso B. Ignatio per Epistolā & Legatum patres flagitavit, cui religiosè & perofficiosè in hæc verba (juuat enim sancti viri syllabas, nusquam alibi visas, adnumerare) Ignatius respondit.

SERENISSIME PRINCEPS,  
ET DOMINE MIHI IN CHRISTO  
obseruandissime.

*Epistola B.  
P. Ignatij  
ad Guils.  
elmum  
Ducem  
Bororum.*

*S*umma gratia & æternus amor Domini  
nostri Iesu Christi, serenitatem vestram  
uberrimis donorum suorum spiritualium  
exornet augmentis. Simulatq; nobis reddita  
fuerunt,

fuerunt, Serenissime Princeps, vestrae Sere-  
 nitatis literæ, quibus pro sua benignitate in  
 nostro ponit arbitrio, ut vel ante feruen-  
 tiores huius æstatis calores, vel elapsis cani-  
 cularibus, ante hyemis initium promissum  
 Collegium Ingolstadtum ablegem. Inito cum  
 fratribus meis consilio statim eos mittendos  
 censui. Gratius enim id Serenitati vestrae,  
 & ad maiorem Dei gloriam fore, multis ra-  
 tionibus colligentes, postponendâ æstus iam  
 satis infesti incommoditatem duximus. Et  
 ut statim ad profectiorem se accingerent, &  
 summi Pontificis benedictionem post pedum  
 oscula acciperent, & iter ingrederentur, cu-  
 ravi. Bonus valde odor ex hac profectiione in  
 Alma vrbe sparsus est, ut referet magnifi-  
 cus D. Henricus Schv vicker Secretarius Sere-  
 nitatis vestrae, cui paulò latius de eâ re scri-  
 bo; & ( quod maioris momenti est ) fructum  
 non minorem, ex nouo hoc Collegio, velut ex  
 semine prouerturum spero. Quamuis enim  
 ministri debiles sint, & eorum satis tenues  
 vires, diuina tamen potentia & virtus (vn-  
 de nostra quantulacunque sufficientia est)



ut eis desiderium dat, industriam, laborē,  
& vitam ipsam impendendi pro sua gloria  
& animarū salute, ita & gratia sua imbecil-  
tatem ipsorum corroborabit & supplebit.  
Præter Rectorem M. Thomam Theologū, duo  
alii sacre Theologiæ Doctores, & eiusdem  
Professores futuri: sunt & alii, qui cū ar-  
tū curriculo, & Magisterii gradū in eis cōse-  
cuti, Theologiæ dare operam cæperant, alii  
humaniores literas & græcas, & si opus fue-  
rit, etiam Hebræicas profitebūtur. Alii scho-  
lastici sunt, qui cū progressum in literis maio-  
rem fecerint, communi bono se utiles præsta-  
bunt. Magna ex parte ex superiori Germa-  
nia, vel inferiori, & omnes in fidei Catholi-  
ce Zelo, & religiosis virtutib⁹ nobis probati  
sunt. Eos ergo offero vestra Serenitatis obse-  
quiis, ad Dei gloriam, eo animo, quo me ipsū,  
si licet per valetudinē, & officii mei necessa-  
rias occupatiōes, offerrē. Eis iniunxi, ut quæ  
in articulis continentur, & multò plura pro  
virili parte (licet sine obligatione) præstare  
curent. Et mihi persuadeo, quod vestra Sere-  
nitas, & ipsius serenissimi successores Colle-  
gium

gium suum omni benignitate, gratia, & fauore, vt scribit, tuebuntur & fouebunt, quādiu illi Reipub se vtilis exhibebunt: quam utilitatē nō solū non cessaturam esse, sed pro more nostræ Societatis in dies magis magisq. augendā spero. Quod D. Canisius initius Collegiū Ingolstadiensis interfuit, bona cū venia Serenissimi Romanorū Regis, per gratū nobis fuit; & eidem iam scripsi, vt primo quoq; tēpore Ingolstadiū se se conferat: & vt sollicitus de iis cogitet, quæ ad promouendum nouum Collegium pertinent, Prepositum Prouincialem nostræ Societatis in Germania superiori, Bohemia & Austria eum constituo. Aliud non addam, nisi quod me & Societatem nostram vniuersam, vt deditissimam vestræ Serenitati offero in Domino nostro Iesu Christo, ac precor summam ipsius bonitatem, vt omnibus gratiam suam vberem ad recognoscendam & complendam voluntatem suam sanctissimam dignetur largiri. Romæ IX. Iunii MD. LVI.

Vestræ Serenitatis

Humilis seruus in Domino

Ignatius Loyola.

Hæccygnæa vox B. Parentis nostri paulò ante funus eiusdem est edita (nam altero mense, pridie Cal. Augusti ad Societatē cœlitum felix abiit) meritò posteritatis memoria sempiterna consignanda. Scripsit pridie eius diei, octauo inquam Iunij, ad Henricum Schvvickerum, qui Sere-  
nissimo Alberto fuit à secretis, quam ipsam quoq; Epistolam judicavi in publicas literas mittendam, vti fide-  
li memoria custodiretur.

MAGNIFICE DOMINE MIHI  
IN CHRISTO OBSERVAN-  
dissime, &c.

*S*umma gratia & æternus amor Domini  
nostri Iesu Christi perpetuò omnes auxi-  
lio & fauore nos persequatur, Amen.

*Quamuis literis Dominationis vestræ  
x. Martii ad nos datis nihil tunc respondere  
potui propter aduersam valetudinem meam,  
& quod parum id videbatur necessarium,*

*cum*



tum illæ nostris responderent; curauit tamen, ut literæ Serenissimi Principis Summo Pontifici per vnum ex nostris fratribus (quem libenter videre solet) redderentur. Sed quia eas non legit. coram eo, nihil præterea fuit, quod rescriberemus, quamuis suo loco & tēpore, ut par erat de tam religioso Principe. ac Catholicæ religionis forti propugnatore, quod sentiebamus locuti fuerimus. Inter alias autem causas cur properauimus Collegium Ingolstadtum mittere, ante feruorem a statu, illa etiam fuit, ut sinister quidam rumor, qui post Augustanam Dietam in vrbe cepit increbescere, ac suspensiones non vulgarium hominum contrario veritatis experimento statim sopirentur. Qui enim congregationis nostræ homines euocari, Collegiumq; constitui eum à Serenissimo Principe audiunt, quantum à scopo aberrauerint, cum nescio quæ prius suspicarentur, & dictitarent, facile intelligunt. Curauit ergo Collegium ipsum ad summum Pontificem deduci, ut dum eius sanctitati pedes osculantur, & benedictionem Apostolicam accipiunt, duo

*ex nostris qui eos deducebant , multa eius beatitudini dixerint de sanctis desideriis Serenissimi Principis Bauariæ in propugnanda Catholica religione. Vnde & seminarium perpetuum ministrorum qui sedi Apostolicæ fideles essent , Ingolstadij constituere decreuerat. Quæ omnia pergrata fuisse summo Pontifici visa sunt , & multa de iis qui mittebantur , percontatus , & multis eosdem adhortationibus dimittens eis viaticum dari iussit. Sed cum respondissent nostri , nullo alio viatico , quam benedictione suæ sanctitatis opus esse , ea quod Serenissimus Dux de viatico pecunias tam liberaliter prouidisset , multum letitiæ & ædificationis accepisse simul cum circumstantibus est visus. Deducti sunt exinde ad aliquos ex primoribus Cardinalibus salutandos , & peruulgata satis est Ingolstadiensis Collegij deductio , cum suauis audientium odore & gloria Dei. Non est quod addam præterea , nisi quod nouum Collegium Charitati vestræ & humanitati commendo ,*

*ac precor diuinam ac summam bonitatem,  
 vt omnibus gratiam suam affluenter com-  
 munitet, vt sanctissimam ipsius volunta-  
 tem intelligere & perfectè eandem exequi  
 valeamus. Romæ VIII. Iunii MD. LVI.*

Ab his tam paruis initiis cœpit Ingol-  
 stadiana domus ; jam in tantum nu-  
 merum aucta , vti totius Prouinciæ  
 caput sit , & supra centum x x. ibi-  
 dem alantur , qui literas humanas  
 ac diuinas partim docent,  
 partim discunt.

(:o:)

ROMAM AD CRE-  
 ANDVM GENERALEM A. C. CIO.  
10 LVIII.  
 PROFICISCITVR, INDE IN  
 Poloniam, Germaniam, & Au-  
 gustam Vindelico-  
 rum.



## CAPVT IX.

*Tertio Ro-  
mam petst  
iam præ-  
ses Pro-  
uincia.*

**A**NNO sexto & quinquagesimo  
supra c. 10. 10 pridie Cal. Sextiles,  
Ignatio nostræ gentis conditore, in  
Cælum ad præmia laborum euoca-  
to, citatis semel iterumque Romam  
Patribus, & creato Societatis præside  
Iacobo Layne, Canisius post primos  
decem Patres inter primos est desig-  
natus, qui pro auctoritate cæteros o-  
mnes solemniter oratione ad officium  
ritè sufficiens Generalis hortaretur.  
Tanta omnium de illius cùm e-  
loquentia, tum virtutis erat existi-  
matio. Secundum Comitium Patrum, à  
Paulo Pontifice maximo cū internū-  
tio Pontificio iussus Poloniam adiit,  
& Cacrouiæ sacrum Ecclesiæ ordinē  
latina oratione ad officium pietatis  
& religionis inflammavit. Anno  
octauo & quinquagesimo supra c. 10.  
10. Carolus V. Maximus, abiectis du-  
dum Imperij curis, & in Ferdinandū  
declinatis, ad sempiterni regni præ-  
mia

mia capeſſenda è vita abiit; cui Ferdinandus vti fratri & Imperatori, Imperator jam ipſe, Auguſtæ Vindelicorum, indiçto Principum Germaniæ conuentu, iuſta funebria iuſto regioq; cultu perſoluit. Non defuit & hîc Caniſij præſentis opera, quam Deo in æde Mariana principe ciuitatis templo conſecrauit, quod pridie Cal. Martias Ioannes Faber olim à Caniſio ornamentis Doctôrû Theologicis Ingolſtadij inauguratus è S. Dominici diſciplina, poſtea Eccleſiaſtes, ad cæleſte præmium operæ vocatus, ſed è vacuam reliquiſſet. Cardinali Othoni maximo Principi, ampliffimo Antiftiti Auguſtano, huius facti memoria ſempiterna debetur, qui impulſu maximè Chriſtophori Freybergij Canonici Auguſtani, ac poſtea Decurionis, demûq; Præfulis Elvvacenſis, primus Caniſium, hoc eſt, Societatis illuſtre decus in urbem deduxit, victumq; & rectum præbu-

A. C. cto.  
12. LIX.

*Canisius  
Auguſta-  
nam Eccle-  
ſiaſte Ca-  
thedram  
procurat.*

it, quoad domicilium Societati conderetur. Graue tamē hoc cōcionandi munus ordinarium Canisio accidit, quod Sociorum per omnem Bohemiam, Austriam, Boicam, præfectus, in varias partes animum diuidere, sæpeq; etiam adire coram præfensq; visere cogeretur. Imperio tamen Laynis vniuersæ Societatis moderatoris, non per paucos annos hoc onus exantlauit, & verò amplissimos laborum fructus tulit. Primum Augustæ lamentabilem Catholicæ Religionis faciē cōtemplatus, omni ope cœpit eniti, vt non solum errores prauorum dogmatum pro sua virili extirparet, sed emendandis morum corruptelis etiam succurreret. omnia enim pestis hæreseos pro more suo cōfuderat. Itaq; viros aliquot nobiles, & matronas illustres permouit, vt damnato Luthero sacram Ecclesiæ veteris doctrinam toto pectore complecterentur. Quemadmodū  
ipse



ipse de felici progressu laborum suorum hisce verbis ad Marc. Velsenum M II. viri patrum Antuerpianam perscribit : *Neque minores debemus eidem bonorum auctori gratias , qui hoc sacro Paschatis tempore multorum in pietate progressus , & ad Ecclesiam Catholicam regressus ostendit , ut hinc multi sanè admirentur Augusta. Confirmet D E V S*

*Canis li-  
tera ad M.  
Velsenum  
causam  
iam calitè*

*Op. Max. quod præclarè cœpit in hac ampla messe , quæ nobis & piis omnibus magnam adfert consolationem. Fuit inter*

*hos grauißima iuxta & nobilissima*

*fæmina Sibylla Ebersteinia illustri*

*comitum stirpe oriunda, quam Mar-*

*cus Fuggerus Antonij F. duxerat ,*

*& nullis nec ipse vel votis vel pre-*

*cibus, nec pater argumentis ad suas*

*partes trahere poterant : Nec ad*

*colloquium vnquam Canisium, cu-*

*ius fama sollicitabatur , admisit ,*

*quoad illam Canisij species per qui-*

*eternam diuinitus oblata hortaretur ,*

*Sibylla  
Fuggera  
Lutherum  
damnat.*

*Miracul.  
lum Cani-  
si.*

vt ad Catholicorum castra transfiret, quæ viri aspectu perculsa, cœpit vel-  
le calculum vertere, & cū eo postri-  
die de salutari Catholicorum doctri-  
na conferre. Accersito cum socio Ca-  
nisio primum accidit, vt socius P.  
Wendelinus in eius conspectum ve-  
niret; & illa mox ab nocturna, quam  
viderat, oris figura, negauit illum ef-  
se, quem vidisset. Vbi dein alter cum  
D. Marco marito est ingressus, mox,  
*hic est*, inquit, *quem per somnum aspexi*.  
Instituta ergo Catholicis fidei ele-  
mentis, & rationum momentis accu-  
ratissimè in vtramq; partē perpen-  
sis, postremò manus dedit, & tota men-  
te Deum secuta, ad magnam virtutis  
laudem profecit. Hoc potissimùm si-  
bi gratulata, quod oblatum olim à  
viro & socero aurum repudiaffet, ne  
Christum ac fidem vendidisse dice-  
retur, aut se occultus aliquis stimu-  
lus vrgeret de permutata religione.  
Nunc se adeò libero & securo animo  
esse,

esse, vt ne suspicio aut cogitatio vlla pecuniæ acceptæ mentem pulset : ex qua re singularem caperet voluptatem, vehementerq; in suscepta Catholica doctrina confirmaretur. Verum vti ex huius nobilissimæ matronæ studio ac pietate Catholici omnes lætitiā perceperunt, ita generis humani hostis, & natio tota Lutheri mirificè doluit, tantam è faucibus prædam sibi ereptam esse. Nouerat enim huius vnius fæminæ exemplo totam synagogam suam concussū ac violatum iri. Itaq; per omnia concilia-bula sua, cæsusq; ac conuentus preces indicere, vota q; impia soluere, quo pietatem religiosissimæ matronæ impedirent. Sed illa simul ac se nostris partibus adiunxit, neq; sermones hominum curare, neq; conuitia in nostros iacta attendere, neq; omninò quærere, quid græx hæreticorum mussaret : quin ritu nostro peccata per omnes menses expiare,



Eucharistiam frequenter sumere, Sacerdotem à confessionibus parentis loco habere, colere, ei que ad nutum monenti docenti que obtemperare, sacram vestem suis partim manibus ad tegendum & ornandum sanctum Christi Corpus, in hierotheca seruatum confecit: magnis partim sumptibus comparatam est largita: ædem sacram ornamentis plurimis, donis que amplissimis illustrauit. Disciplinam domesticam grauem, pudicam, & honestam sanxit; sanctam que constanter obseruauit, ætatem puellarem ancillarum ad omnem innocentiam singulari cura instituit, statas horas precationibus, certas lanæ & lini, alijs occupationibus destinauit: suis copiis egentium inopiam subleuauit: in victum & amictum studiosorum tenuiorum quadraginta aureos quotannis impendit, quas ob virtutes Marcus illam non charam modo habuit,

buit , sed venerandam colendam-  
 que censuit. Tantam sibi opinio-  
 nem existimationemque sanctita-  
 tis assidua pietate apud maritum  
 peperit. Cùm eadem postea an-  
 no CIO. I<sup>o</sup>. LXXXIX. vitæ metam  
 flectere pararet , accersito P. Ioan-  
 ne Volckio animi medico , petiuit  
 carnis vescendæ copiam , jam ante  
 à summo Pontifice per literas fa-  
 ctam ; cùm rogaretur quamobrem  
 id faceret, cum sibi id licere per Pon-  
 tificem haud ingnoraret ? *propter ha-*  
*scē*, inquit , *liberos meos, ut meminerint*  
*olim auctoritatem S. Matris Ecclesiæ reue-*  
*reri*. Deinde quicquid habuit auri &  
 argenti, id omne in vsus miserorum  
 expendi præcepit. & descripserat  
 per loculos nomina pauperum, sin-  
 gulisque suam sportulam assigna-  
 rat , pupillis (inquam) & orbis, æ-  
 gris & familijs egentioribus. Et cùm  
 longa, annosaq; & molesta podagra  
 vexa-

vexaretur, omnibusq; membris cap-  
ta gestaretur, eos omnes artuum cru-  
ciatus ingenti animo patientissimè  
tulit, ac demum anno Christi 1510.  
LXXXIX. Septembri mense, posi-  
ta mortalitate per patientiã ad imor-  
talem vitam aspirauit. Canisius inte-  
rim alios quoq; viros, fæminasq; no-  
biles concionibus & priuatis dispu-  
tationibus permouit, vt impia Lu-  
theri dogmata execrarentur. Idem  
postea Vrsulam Georgij Fuggeri,  
Raimundo Antonij fratre nati, Con-  
iugem ita rerum cælestium amore  
inflammavit, vti non ipsa sibi tantũ  
consuleret, sed alios viros fæminasq;  
illustres ad studium virtutis incita-  
ret. Sic enim de illa in chartis Colle-  
gij Augustani obseruatum lego: *Vr-  
sula verò exemplũ cui, talia de se documen-  
ta pietatis præbebat, vt omnes facile, quibus-  
cum familiarius agebat, ad imitationem pu-  
doris & virtutis inflammaret. Ipsa Marci  
& Ioannis Coniuges nobilissimas, clarissi-  
masq;*

*Vrsula  
Fuggera-*



masq; feminas ad salutarem & frequentem conscientia & peccatorum expiationem induxit : ipsa matres familias ad mensam adhibuit, ut occasio nostris presentibus de rebus diuinis ac celestibus colloquendi offerretur : Ipsa religionis causa marito iam ad meliorem vitam euocato, Romam profecta martyrum cineres osculata, domumq; reuersa à morte Coniugis, in paternas remigravit possessiones, nata in agro Tyrolensi Bolzani, ex illustri Liechtenbergerorum familia summa prudentia singulari modestia pudicitiaque femina, quæ prima ferè Augustæ languentem iacentemq; pietatem in aliis, Canisii concionibus permota, excitauit. Constat eam ad extremum usq; spiritum in pietatis & virtutis studio constantiam coluisse, rebusq; mortalibus usam tantum, non abusam fuisse. Hæc annales Augustani. Harum incensa pietas, & fructus publicus concionum ac confessionum fecit, ut illustris familia Fuggerorum, Societatem omni studio complecteretur, & Antonius Fuggerus gentis  
tum

tum caput, Romam ad Laynem Societatis Præfectum literas daret, qua sibi de Collegio cogitanti ratio nostræ Sodalitatis exponeretur. Otho etiam Cardinalis idemq; præsul Augustanus, Sociorum numerum aucto stipendio frequentauit, vt essent qui pietatis Catholicæ rudimenta iuuentuti explicarent.

## COLLEGIVM MONACENSE INSTITVTIVM.

### CAPVT X.

**A**lbertus Boiorum Princeps & acumen Germaniæ, is, quem supra laudauimus, cum Ingolstadiani Collegij felices progressus cerne-  
ret, & fructus longè lateque non in Academicos tantum, sed populum vniuersum promanantes audiret, videretq;

deretq; , ratus Monachio, quæ regia  
est Boiorum , æquè opus esse opera  
Societatis , adiit per literas Societa-  
tis caput , petijtq; , vt Monachium  
quoq; Catholicæ doctrinæ magistri,  
& virtutis doctores mitterentur. Ca-  
nisius ergo xii. Cal. Decembris, qui  
dies Virgini D E O in templo conse-  
cratæ sanctus est , iussu Laynis de-  
cem misit, qui sedem in Boïca prin-  
cipem occuparent , vnde Luthera-  
norum & luporum rabiem arcerent.  
Quæ res cessit adeò feliciter , vti  
nunquam nos laboris, alios fructus  
pœnitere possit. Nam adeo pietas  
Ciuitatis , populiq; Monacensis in-  
tra primum annum exarsit , vti de-  
cem primi Socij priore anno huc  
missi accurrenti ad sacra augustaq;  
Christi mysteria, multitudini nullo  
modo possent satisfacere. Quod  
Serenissimus Albertus animadu-  
uens, datis ad Laynem litteris Roma  
suppe-



suppetias euocauit. Iuuat ipsius  
Principis Epistolam Augustæ in Col-  
legij tabulario repertam subijcere.

ALBERTVS DEI GRATIA  
COMES PALATINVS RHENI,  
veriusque Bauariæ Dux, &c. Admodum  
R. P. IACOBO LAYNES, Societa-  
tis IESV Præposito Gene-  
rali.

SALVTEM AC PERPETV-  
AM CLEMENTIÆ AC BENEVO-  
lentia nostræ promptitudi-  
nem.

*S*atis, ut arbitramur, ex iis nostris literis,  
quas pro mittendus huc Societatu vestra  
viri probatis, ante annum ferè ad te dedi-  
mus, constat, quid de vniuersa instituti ve-  
striratione nobis persuadeamus, quantumq;  
labenti Christianæ Reipub. commodi exinde  
unicè polliceamur. Nec sanè spes nos ista fe-  
fellit unquam. Illi enim ipsi de Societ. vestra  
nuperius ad nos missi, ita se primo statim  
aditu

aditu composuerunt, ut & vita sanctimonia, & in docendo mira feliciq; alacritate, ceteros suos fratres Collegas Ingolstadienses laudabili quadā, & Ecclesiæ Catholica utilissima æmulatione vincere velle viderentur. At nunciactis bono omine fundamentis, publicis concionibus, & priuatis etiam adhortationibus rem fortius tentant: quasatos vineæ Domini muros ita sine intermissione reficiunt, ut furiosus ille aper non modo egregiè ab ouibus prohibeatur, sed spes etiam sit, tribulos illos, & zizania erui, extraq; muros eiici, & puriorem inde vineam conservari haud difficulter posse. Ex quibus seminariis renascentis primitiæ Ecclesiæ faciem contueri iam iam incredibili gaudio gestamus. Quis enim, nisi communi totius ferè Christiani Orbis graui morbo infectus, non ex animo letetur, insanam hereticorum pertinaciam summa eruditione, innocentiq; vita tuorum tandem infringi? Verè igitur & meritò tibi gratulamur talium filiorum parenti, in quibus reuiuiscens religionis, extirpandarumq; hæresium vna

G

firmis-

*firmissima spes constitit. Caterum in hac nostra lætitia vnum est, quo vehementer afficimur. Cum enim vere credentium subinde augescens numerus id efficiat, ut præter quotidianos in Schola docendi labores, plurimum sit in templis quoq; declamando, offerendo. & infinitas piorum confessiones audiendo parumq; confirmatos fideliter informando desudandum, valde veremur, ne pauci isti tui operarii tanto oneri diu non sint ferendo. Rogamus igitur clementi studio (quæ admodum etiam superioribus nostris literis à te contendimus) ut occupatissimorum, & sub pōdere isto collabentium filiorum misertus, plures in hanc copiosissimam messem, primo quoq; tempore emittas: qui cum illis, qui iam hic sunt, integrum Collegium constituent. Cui nos de omnibus rebus necessariis ita providebimus, ut & nostrum in Venerabilem istam Societatem vestram amorem planè iterum testemur, & sacrosancta Catholica religio domicilium apud nos perpetuum habere possit. Viaticum illis, quos nunc ex tuo Contubernio expectamus, ad Doctoris*

*Canisii*



*Canisii consilium benignè largiemur. Ex Monachio nostro. Quinto Calendas Iulii, Anno Saluatoris nati M. D. LX. Cognouisti, lector, optimi Principis & germani patris patriæ studium erga subiectos, quos non solum ciuilibus florere ornamentis voluit, sed omnino cælestibus augere bonis, ipsiq; Cælo transcribere conatus est. didicisti, quo studio pietatis in Deum Dei populus flagrarit, quod non solum hodie in illo non refrixit, sed incaluit magis, in diesq; magis ac magis inardescit. Scripsit de huius Collegij felicibus auspiciis à se datis ipse Canisius, extremis vitæ annis, in Epistola ad Socios Monacenses, quam libet adscribere, quod eius Collegij initia planius exponat, & de felici eius progressu quasi vaticinium quoddam contineat.*

(o)

CANISIVS AD COLLE-  
GIVM MONACENSE.

**Q**uoties anniuersarius dies recurrit ,  
quem presentata in templo Virgini  
Matri dicauit Ecclesia, equidem non possum  
uestri Collegii, Fratres non meminisse; quod  
eodem die per summi Dei gratiam feliciter  
est inchoatum. Mihi sanè iucundum est me-  
minisse, quod illis initiis atq; primitiis adfue-  
rim coram, presente tunc etiam Patre Ni-  
colao Lanoio primo Rectore, cuius veneran-  
di senis gratiosam charamque memoriam  
multis nominibus retinere debetis. Nec sine  
voluptate cogito huic Collegio inde ab initio  
fauisse, multumq; studuisse. Illustrissimum  
Principem, qui tunc florebat, Dominum Al-  
bertum, eiusq; Cancellarium insignem Do-  
minum, Dominum Simeonem Thadaeum  
Eckium, Ioannem Theologum germanum. Per  
hos ambos, & maximè per D. Suicardum  
Guilielmo IV. ab intimis secretis, Societati  
addictissimum factum est, ut primi College  
ac veluti columnæ ad hoc erigendum opus

*Nicolaus  
Lanoius  
primus Re-  
ctor Colle-  
gij Mona-  
censis.*

*Simo Thadaeus  
Eckius  
Vir Lau-  
datis-  
simus  
ad quem  
Pij V. Pont.  
M. literæ  
extant an-  
te 1510. 15.  
XXVII.*

in Vrbe Romana expeterentur, ac velut prima domus huius fundamenta suo loco posita publicè apparerent. Proinde summo Deo gratias immortales ago, & à vobis itidem haberi par est, cuius egregio spiritu idem Princeps afflatus, hoc suum & vestrum Collegium paternè complectens, haud modicis sumptibus, & variis collatis beneficiis illud sibi curæ esse monstrauit. Semel igitur ac iterum nouas construxit classes siue Scholas, in quibus ampla studiosorum turba cum in literis bonis, tum in vera pietate per nostros institueretur. Curauit insuper apud D. Augustinum nostrorum institui conciones, & sacramenta per illos populo administrari, ut Societatis nostræ munia Monachiensibus familiaria redderentur. Multum profectò debetis laudatissimo Duci Seniori Guilielmo, Guilielmus IV. qui è nostris Theologos tres Ingolstadium ex Vrbe primum accitos clementer excepit. Plus debetis optimo eius filio & lectissimo, quem dixi Principi Alberto, utriusq; Collegii nostri, Ingolstadiensis & Monachiensis egregio fundatori. Plurimum verò simul debetis

Albertus V.



Guiliel-  
mus V.

eiusdem Domini Alberti spectatissimo filio,  
 & paternæ pietatis simulq; liberalitatis hæ-  
 redi, eximioque Mæcenati nostro, Domino  
 Guilielmo iuniori, qui in rebus vestris au-  
 gendus & ornandis tot annis tam multa ten-  
 tauit atq; perfecit, ut complures non admi-  
 rentur modo, verum etiam ingenti eiusdem  
 erga nos munificentia offendi quodammodo  
 videantur; quandoquidem nec suspiciunt,  
 nec agnoscunt, quod sit ingenium, quæ vis  
 Christianæ charitatis in optimo Principe,  
 quantumq; valeat Zelus ardens domus Dei  
 in illis, qui Constantinos, Theodosios, Caro-  
 los, Henricos, & similes Heroes alios ex ani-  
 mo emulantur. Sed enim his relictis, quæ  
 persequi odiosum est magis quam frugife-  
 rum, nostri profectò est muneris proprium,  
 charissimi fratres, ut hos præstantes Ca-  
 tholicorum Principum animos, & coniun-  
 cta simul rerum sacrarum studia, raraque  
 beneficia ex Dei spiritu, & amore profecta,  
 persæpè in mentem reuocemus, bonorumque  
 omnium fontem Deum in illis, & eorum  
 inclyta familia prædicemus, tum nostra

vota

vota & studia eò strenuè dirigamus , ut  
 sanctis illorum desideriis magis magisque  
 satisfaciamus , ac in primis , ut quacunque  
 ratione possumus , de Bauarica messe exco-  
 lenda domi ac foris bene mereamur. Si-  
 quidē qui tantos heroes , nobis adeò clemen-  
 tes ac propitios experimur , modis omnibus  
 procurare debemus , ut in officiis nostris  
 ac spiritualibus rebus in ipsorum agro semi-  
 nandis nullum aut modum aut finem facia-  
 mus. Ego certè , ut hoc obiter addam , cle-  
 mentissimo Deo gratias ago , qui me , ante  
 inchoatum vestrum Collegium , indignum  
 precantem singulari consolatione perfudit ,  
 & gratiose promisit , rerum nostrarum suc-  
 cessum fore felicem. Hunc exitus postea  
 comprobauit. Dicitur princeps Albertus  
 viua voce simul & scripto testatus est , cum  
 affirmaret Societatem IESV in Bauaria sua  
 ad fidem Catholicam restaurandam ac pro-  
 mouendam plurimum contulisse. No-  
 runt & alij sapientes , publiceque fatentur ,  
 post nostrorum aduentum , Diuinum  
 G 4 cultum

Deus feli-  
 cem suc-  
 cessum  
 Collegij  
 Monacen-  
 sis Canisio  
 promittit.

*cultum in Bauaria passim reflorescere, Ecclesiastica Sacramenta saepius ac religiosius excitari, religionem nouam obsolescere, veterem verò magis magisq; confirmari: Pœnitentiæ & charitatis opera studiosius coli, maiorem bonorum studiorum curam in Scholis haberi rectiusq; passim iuuentutem Bauaricam in fide & pietate Catholica prouehi. Hæc egocitra ullam arrogantiam scripta sic dici & accipi velim soli ut Deo & veritati suus constet locus, & gloria debita tribuatur, utq; magis fidum aliorum probatorum hominum testimonium comprobetur. Benedictus bonorum author Deus, quod ego senex iamq; inter nostros omnes senior factus, non modo videam, sed quodammodo gustem præsentem dulcesque fructus, vestrarum manuum, quos quotannis ex Monachiensi horto collectos depromitis, & compluribus fidelibus verè salutare esse monstratis. Confirmet in vobis, quod coepit Princeps benefactorum Christus, ac proprium Societatis nostræ spiritum in visceribus vestris augeat, ut non vestram quidem vtilitatem, sed*



communem Bauarorum salutem, ac profectum animarum, praesertim in Clero populoq; Monachiensi promouere pergatis. Quanto autem clementiores ac munificentiores erga vos habetis Principes, tantò maiorem illorum meritum, eorumq; praeclearae ditioni gratitudinem per vos exhiberi congruit, ita ut Bauarorum animus in fide & virtute prouebendus nihil anteponatis, diuinæ gloriæ propaganda sedulo inservientes. Charitatis, legem auream Christus vobis eximè commendauit, sed & Paulus frequenter inculcauit: hanc ipsam Monachij, & in reliqua Bauaria sic porro excolite, ut iuuante Deo multorum animas magis magisque lucrifaciat, ac simul oues errantes ad suum reducat ouile. De me hoc vnum reticere non possum, & valde vobis commendatum cupio, ut quamdiu nouum Collegium ac templum D. Michaelis sacrum durabit, Senioris Canisii vestri non obliuiscamini talemq; primum siue fabrum, siue architectum vestrum sacrificiis & precibus Domino commendetis. Ipsi laus & gloria sempiterna. Hæc Canisi⁹. Quid diceret

*Templum  
S. Michaelis  
Arch-  
angeli.*

idem, si coram spectaret hodie, quæ nos oculis quotidie vsurpamus? tam augustum in Ciuitate templum, cui nescio, vtrum in omni orbe par habeat Societas nostra; tam frequentem populi concionem; tot millia ad pedes sacerdotum peccata gementium accidentes; tam amplum & regium Collegium, tam nobile Musæum, quod à mille admodum aut suprà auditoribus frequentatur? Gratularetur Deo tam vberes laborum fructus, & vero iam hoc ipso nomine præsens apud Superos cum familiæ nostræ capite Ignatio, numinis celebrat benignitatem. Hanc sementem primo & altero ab aduentu suo anno Canisius intra breue tempus fecit, quæ in tam lætam postea segetem excreuit, vt amplioribus templorum spatiis fuerit opus: quæ tamen ipsa quamuis ampla sæpè frequentiam non capiunt. Anno  
proxi-

proximo, qui fuit à Christo nato c. 10.  
10. LX. altera Colonia Oenipontem  
est ab eodem Canisio deducta, vti  
mox infra ponetur.

COLLEGII OENIPON- *Oenipons  
olim Oeno-*  
TANI INITIA; AVGVSTÆ *briga re-*  
RES SOCIORVM. *gia Tyra-*  
*lis.*

## CAPVT. XI.

**N**umquam sterilis est virtus, præ-  
fertim cum eruditionis laude  
coniuncta. Ferdinandus Impera-  
tor, cognita iam Sociorū industria,  
vbiq; suorū saluti cōsulturus, quinq;  
regias virgines ex se natas Oenipon- *Quinq; re-*  
te educari curabat. His à Canisio for- *gia Virgi-*  
matores animarum flagitavit, nec *nes Ferdi-*  
liberis duntaxat suis, sed oppido to- *nandi Im-*  
ti, & genti salutē allaturus Canisium *perat. filia*  
euocavit, vt locū Collegio designan- *commen-*  
do circūspiceret; velle se etiam Ty- *datur Ca-*  
rolensib<sup>9</sup>, ne quid detrimēti caperēt, *nisio.*  
imò



imò plurimum adiuventi prouidere. Canisius ad Cæsarem subitò aduolauit, quod nosset occasionem fronte capillatam, nisi mox prenderetur, facile elabi. Cum Cæsare de Sociorū domicilio tractat : sumptus annui assignantur: domus curatur. Reginæ à cunabulis religiosissimè educatæ, & ad cultum animi, vitæq; innocentiam natæ, vbi semel suam cōscientiæ fidem Canisio comiserunt, nunquā à Societate descuiuere, de quibus infra copiosius erit dicendum ; nisi fortè singulari volumine illarum virtus depingenda sit. Scripsit de his & Oenipontanæ sedis exordiis, progressuq; Canisius ipse Epistolam ad verbum à me subscriptam.

### AD COLLEGIVM OENIPONTANVM.

*P*ostremas ad vos daturus, Charissimi Fratres. à Prophetico illo dicto ordiar: Nō nobis Domine, non nobis, sed nomini tuo  
da

da gloriam. Hoc enim nomen fortis & inexpugnabilis arx est, loquor autem de singulari beneficio vobis diuinitus præstito, quando Catholicus perpetuò princeps & valde laudatus, Ferdinandus Austriacus non modo Viennense & Pragenſe, ſed veſtrum etiam Oeniponti Collegium pro ſua ſingulari pietate fundauit, conſtruxit, atq; ditauit.

Ad eam rem conſciendam, ego licet indignus, non nihil contuli, cum eiſdem Caſaris eſſem aliquando Concionator: ſed & Coadiutor meus & Collega fuit R. P. Nicolaus

Lanoius qui mecum ad locum Collegij deligendum atq; conſtituendum iſtuc proſectus

est. Quod inſtitutum ſanè multum auxerunt illuſtres Regina prædicti Caſaris filia,

qua tum Oeniponti magna cum pietatis, pudicitia & virtutis laude florebat. Nec ſolum ſuo parente, ſed & germano fratri

Archiduci Ferdinando animos addiderunt, ut cœptum hoc opus, quod bonis concionatoribus nō caruit magis magisque ſtabiliretur.

Aeternum Chriſto viuant Margareta, Helena, & Magdalena ſorores ſimul & Re-

gina

Nicolaus  
Lanoius  
primus  
Collegij  
Oenipontani  
Reſtor.

gina ex voto virgines pudicissima nostros;  
saeculo rarissima Principes, quarum benefi-  
centia non Halense modo sed vestrum quo-  
que Collegium permultum sanè debet. Pro-  
inde vestram admoneo Charitatem, ut be-  
ne precemini huic eximiae, regiaeque Au-  
striacorum familiae, quae domum vobis non  
modicis sumptibus edificavit, & hortum  
commodum adiunxit, nihilq; deesse susti-  
nuit, quod ad utrumque Tyrolense Colle-  
gium & templum vobis promouendum  
conseruandumq; pertinet. Excolite por-  
rò, ut coepistis, messem Tyrolensem, ac in  
ea cum prospera Domini benedictione per-  
gite laborare. Commendo vobis quoad  
possum, debita gratitudinis officium, quod  
non solum supradictis fundatoribus Au-  
striacis, verumetiam aliis quoque patronis  
& amicis, quos Christus non paucos tri-  
buit, sedulo & feliciter exhibere debeat-  
is. Egregium vobis patet ostium, ad mul-  
tos nobiles & ignobiles, ad magnos & par-  
uos utriusque sexus homines Christo lucrifi-  
cien-



faciendos, atque in omni pietatis & virtutis studio, magis magisque confirmandos. Igitur paratam vobis messem, eamque vberem libenter amate & prouehite apud Tyrolenses, nec verbo solum, sed etiam exemplo ad maiora æmulanda charismata multorum informate animos, quemadmodum Christus dominus messis & Societatis nostræ institutum, iustaquæ amicorum expectatio sancta à vobis exigunt & deposcunt, Mihi verò iam emerito velut seni, ac inutili operario haud parum beneficij contuleritis, fratres si Canisii vestri senioris memoriam vestris & sacrificiis & precibus, quæ vestra est in me beneuolentia, crebrò interposueritis illud, ut spero, procuraturi, ut viui & defuncti primi patris apud vos memoria non intermoriatur. Bene in Christo valete, Patres fratresque charissimi, ac eam præclaræ vestræ vocationis rationem semper habete, ut professione pauperes, obedientia simplices, spiritu feruentes, & animarum Zelo flagrantés multos in Christo filios generetis ac nutrietis.

Canis-

Canisius, antequam Cenipontem accederet, Viennæ Cæsarem conuenit; inde Pragam, Praga demum in Tyrolim profectus, quod ex literis ad M. Welferum Patriciū Augustanū cælibem accepi, quem ideo suam Sunamitidem vocitabat Canisius, quod sæpè ad illum diuerteret, & paratum ibidem, vt Helisæus apud Sunamitidem, cœnaculum & oratorium haberet. Interea temporis Augusta nostri paulatim in cognitionem populi venire, aures præbere suas noxas accusantibus, Eucharistiam propinare, pueritiam præceptis Christianis informare, lites componere, ad ægros visere, aliaq; Societatis munia dies noctesq; fungi, quæ mirificè bonos omnes nobis ad inuidiā etiam quorundam, qui se desertos quiritabantur, deuinxerunt. Nobilissimi quiq; ciues maximè Sociis studebant, præsertim illustres Fuggerorum familiæ omnes, & patriciorum Reipub. principum

*Sociorum  
utilis op-  
era Augu-  
sta.*

cipum, quos nondum impius Lutherus transuersos egerat, qui nihil magis in optatis habebant, quàm vt è vestigio Sociis templum & domicilium, Auditoribus Muséum conderetur, quæ tamen res tam citò confici minimè potuit. Delectarunt hi labores Pium I v. Pont. Max. Cui fructus operæ Canisij exposuit Cardinalis Otho, à quo incitatus Pontifex, his illi gratulatus est, & simul ad continuandos labores cohortatus.

## PIVS PP. IIIL

**D**ilecte fili, salutem & Apostolicam benedictionem. Ad aures nostras dilecto filio nostro Othone Cardinale Augustano referente, peruenit; quo studio, qua diligentia, qua charitate desistit operam, vt quam plurimos eorum, qui hereticorum fraudibus decepti, à recta religione aberrarunt, in salutis viam reducas; quantum etiam superna cooperante gratia proficias. Magnæ nobis

H conso-

*Littera Pontificis ad Canisium.*  
*lege, des istuc*



consolationi fuit tam optatus nuntius. Agimus omnipotenti gratias, qui pro sua misericordia tam multas iam sicut audiuius, per ministerium prædicationis tuæ in Ecclesiam Catholicam reuocarit. Insta fili, ut cœpisti, & enitere, ut quàm maximum animarum lucrum facias. Vrge tam piam, tam sanctam negociationem. Noli defatigari in tam sancto opere sedulitatis tuæ ab eo, cui famularis, id præmium laturus, quod bonis & fidelibus seruis suis promisit. Si quid verò à nobis desideras, quod conferre aliquid posse credas ad animarum salutem, libenti animo, quidquid postulaueris, concedemus. Datum Romæ apud Sanctum Petrum, sub annulo Piscatoris, die V. Martij M D. LXI. Pontificatus nostri Anno secundo.

Antonius Florebellus  
Iauellinus.

ACA-

ACADEMIA DILIN-  
GANA CONDI-

TVR.

## CAPVT XII.

**O**Tho Cardinalis, idemq; Antistes  
Augustanus gregis sui, in quem  
circumquaq; rabies luporum hære-  
ticorum immanissimè grassabatur,  
vigilantissimus custos, vt haberet,  
qui se pro ouilibus Christi oppone-  
ret, anno Christi cio. io. xlix. con-  
tubernium iuuenum, qui ad ordi-  
nem Ecclesiasticum adspirabant,  
Dilingæ instituit, quibus M. Petrum  
Endauianum præfecit, doctoresque  
sacrarum literarum accersiuît, qui  
Cardinalis clientes ad bonas artes,  
& sacram Theologiæ disciplinam in-  
formarent. Fuit inter primos Petrus  
de Soto ex Hispania ad Carolum V.  
(cuius cōscientiam tractabat) profe-  
ct<sup>9</sup> è S. Dominici familia, vir ingenio

& literis clarus. Quòd cum Sueuorum nobilitas aduerteret, gratulata sibi, petiit ab Othone, vti suis quoq; liberis locum daret in domicilio alumnorum, quibus cum vnà possent literis erudiri. Quorum postulatis libens volens annuit Cardinalis, animumq; simul adiecit id Academiam excitandam, eaq; de re literas ad Pontificem Maximum, & Carolum V. atque Ferdinandum dedit, qui omnes & Cardinalis præclara cœpta laudauerunt, & iura sua atq; prærogatiuas studiosis literarum concesserunt.

Anno CIO. IO. LI. Petr<sup>9</sup> Sotus Collegam suum P. Iacobum, permittente magis, quàm iubente Cardinale, misit in Hispaniam ad delectum doctorum virorum è sua Sodalitate habendum, & Professores Dilingam adducendos, quod speraret ab Othone conditum iri S. Dominico Cœnobi-um, cuius ditioni subijceret Academiam; sed res tota parum feliciter

Soto



Soto successit. Ex tribus enim illis Patribus ex Hispania profectis, duo in itinere diem suum obiere. Genuæ alter, alter Oeniponte: tertius extremo anni mense Dilingam ingressus, ineunte sequentis, vita simul & Vrbe egressus cælum petijt. Impetratis Otho à summo Pontifice & Imperatore Academiae condendæ iure & legibus, primum Academiae Rectorē ipso die sanctæ Trinitatis dixit Cornelium Harlemium Rosenthalum, quem ipse Otho ex Pontificis auctoritate Academicis honoribus ac titulis insigniuit. Año inde quinto supra cio. io. l. laurea primâ studiosi Philosophiæ ornati sunt, eodēq; extremo Magisterij suprema. Proximè secuto Muséi Academici fundamentum Otho posuit. Excitatum inde domiciliū & Academiam tenuere Doctores exterisq; ad annū cio. io. lxxiii. Inter quos principes fuere Petrus, ut dixi, Sotus; Martinus Olavius Theo-

*Cornelius  
Harlemius  
primus  
Dilinga  
Rector A-  
cademiæ.*

*Professores  
Dilingani  
ante Soc.  
adueniū.  
Martinus  
Olavius.*

logus Lutetianus, Carolo V. Imperatori à Sacellis, qui Societati postea nomen dedit; Martinus Rithouius Louaniensis Episcopus demùm apud Iprentes; Guilielmus Damasus Lindanus ex eadem Academia Louaniensi Dilingam profectus, atque inde ad Sicambros, ut Ruremundæ Episcopum apud Geldros ageret; Matthæus Galenus Westcapellus è Seelandia, tandem supremus Duaci professor; I. Bartholomæus Kleindienst è S. Dominici Sodalitate; Cornelius Harlemius sacrarum literarum interpres. Magistri duo Adrianus Besenmerius Belga, & Kilianus Blanckenstanius. Sed cum amplissimus Cardinalis plura maioraq; animo concepisset, decreuit è Societate nostra Doctores euocare, quod

vti mox exponam, ita factum est.

LIBER PRIMVS CAP. XIII. 119  
ACADEMIA DILINGA  
SOCIETATI TOTA  
TRANSCRIBI-  
TUR.

CAPVT XIII.

**A**Nno Christi .CIO. IO. LXIII.  
Idem Otho Cardinalis optimus  
M. Societatis patronus & singularis  
Canisij admirator, cognito iam ante  
deplorato suæ Prouinciæ statu, quã  
omni ex parte laborantem videbat,  
Academiã Dilingæ à fundamentis  
excitatam per Canisium Societati  
assignauit, cui Dilingæ Domicili-  
um erexit, vti nobilissima Sue-  
uiæ iuuentus ad honestos mores in-  
formaretur, optimisq; literarum di-  
sciplinis imbueretur, vnde & Magi-  
stratus idonei ad oppida regēda pro-  
dirent, & paroeci atq; Ecclesiastæ ad  
rem diuinam sanctè pieq; admini-  
strandam educerentur. Ea enim rerū  
erat facies, vt intuēti lacrymas cieres



& intimo doloris sensu miserantem percelleret, quod ex literis Stephani Liberij Anno Christi quarto & sexagesimo post millesimum quingentesimum, secundum Diœceseos lustrationem, datis cognosci potest, quarum hoc ferè caput est: Se per Cardinale Othonem cum aliis duobus magnæ authoritatis viris ad obeundam Sueuiam designatum, venisse primum ad Fridericum Comitem Oetinganum virum illustrem & vnicum gentis suæ præsidium (qui maximè vñserat Cardinalem, ut rebus afflictis cōsultum iret) ab hoc, quo loco res diuinæ, religionis cultus, vitæ morumque disciplina versaretur, didicisse, & maximam se ad commiserationem permotum, rebusq; adeo perditis & afflictis nō immerito impulsus Cardinalem, ut Rhætis, Suevis & Algois, quos suæ ditionis esse intelligebat, prouideret, & suppetias à crescentis Societatis patribus flagitaret,

Musée-

*Ex literis  
Stephani  
Liberij.*

Muséum nobilissimum conderet, lectissimæ iuuentuti idoneos in omni genere literarum, quæ à religionis sanctitate non abhorrent, doctores præficeret. Quibus à Laynesio Societatis præside impetratis, & à Canisio eò deductis, nouale excolendum commisit, ex quo tam vberes, ex Academia, templo, & contubernio conuictorum fructus extitere, vti neque nos laboris, neq; iuuentutē docilitatis, neq; Pontificem vel Augustanum, vel ipsum Romanū pœnitere debeat aut possit, qui alendis hoc loci in spem Ecclesiæ iuuenibus magnam anniuersariæ pecuniæ vim cōtulit, hodieq; confert, vnde in totam Diœcesin & prouinciam parœci, Ecclesiastæ, Doctores & Magistri haud pauci proficiscuntur.

Canisius postquam Dilingam venit, & ad Academicos die S. Hieronymo sacro latinè dixit, secuti Canisium XIII. Cal. Nouemb. qui fuit vi-

gesimus Octobris, Professores primum xvi. mox quatuor, vt essent xx. quibus Hieronymus Natalis post lustratas Gallias & Germanias, ad victum, cultum & locum necessaria præsens cum Canisio comparauit. Illi Dilingā ingressi pridie S. Vrsulæ sub vesperis, postridie comparuere omnes ad solenne sacrum. Proximo post D. Vrsulæ die ab omnib<sup>9</sup> Magistris, cunctis obstupescens, qui Socios vix de via respirasse putarant, initium docendi factum. Ex Doctoribus Societatis primus fuit Hieronymus Torrensis Hispanus, suis ipse laborum monumentis clarus, Collegij prorektor Ioannes Couillonius, idemq; latinus Ecclesiastes. Anno deinceps cio. lxxiv. xvi. Kal. Septemb. Otho Cardinalis præsentibus tribus Cœnobiarchis, rem diuinā ab initiatore Augustano iussit fieri, secundum quam actæ sunt à Societatis p<sup>r</sup>essore, Cornelio



nelio Harlemio gratiæ, qui ad eum  
 vsque diem Academiam cum sum-  
 ma laude Rector administrarat. Vi-  
 cissim Harlemius plurimum se Car-  
 dinali debere professus, à quo tot  
 honoribus auctus, tot beneficiis ef-  
 fet cultus. Gratulari etiam sibi,  
 quod magnis negotiorum oneribus  
 positus, & in Patres translatis, pos-  
 set aliquantulum respirare. Proin-  
 de se omnia honoris insignia, epomi-  
 dem, signum, sceptrumq; ei reddere,  
 à quo ea accepisset, quæ simul Cardi-  
 nalis Canisio Sociorum præfecto, lo-  
 co totius Societatis commisit. Cani-  
 sius de Communi consilio Henrico  
 Dionysio Theologo Societatis & Ca-  
 nisij ex Sorore nepoti contulit, cui  
 Cardinalis cum honorem cum fau-  
 sta imprecatione gratulat<sup>9</sup> est. Harle-  
 mius Academiae gubernator pronū-  
 ciat<sup>9</sup>. Sed Dionysius in aletudine tē-  
 tatus, anno proximo Coloniā rediit,  
 vir ōniū opinione sanct<sup>9</sup>, cui suffect<sup>9</sup>

Theo-

C. D. D.

LXV.

Theodoricus Canisius eodem patre cum Petro, sed diuersa matre natus, qui viginti annos Dilinganæ Academiæ magno iuuentutis fructu præfuit. Erit operæ hîc ex literis fundati Collegij Dilingani partem transcribere, vnde constet, Othonis studiû, & de Societate, præsertim Petro Canisio, existimatio, qua impulsus deponendo Collegio curâ suscepit.

EXCERPTA EX LITERIS  
FUNDATIONIS COLLEGII SO-  
cietatis IESV Dilingæ, Anno CIO. IO. LXIX.  
per Cardinalem Othonem Truch-  
sessium.

**D**Eo inspirante, & suadente etiam R. P.  
Petro de Soto Magistro à Theologia,  
Ordinis S. Dominici, viro verè venerando  
& docto, qui fuit S. C. M. Caroli V. Confes-  
sor, & petita acceptaq; facultate, cum Di-  
lingam venisset, in erectione Collegii & Vni-  
uersitatis huius sua operâ, consilio & aucto-  
ritate multum iuuit, sine quo nunquam po-  
tuisset

tuisset tantum opus inchoari, & cò usq; pro-  
 duci: veni tandem in hanc sententiam, nul-  
 la stabiliiori atq; utiliori via, etiam in per-  
 petuum, huiusmodi difficultatibus occurrì  
 atq; prospici posse, quàm si nouum aliud Col-  
 legium, quod Patrum Societatis Iesu Dilingæ  
 cum necessariis redditibus, erigeretur, do-  
 taretur, atq; Patribus, tanquam his nostris  
 temporibus, ad munus docendi, & mores pi-  
 os atq; Christianos instituendi singulariter à  
 Deo dotatus, tota cura, superintendentia, in-  
 stitutio atq; regimen aliud nouũ, & Conui-  
 ctorum Collegii S. Hieronymi, & totius Vni-  
 uersitatis liberè & integrè committeretur.  
 Ad hoc etiam faciendum plurimum animũ  
 mouerunt diuturna cognitio, ac consuetudo  
 & experientia, quam habui cum multis pa-  
 tribus eiusdem Societatis, videlicet Dilingæ,  
 ante & post erectionem huius Collegii, cum  
 R. docto, atq; nunquam satis laudato viro  
 Claudio Iaio, qui mecum plures annos ha-  
 bitauit, nec non cum eximiæ pietatis ac do-  
 ctrinæ viro, Domino Petro Canisio, qui in  
 Ciuitate & diœcesi mea Augustana incredi-  
 bilem



bilem fructum in conuertendis hæreticis ,  
 stabiliendis Catholicis , & aliis nunquam  
 satis admirandis & probandis operibus , con-  
 tinuè , indefessè & laudabiliter longo tem-  
 pore peregit. Similiter non solum in Ger-  
 mania , sed etiam in Italia , & ubique loco-  
 rum , ubi domicilium , habitationem , Col-  
 legia seu auctoritatem dicti Patres Societatis  
 Iesu habuerunt , vidi innumeros incredibi-  
 les bonos fructus. Hæc Otho Cardinalis.  
 Illustrarunt etiam cõtubernium iu-  
 uentutis , præstantes aliqui virtute  
 iuuenes , inter quos fuit , iam in cén-  
 su beatorum , Stanislaus Kostka il-  
 lustri Kostkarũ in Polonia stirpe ori-  
 undus , qui Viennæ inter nobiles ado-  
 lescentes apud nostros literis operã  
 dabat , & diuino afflatus spiritu , om-  
 ni ope in Societatis IESU disciplina  
 vitam transfigere cupiebat. Sed do-  
 mesticorum veritus offensam &  
 molitiones , si animum illis aperiret ,  
 delicato vestis cultu , cum abiecta  
 pau-

pauperis lacerna permutato, Augustam Vindelicorum ad Canisium acceptis P. Francisci Antonij commendatitiis profugit, multa diuinæ clementiæ in se per illud iter expertus argumenta, à Francisco Sacchino diligenter in libro de rebus à Stanislao gestis exposita, vbi de aduentu eius ad Canisium, & Canisio in hæc verba refert: *Demum ab longa peregrinatione sospes ad Canisium peruenit. Vbi ille vir sapiens ac sanctus, Germaniæque Apostolus, ex ordine causam vitæ cognouit, viditq; ardorem, & submissionem, quibus peregrinus pro impetranda Societate certabat. vehementer indolem & vocationē probauit; præterquam quod & tantū exhaustū laborum & emicans in vultu pietas, & verba nescio quid ultra annos & humanam imbecillitatem spirantia, fidem perspicuè faciebant sortis eius adolescentem ab sancto spiritu agi. Itaq; bonam ostendat spem; interim tamē siue vt amplius de virtute eius periculū faceret,*

faceret, siue ut specularetur, numquid propinqui mouerent, tantisper Dilingæ humiles vulgò labores suscipere, & seruilia tractare opera, Conuictorum in ædibus iubet. Hæc nobilem hospitem hospitalis humanitas, hæc fatigatum viatorem requies excepit. Quod equidem non arbitror absq̃ singulari quodam consilio & benignitate Numinis accidisse, nouam famulo suo virtutis exercendæ materiam suggerentis. Nam quid attinebat adeò perspectam amplius probare constantiam? Et ad propinquorum specularandos motus haberi hospitis nomine aliquandiu poterat. Deus igitur eam Canisio prudentissimo viro, minimeq; austero mentem iniecit, ut suo fideli operario in breui cōsummando facultatem offerret explendi tēpora multa, & cui exiguum laboris horam, sed mercedem destinārat amplissimam, ei merita & decora quasi per compendia præpararet. Sanè Stanislaus, qui iam vilem induerat habitum eum sequuturus, qui cum dominus esset omnium serui formam assumpsit, vehementer gaudius est, re quoq; & actione



actione eiusdem se insignibus decorari. Sic est fermè nobilitas, ubiq; se effert. Quidquid obeundum est, obit splendide. At Stanislaus humilia inter munia haud nativa solum generositas, sed multo clarius vera eminebat indoles Christianæ, id est, diuinæ nobilitatis. Non ille solum nihil dedignabatur siue ad mensam siue in cateris quotidiani vsus officii sese inferioribus ministrare; sed tanta id cura, studio, veneratione faciebat, planè ut ostenderet Deo se magis quam hominibus seruire; nec mercenariam exhibere operam, nec crescendi ex abiectione ambire causam, sed esse officiosissimum humilitatis sanctæ candidatum. Ita demùm se gessit, ut breui in se omnium conuerteret oculos; nec solùm mirè Patribus in vocatione constantiam, & fidelitatem in ministerio probaret suam, verum etiam magnam de se concitaret expectationem, uti Canisius ad Generalem Prepositum scribit: Potest Dilingana nobilitas non iniuria tam sancto hospite gloriari, qui tam illustria virtutis exempla, in illa domo reliquit im-

pressa. Moratur apud nos Ill.<sup>mus</sup> & R.<sup>mus</sup> Episcopus Posnaniensis, Andreas Bninius Opalinus, qui primus Romæ Stanislai iconem annuente Pontifice Maximo Paulo V. in nostra æde publicè colendam proposuit, de qua re plura Franciscus Sacchinus in vita Stanislai. Fuit in eodem Conuictorū domicilio summo loco natus Baptista de Prado, qui non sine cælesti B. Virginis aspectu & comitatu ad cælum est deductus; fuere complures alij nobilissimi adolescentes, quos posteritas comendabit, nos ad institutam narrationem redeamus.

## VARIILABORES CANISII.

### CAPVT XIV.

**D**illingano Collegio constituto, & Henrico Dionysio publica auctoritate in Rectorem Academiae pri-

primum solemnī ritū creatō, Canisi-  
 us Augustam reuertit, & populo pro  
 concione docendo, ciuibuscq; priua-  
 tis congressib<sup>9</sup> ad virtutē excitandis,  
 Sociis per Prouinciam pro more So-  
 cietatis visendis, assiduā operam im-  
 pendit. Ex Guilielmi Elderini literis  
 ad Laynem Societatis totius mode-  
 ratore anno Christi 1515. LXIV. Ro-  
 mam datis disco, quantis idem Ca-  
 nisius laboribus fuerit Augustæ op-  
 pressus. Sic enim ille: *Neque sine fructu*  
*redit verbum D E I in ade hac Primaria*  
*per Patrem Prouincialem pluribus Predi-*  
*catum. Accesserunt octo ferè conciones,*  
*& hæ quotidiane de sacrosancta Eucha-*  
*ristia, cui sacramento populus Augustanus*  
*reuerentiam nunc tribuit singularem,*  
*ut multi mirentur. Idem Pater Cani-*  
*sus pro sui muneris ratione, his mensibus*  
*vicina inuisit Collegia, cum sua quidem &*  
*fratrum haud vulgari consolatione, exceptis*  
*interim omnium in confessione peccatis, re-*  
*buscq; Collegiorū legitimè constitutis. Cū autē*

*Labores*  
*Canisii*  
*Augustæ.*



Regine  
Ferdinan-  
di Casaris  
filia quin-  
que

in visitatione Oeniponti esset, exhortationē  
ad Serenissimas Reginas gratam habuit, quæ  
duabus, ut vocant, casulis eleganter &  
sumptuosè confectis altare nostrum Augu-  
stanum ornare voluerunt. Prætermitto ali-  
as & pene quotidianas Patris occupationes,  
quibus illum assidue distrahi magnus in re-  
bus cernimus. Nec commemorabo R<sup>mū</sup> Car-  
dinalē nostrū Augustanum, qui Patris Cani-  
sii consiliis sæpè & libenter utitur ut nuper  
voluit Patrem adesse cum totius Gymnasii  
Dilingensis administrandi curam in Socie-  
tatem hanc, neq; sine sollemnī quodam actu  
transferret. Vbi pater D. Henricum Dionysi-  
um Rectorem eiusdem Gymnasii pronuncia-  
re, & Rectoralibus illis insignibus ornare in  
magna hominum corona debuit, addita si-  
mul oratione publica. Ingenuè fatentur boni  
omnes hic in Germania, sicut & alibi ubi re-  
ligionis afflicta causa iacet, per nostros ma-  
gnū Ecclesiæ Catholicæ præsidium adferri, ac  
Catholicorum reliquias in officio, quantum  
fieri potest, maximè contineri.

Canisio igitur sudanti, & sæpius à  
Princi-

Principibus viris euocato, aut Pro-  
 uinciæ lustrandæ operam danti, sup-  
 petiatum venere Martinus Steuar-  
 dianus Alberto Boiorum Duci à Cõ-  
 cionibus: quo cum ægrè careret, eo  
 reuocato Hermes Halbaur Augustæ  
 Cathedram, absente Canisio, procu-  
 rauit. Tam lætos Canisij & Sociorum  
 in Germania successus hostis publi-  
 cæ salutis, infernus Draco ægrè fe-  
 rens, cœpit virus calumniarum per  
 suos administratos, famosos, inquam,  
 libellos, & picturas infames in nos  
 passim spargere, quibus collectam  
 ex laboribus & virtutis laude famam  
 inquinaret. Portentosa nobis crimi-  
 na obiecta, ingentia mendaciorum  
 plaustra ædificata, schedæ ad postes  
 ædium nostrarum fixæ, Monachij,  
 Augustæ, Viennæ vita Sociorum tra-  
 ducta. Sed vt vanitatis nulla vis est,  
 & mendacia temerè ficta, stultius cre-  
 dita, repente nata, subitò inflata ven-  
 tosa ritu bullæ crepāt, cōciduntque;

Ita rebus per Albertum Boiorum Principem & alios diligenter excus-  
 sis, & auctoribus figmentorū depre-  
 hensis, punitisq;,, innocentia Sociorū  
 publicis literis principum virorum  
 cōtestata reffloruit, & sinistra omnia  
 ex fumo mendaciorum profecta, vt  
 hodie solent, in fumū abierunt. Año  
 cio. 15. LXIV. Canisius ab Stanislao  
 Hosio Cardinale S. mo Braunsbergā  
 euocatus est, vt ibidem Collegij fun-  
 damenta poneret. Id quod in Augu-  
 stani Collegij monumentis legi, Ca-  
 nisium, inquam, ab Hosio peti-  
 tum, quem Ribadeneira non exprimit,  
 sed rem ita narrat: *Apud Saxmatas quo-  
 que, qui Poloni hodie nominantur, in ipsis  
 Boreæ terris frigore damnatis, Stanislaus  
 Hosius, vir ob singularem sapientiam, elo-  
 quentiamq; cum pietatis studio coniunctam,  
 ex Variensi Episcopo Romanæ Ecclesiæ Car-  
 dinalis creatus, per hæc tempora Tridentino  
 Concilio, non solum interfuit, sed & Pii  
 Quarti Pontificis nomine præfuit. Is captus  
 Laynis*



Laynis & Salmeronis Sociorum ingenti studio, ob perspectam Tridentina in Synodo singularem vtriusq; doctrinam, dimisso Conuentu domum reuersus, in sequenti anno nihil duxit antiquius, quàm vt Braunsbergæ (quæ vrbs Prussie Prouinciæ Polonia Regi addictæ, Variensis est diœcesis) Collegium Sociis institueret: ratus, quod erat, tuenda religionis auitæ apud Prussios, necessariam esse piam iuuentutis institutionem.

Nulla quies data respirandi Canisio, *Quartus in Vrbem aduentus.* qui mox ex vltimis septemtrionis *CIC. IC.* frigoribus ad magnos Italiæ calores *LXV.* uocatus, denuò Romam Prouinciæ Germaniarum latissimæ præfectus, ad tertium Societatis vniuersæ Præsidem legendum aduolauit. Sed quid Romæ egerit, sæpius in urbē citatus, summatim exponamus.

F I N I S

LIBRI PRIMII.

I 4 DE

## DE VITA R.P.

PETRI CANISII

LIBER SECVN-  
DVS.

CAPVT I.

QVID ROMÆ GES-  
SERIT CANISIUS.

Aud ignarus sum nullam  
esse virtutem, fuisse Ro-  
mæ; sed Romam pietatis  
causla adiisse, Romæque  
sanctè vixisse, & aliis vitæ morumq;  
innocentia documento fuisse, id de-  
mum in laude ponendum esse. neq;  
enim locus quemquam sanctiorẽ fa-  
cit; sed Sanctus locum efficit sanctũ  
& religiosum. Sæpe adiit urbem Ca-  
nisius, & longis itinerum molestiis  
fatigatus, nunc à summis Pontificib⁹  
euoca-

*Septimũm  
iust Ro-  
mam Ca-  
nisius.*

euocatus, nunc à Cardinalibus de-  
 ductus, aliàs à Societatis præsidibus  
 citatus, semper tamen impressa pie-  
 tatis vestigia reliquit; iam publicæ  
 Germanorum salutis intentus, quib⁹  
 iuuandis salutaria Pii & Gregoriis  
 consilia suggessit: nunc inter dome-  
 sticos, illustres radios sanctitatis spar-  
 sit; nunc imminentem purpuræ ho-  
 norem fuga declinavit; nunc cultu  
 sanctorum & Martyrum pignoribus  
 venerandis ingentes pro fide & reli-  
 gione propugnanda spiritus hausit.

*a* Septimo & quadagesimo post mil- *a* CIO. IO.  
 lesimum quingentesimum, primùm *XLVII.*  
 ab Ignatio vocatus urbem est ingres-  
 sus: post *b* biennium aut paulo ante *b* CIO. IO.  
 ab eodem ex Sicilia ad solennia vota *XLIX.*  
 suscipiendareuocatus. Trib⁹ postea *c* CIO. IO.  
 Generalib⁹ creandis *c* Layne, *d* Bor- *LVIII.*  
 giæ & *f* Mercuriano interfuit, extra *d* CIO. IO.  
 ordinem etiam cum *e* Othone Car- *LV.*  
 dinale, & Præsule Augustano in Vr- *f* anno CIO  
 bem profectus. Et à Gregorio *IO. LXXIII.*  
 XIIII. *e* CIO. IO.  
 anno CIO. *LVIII.*  
 IO. LXXIII.



vocatus. Sed quid in vrbe gesserit Canisius, partim supra expositū est, partim Sebastianus Beretarius, qui hodieq; Romæ viuit & spectator adfuit, cum Romæ Canisius esset, hisce verbis ad me ex vrbe perscriptis eleganter narrat.

§12. 12.  
LXXII.

*Extincto interim beatæ memoriæ Francisco Borgia, Societatis vniuersæ Antistite, Patres Romam euocati, ad surrogandum Borgiae successorem (quem Euerardum Mercurianum Leodiensem renunciarunt) cœtum egerunt, cui ex lege Canisius quamuis præsens, sed iam Prouinciali præfectura defunctus non interfuit; nihilominus, quod proximum erat, Congregationis custodia illi demandata est, & claustrum inuicem commissa; munus non nisi primario alicui de Societate viro demandari solitum. Occasio Canisii accersendi illa fuit. Conflato, auctore Pio V. Pont. Max. inter Romanam Ecclesiam, Hispaniæ Regem, & Venetorum Rempublicam fœdere aduersus Turcam Italiæ imminentem, ac post partem*

tam nobilem illam naualem victoriam ad  
 Echinadas , ac post Pii V. mortem rescisso;  
 Gregorius XIII. qui Pio successerat , magno  
 animo belli consilia suscepit , spe concepta  
 (ex vires hac conspiratione Christianæ Reip.  
 accesserant) fore ut à Græciæ ceruicibus Tur-  
 carū iugū pelleretur. & utraq; Ecclesia in an-  
 tiquam concordiam reuocaretur. Hac spe de-  
 iectus in tantum incidit mœrorem , ut dolo-  
 rē suum in omni sermone præferre non du-  
 bitaret , Græcorū damno maximè permotus.  
 Agebat adhuc in Vrbe magnus de causis  
 Trucksesius Augustanus Cardinalis , is ad a-  
 uertendum ab ea molestia eius animū , Ponti-  
 ficem admonuit , finitimæ Germaniæ mala  
 non minori illi curæ , quam Græciæ toto ma-  
 ri à nobis dissitæ esse debere , faciliusque  
 eius vulnera adhuc recentia , quàm Græciæ  
 iam inueterata sanari posse. Non auer-  
 sis auribus hæc accepit Pontifex , desperataq;  
 Græcia ad opem Germaniæ ferendam omne  
 studium conuertit : consilium ad id quaren-  
 ti; neminē posse , commodius consiliū rei toti-  
 us expedire , respondit Augustanus , quam  
 Petrum

*Petrum Canisium, è Societate Iesu virum doctrina fide, vitæq; sanctitate, Germania tota in primis clarum; ipsum Germaniam penè omnem, primariasq; Vrbes lustrasse, viros principes adisse, quo morbo singule quaque partes laborent, inspexisse; quibus remediis sanari possint, omnium optimè tenere. Accitus Romam, nullum esse docuit presentius remedium, quàm si Germanorum alumnorum Collegium, iam inde à primis nostræ Societatis initiis Romæ institutum, per id tempus ad eam paucitatem redactum, ut rårò admodum duodecim alumnorum numerum excederet, subleuaretur, aliæq; per Germaniam eiusmodi Collegia excitarentur, quibus Germani adolescentes Ecclesiastica disciplina doctrinaq; Catholica & literis educaretur, his postea parœciæ cathedræ, aliæq; Ecclesiastica munera demandarentur, nullare magis Germaniam laborare, quàm inopia doctorum Sacerdotum, qui præsent Ecclesiis & animarum curæ, populos sincera doctrina erudiant, & loquaci audaciæ hereticorum doctrinâ & Evangelica veritate sese op-*



se opponant. Probatum est sapientissimo Pontifici integerrimi hominis consilium. Inde Germanicum Collegium in Vrbe, ad hanc, quam nunc videmus, amplitudinem redactum, aliæq, quæ nunc felici cursu progrediuntur, variis Germaniæ in Urbibus instituta, annuo prouentu copiam simul honestorū, simul & doctorum Sacerdotum Germaniæ suppeditant, qui quocunq; mittuntur, heresin profligant. Profuit consilium non Germaniæ solum, sed aliis etiam nationibus, maiore quàm Germania peste laborantibus, quippe Germanici Collegij exemplo & consilio à Canisio indicato, eodem ferme tempore, ab eodem vigilantissimo, & religionis propagandæ studiosissimo Pontifice, alia Collegia in Vrbe instituta: Anglorum primum, numero studio, & virtute Germanico haud multum impar. Neophytorum alterum, in quod tenera ætate adolescentes ex Iudaismo & Mahometanismo ad Baptismum admissi cooptentur. Hi Christiana disciplina & moribus instituti, præter latinæ literas, Hebraicarum etiam literarum

*in vsum latinæ Ecclesiæ Romæ egregiè studia promouent, ne in rebus dubiis ad infideles interpretes confugiendum sit. Maronitarum tertium haud ita multo post Collegium erectum. Quæ una natio in Oriente toto, omnibus aliis deficientibus, in fide semper mansit, & manet adhuc Romanæ Ecclesiæ incredibili aduersus Romanum Papam & Papæ nomen reuerentia. Græcorum quartum; varia denique in exteris nationibus, Dilingæ, Viennæ, Remis, atq; adeo etiam apud Iapones & Paganos cœtus aluit adolescentum, quibus domicilia in spem orbis totius ad Christum reuocandi collocauit.*

*His magnis operibus ab vno Canisio initium profectum. Discessit tandem Roma, & dictum, seu factum, causa inuenta, cur repentino discesserit, quod suboluisset (vt rumor, seu verus, seu vanus; certe ferebatur) Romanum Pontificem, adnitente iam olim Augustano, de illo sacra purpura ornando cogitare. Sed extincto sub initium aduentus Canisii Cardinale*

res sopita est. Virtutem interim Canisii illustrabant Romæ studium ardorque diuini honoris amplificandi, eaque diligentia, quam quoties ad Urbem venit, pauculis illis Collegii Germanici reliquiis, quæ tunc erant, quas tanquã sua viscera intimo animo complectebatur, aliisque eiusdem gentis nobilibus viris, ac studiosis adolescentibus excolendis adhibuit; illos modo adiens, modo aduocans, ad pietatem & fidei Catholicæ constantiam, & ut aduersus hereticorum mendacia, in hac veræ religionis arce, sincera doctrina se munirent, hortabatur: tum diligentiam multam in multis & claris virtutum exemplis, ad pietatem ad exterarum gentes promouendam, cognoscendis contulit. Frequentabat non tantum templa augustiora, sanctorum calitum memoriis reliquiisq; veneranda, sed Oratoria etiam, & conuentus insigni pietate illustres, quibus Christiana pietas magna hominũ frequẽtia colitur, aut Christiana in egentes charitas magno exẽplo exercetur. Inuisebat hospitales domos



domos tum antiquas, & magnis vectigalibus fundatas, tum recentes piorum tantum liberalitate sustentatas, quantumq; ex utrisq; boni ad homines promanaret, diligentissime adnotabat. Xenodochium sanctissima Trinitatis admirabatur, multis sæpè hominum millibus aduentantium largè sufficiens, nullo alio vectigali, quàm quotidianis piorum Eleemosynis, abunde suppetentibus; tum statim horis illustri spectaculo fuisse, è prima nobilitate multitudinem virorum & feminarum, utramq; suo sexui seorsim inseruire, aduenarum pedes lauare, ministrare ad mensam, monita ad pietatem dare, qua animi comparatione, quaq; religione sacra templa adeunda, & uniuersa illa sacra expiatio foret obeunda, edocere, aliaq; pietatis officia præstare, quæ alii literis mandarunt: Et hæc quot annis per sacros hebdomadæ sanctæ, & Paschæ dies vsitata & vulgaria esse, quid præsens in Iubileo vidisset & sensisset? Sodalitates præterea piorum hominum, qui honestas, inopes tamen familias, quas pudor à mendicando deterret, collatis corrogatisq;

Elee-

*Eleemosynis sustentant; alias, quæ magnum  
 Virginum numerum collata dote ad honesta  
 adiuuant coniugia cognoscebat. Tum pios  
 cætus indagabat magno numero, frequen-  
 tiaq; diuina mysteria obeuntium, piosq; con-  
 uentus celebrantium. In iis maximè frequen-  
 tabat inclytam illam, atq; inter magna vrbis  
 lumina, clara luce collucentem venerabilem  
 sacerdotum piorumq; virorum congregatio-  
 nem Oratorij nuncupatam; multumq; fami-  
 liaritate utebatur, B. Philippi Nerij institu-  
 toris, adhuc in humanis agentis, eiusq; disci-  
 pulorum, qui tum præter cæteros florebant;  
 Francisci Mariæ, Taurusii, Cæsaris Baronii,  
 magni alterius Ecclesiasticæ antiquitatis lu-  
 minis, Ioannis Francisci Boldrinii, quorum  
 duo priores suis virtutibus, & vitæ sancti-  
 monia, per multos annos sacra purpura illu-  
 strati, æternis iam cum Deo præmiis fruun-  
 tur; tertius Auenionensis Archiepiscopus,  
 pari vitæ integritate dignam tanto munere  
 operam suam nauat Ecclesiæ. Vir igitur sanctus  
 à viris sanctis, fama iam ante notus magno  
 in honore habebatur: & verò ea hominis erat*



presentia. & ea honestè faciei & totius vultus ad modestiam compositi dignitas, ut vel silente fama beneuolentiam & reuerentiam sibi conciliaret, oratio spiraret sanctitatem. Incredibilem apud hos, perpetuamque hominum frequentiam pietatis studia colentium obseruauit. Multos præterea viros principes, tum Ecclesiastica dignitate insignes, tum nobiles Romanos commemorabat nominatim, quorum cum copiosas Eleemosynas, tum memoranda facta, insigniaque virtutum exempla recensabat. Hæc pusillo tum gregi Collegij Germanici, alijsque studiosis Germanis adolescentibus exponebat, eosque ad ista aliaque eiusmodi accuratè indaganda & recognoscenda accendebat, ut se, cum in Germaniam redirent, oculatos testes Romanæ pietatis exhiberent, aduersus impios latratus veritati obsistentiū hereticorum, docebatque multorum Germanorum culpam, qui Romæ diu versati, ad hæc tanta, & tam illustri laude digna exoculati, ad improba tantum, & relictu indigna, quæ de Romanis rebus in  
Germa-



Germaniam perferrent, mentis aciem intenderent, & ad fœda vlcera, quæ hereticorum fecerat impietas, ipsi vngues accederent. Et sanè mirum non est in tanta Ciuitate, tanta omnium gentium colluuiione, in feraci solo, fecundaquæ segete, herbas sæpe noxias, & aliqua vitiorum semina succrescere. Querebatur igitur vir diuini honoris studiosissimus, quæ natura vitio in magna multitudine fieri solent, ea quodammodo ad instituta conuerti, & paucorum culpam in ciuitatem omnem conferri: Ingentem verò laudum siluam, à tanta virtutum multitudine enatam præteriri. Ita vir summè industrius nunquam de diuina causa promouenda, fideque Catholica constituenda cogitationem ponebat; & cum, quid ipse fateretur, exponebat, quid ex illo imitari ipsi deberemus, doceba-

mur. Et hæc Bere-  
tarius.

NUNCIVS APOSTO-  
LICVS AD GERMANIÆ

PRINCIPES LEGA-

TUR.

## CAPVT II.

CIC. 19.

LXV.

**P**LVS IV. P. M. pro Germaniis passim laborantibus sollicitus, vt in religionis Catholicæ professione pseuerantes ad constantiam hortaretur, dubios & hærentes firmaret, exerantes in viam reuocaret, ex occasione præsentis tum Canisij ratus è re Christiana fore, si illum cum auctoritate sui nominis in Germanias ablegaret, qui principes, dynastasq; Imperij coram adiret, suamq; Pontificis curam & sollicitudinem, datis ad eosd. literis explicaret, & ad auitam pietatem vel retinendam, vel restaurandam hortaretur. Canisi<sup>9</sup> suscepto legationis officio, regulos Germaniæ passim conuenit, Pontificis studium

dium erga salutem cum singulorum priuatam, tum omnium communē exposuit, neq; pœnitendas res effecit, quod ipse, quamuis permodestè, vt solet, attigit, cum in hæc verba de se scripsit: *Et si vero, inquit, multis annis hoc saxum Augustæ volui, multorumq; gratiam in Euangelico munere mihi conciliaui; tamen in loca vicina & dissita proficisci subinde debui, quemadmodum in Baxariam, Sueuiam, Rhetiam, Austriam, Poloniam, Franconiam, donec tandem Pius IV. Pōtifex hoc mihi negotium Romæ dedit, vt præcipuos Germaniæ Principes, quibus & ipse scribebat, coram accederem, ac eorum animos in religione Catholica promouenda cōfirmarem. Igitur in Westphaliā vsq; peregrinandum fuit, vbi & in Geldriam penetraui, & satis laboriosam sensi profectionem, comite ex nostris vna contentus. Quidquid autem in his itineribus, quæ suis periculis non caruerunt, rectè & feliciter à me gestum est, præpotentis Dei gratia, & virtute singulari gestum esse testor, ego nihil ex his mihi*



*arrogō, utpote seruus inutilis.* Non assumpsit in comitatum officia aulica, nec ullam accersuit ab externo splendore auctoritatem, vnico Socio nostræ familiæ comitatus: modestia & virtute sibi dignitatem; auctoritatem legationi accessuram non falso opinatus. Venit in eadem professione Coloniam Agrippinam, ut ex Academicis illic monumentis per Io. Hasium, quem supra posui, cognoui. Coloniae CIO. IO. LXVI. XIX. Cal. Febr. Academicis Patribus, & ciuili Magistratui, Pij Pontificis auctoritatem exhibuit, quam monebantur, uti Canisio fidem haberent, & capita suo Pontificis nomine perscripta præscriptaq; diligenter exequerentur. Nec fuere amplius septem, minime sane silentio premenda, quod plurimum videantur ad multorum institutionem valere.

- I. Primum, uti nemo vel ad docendum pro concione populum in templo,

plo, vel ad erudiendam iuuentutem in Gymnasiis & Academia admitteretur, de cuius honesta vita, integritate morum, & Catholica pietate nō constaret.

Deinde, vt scripta, quæ vel morum disciplinam labefactarent, vel Romanæ sinceræq; doctrinæ obstarerent, vnâ cum librariis, qui huiusce-modi chartas vel clanculū vel aperte in urbem inferrent proscriberentur. II.

Præterea, vt alienis à Catholica religione locus in vrbe non esset, forasq; eliminarentur. III.

Quarto, ne quis clancularius præco seu Lutheri seu Caluini, seu cuiuscunq; alienæ sectæ vrbe, domo, tecto reciperetur. IV.

Insuper vt in hostes religionis Catholicæ seuera edicta ponerentur, contraq; venire ausi grauitè punirentur. V.

Academici quoque viderent, ne VI.

quem ad vllum publici honoris gradum in quatuor supremis literarum disciplinis Theologiæ, Canonum, Iuris Ciuilis prudentiæ & Medicinæ admitterent, qui recusaret, ex præscripto Concilij Tridentini formula, quid crederet, damnarétue, profiteri.

VII. Postremo ne sacerdotia, quæ beneficio iureq; suo Pontifex conferre soleret, cuiquã assignarentur, q ex præscripto Pontificis, legumque auctoritate docere nollet, & vti prælectionum disputationumq; publicarũ, præsertim in Theologicis maior ratio haberetur.

His cognitis, cum Academici, urbanusque Magistratus frequentes in Consilium iuissent, inter se collocti, Canisio vt internuncio Apostolico primum gratias egerunt de labore, eorum gratia suscepto; deinde prolixè omnia promiserunt facturos, seseq; in auctoritatè Pontificis,

vti



vti semper ante hac fuissent, in posterū futuros, omnibusq; eius mandatis obsecundaturos. Multum hæc legatio Canisij profuit Coloniae, in auita pietate perseveranti, prodestq; hodie. Erant illa, quæ exposuit, etiam publica Notariorum Romanorum auctoritate signata, quorum post defunctionem legationis Canisius duo exempla Collegio Coloniensi reliquit. Secundum hæc ad Cliuiæ, Iuliæ, Montiumq; Principem Guilielmum profectus, ab eo discit Pium Pontificem, v r. Idus Decembres cio. io. lxxv. vixisse: proinde obita legatione Coloniam reuersus Catechesin suam dudum vulgatam recognouit, ac Senatui inscriptam dedicauit. Quæ interim Nouiomagi patrio solo per illam excursionem egerit, infra lib. extremo perscribemus.

CATHEDRAM AVGV-  
STANAM GREGORIO RO-  
SEFFIO COMMITTIT, LIBROS  
condit.

## CAPVT III.

**S**I crescentibus in dies negociorū  
scuris etiā vires corporis auerent,  
esset cur naturæ gratias meminisse-  
mus; sed cum hominis vita quotidie  
denascatur, & cū añis, corporis vigor  
sensim fugiat, Canisi⁹ quāuis hucusq;  
firmus & florens, quintum nempe su-  
pra quadragesimum agitans annum,  
vnus tamen omnibus par laboribus  
esse nō potuit diutius, cum domesti-  
ca prouinciæ negocia propè totum  
sibi hominem vendicarent, & Cathe-  
dræ Augustanæ, quæ in prouincia,  
grauissima est, procuratio, eundē sibi  
vicissim assereret, & multa quotidie  
inter man⁹ negocia, vt fieri amat, nas-  
cerentur, prouidendus fuit idoneus  
aliquis huic loco, & assiduus Eccle-  
siastes

sastes q̄ cœptū Canisij laborē profe-  
 queretur. Agebat tum Romæ Gre-  
 gorius Roseffius gente Boius, domo  
 Landishutanus, qui cælestium lite-  
 rarum iam portum spectabat, vir ma-  
 gnis corporis & animi viribus, confi-  
 liisq̄ue pollens, quod ea tempestate,  
 eaq̄; in vrbe maximè desiderandum  
 erat, ab eloquentiæ laude in primis  
 comendatus. Hic Augustam missus  
 adulto iam anno CIO. IO. LXVI. Nou.  
 mense, Othone Cardinale præsentē  
 & volente, Principem Augustæ Ca-  
 thedram Canisij loco occupauit, quā  
 vltra triginta sex annos postea, non  
 sine frequenti procerum applausu  
 populiq̄; notabili fructu tenuit. Ca-  
 nisi⁹ eo labore subleuatus, quidquid  
 vacui temporis à publicis prouinciæ  
 curis habuit, subseciuas horas non  
 otio transmisit, sed armis literariis  
 in hostes & p̄duelles religionis sum-  
 ptis, cœpit tela calami in aduersari-  
 os stringere, & centurias errorum  
 prola-

*Gregorium  
 Roseffius  
 Augustam  
 nam Ca-  
 thedram  
 procurat.*

CIO. IO.  
 LXVI.



prolatas in publicum ostendere, falsarumq; narrationum mendacia retundere. Ergo illustre opus Commētariorum. DE VERBI DEI CORRUPTELIS, quo Ioannis Baptistæ honores maximè tuetur, condit, & Ferdinando Ferdinandi Imperatoris F. Inscriptum Oeniponte Anno MD. LXXI. offert, quod magnopere ab orbe Christiano commendatum, sæpiusq; ad typographum reuocatum, ac postremo recognitum anno MD. LXXXIII. prodiit, quo & Ecclesia Romana egregiè propugnata, & antagonistæ fœdè prostrati, vanitatem suarum opinionum, si nō perfricuisent, iure potuerunt debueruntque agnoscere simul & erubescere.

ENERGV MENAM CV-  
RAT.

## CAPVT IV.

**M**agnam vim habet docentis oratio, cum verba nō discrepant à vita : maiorem cum diuinis etiam suffragiis confirmantur. Ea erat de Canisij virtute opinio, vt nemo non sanctum diuinumq; hominem existimaret, & pro sua sententia tanquā charum Deo virum veneraretur: nec falsi sunt, qui tam piè de Canisio senserunt. Idem de eo Deus ipse pronunciauit, cum multa per eum mortalibus beneficia præstitit, quæ natura ipsa negauit se præstare posse. Infra scribemus illa cælitum suffragatione perpetrata. Hic ponemus, quod ante patria lingua à Martino Eisingreinio, Præsule Oetingano & Academia Ingolstadianæ Procancelario, viro summæ auctoritatis, religionis, eruditionis, qui tum \* Oetingæ fuit, cum hoc quod expono, cōtingit, prolixè & copiosè denarratum est.

Oetin-

\* *Primum olim.*

\* *Vtinum.*  
*Aedes Oe-*  
*tingana*  
*religiosif-*  
*ima.*

*Anna*  
*Bernhu-*  
*sa obfessa.*

\* Oetinga, vetus oppidum est in Boica, vbi nobile sacrarium, cælitum reginæ Virgini Opt. Max. Dei matri, à priscis Boiorum Regulis conditum, & maximis votorum donis opulentum, religione sanctissimum, & benignæ Dei Genitricis immortalibus beneficiis, in omne gen<sup>o</sup> mortaliū perfectis, per omnē Germaniam inclitū, iamque per alium latinis literis illustratum. Huc Augusta Vindelicorū anno c. 10. 10. Lxx. Duodecimo Cal. Feb. venit Illustris vir Marcus Fuggerus, caput gentis suæ & vrbi Augustæ Præfectus, cum Illustri Coniuge sua Sibylla, & Canisio nostro, aliisq; cōpluribus, vt ab Anna Bernhusia nobili virgine, quam secum deduxerant, malus genius, quo octauū iam annū infessa miserandum in modum cruciabatur, profligaretur. Cum enim S. Vdalrici primum aris Augustæ ad-moueretur, sex inde (septē enim impuri spiritus puellā occuparāt) fugati cef-



ti cesserant, septimus negarat se puellam deserturū. Sed virgini in quadam lipothymia, seu animi defectione se benigna Dei mater ostenderat, futurumq; prædixerat, hostē Dei in sacello suo Oetingano pulsum iri, si cōcepto voto se calicē sacrū munus allaturā polliceretur; promisit illa, & votū soluit, sed in exturbando hoste, malo hospite, non exiguus labor fuit impendendus. Canisius simul Oetingam cū illustri Fuggerorū, vt dixi, comitatu, attigit, virginis Oetigane opē precib⁹ iussit implorari. Postera luce, M. Fugger⁹ cū Cōiuge, expiatis per cōfessionē peccatis, sacroq; Christi corpore percēpto, preces ardentissimas ad Deū, Deiq; matrē fundit, vt Canisij conatib⁹ adesse, virginēq; ab immani mōstro, ac carnifice exsoluere dignētur. Secundū prandiū reditur ad tēplū. Aderant spectaculo præsentibus plus minus quindecim; admonet Canisi⁹ puellā voti, quo se Augustæ per  
auo-

auocationem animi cum calice Oe-  
 tingam deferendo adstrinxerat. Tū  
 simul omnes in genua supplices pro-  
 cumbunt, consensuq; opem cælestē  
 efflagitant. Marci coniunx cum Vir-  
 gine dæmoni obnoxia summum in  
 sacello locum iussā occupat; cingunt  
 illos reliqui, iuxtimq; adsistit Canisi-  
 us, exomologesin exorsus, precati-  
 onem dominicam, & Angelicam sa-  
 lutationem, aliaq; id genus flectendi  
 Numinis causā præsidia adhibet.  
 Quietus interim agebat Dæmon.  
 Recitantur deinde sanctissimæ Vir-  
 ginis Litanix: responsant omnes;  
*Sancta Virgo, Mater Dei, ora pro nobis.* Hic  
 mussitare secum, vota q; abnuere,  
 negare demum apertē dæmon, se  
 nec auditurum, nec passurum, vt  
 Mariæ auxilium imploraretur. Vir-  
 ginem supinam rapit, humiq; crude-  
 liter affligit. Afflictam Marcus in sinū  
 recipit; dextrum Canisius, sinistrum  
 Sibylla cum Sacerdote latus tuetur;  
 ruel-

puellam tamen ægrè retinent. Hinc iam arma Canisius cælestia expedit, hostemq; deuotionibus & diris vrget, atque hunc in modum premit:  
*Per Numen nomenq; sanctum Dei, ac magna Matris Dei, impurissime scelestissimeq; demon, impero, uti planè diserteq;, ac sine fraude pronuncies, quot quantiq; sitis, qui puellam occupatis.* Hic, vicælesti adactus, ægrè ac velut collecta, post intercoëptum spiritum anima respondet, solum se restare septimum, extremumq; non ignarum voti puellæ, & depulsionis, si ad has Virginis aras admoueretur; cruciaturum tamen se puellam ad satietatem vsq;, priusquam sua statione cedere cogeretur.

Quærit Canisius, ecquoties torturus esset miseram? quater, inquit, supra vices: parentum causa septies, totiesq; dominorum, decies ob familiam Fuggericam. Ita se in mandatis habere, dictoq; citius mediam arreptam tollit, & crudelem in modum

L

humi



humili allidit, trahit, rapit, distenditq̃;  
vbi quinque illi, qui puellā retinebāt,  
vehemēter laborarēt, ne penitus ar-  
reptā discerperet; atq̃; hoc dirū spe-  
ctaculū reuocauit septimū. Impo-  
nitur dein sculpta, eademq̃; peruetu-  
sta virginis imago, ceruici puellæ; fu-  
rit serpens, omnesq̃; cōspuit, & hor-  
rendū vociferatus execratusq̃; *faceſſe,*  
*inquit meretrix,* (Dei Matrē impius ap-  
pellabat) *tam diriter me premere.* Canisi-  
um subinde canicidā per cōtumeliā  
vocitabat. *Atque ego,* inquit Canisius,  
*te excarnificabo, Cerbere. Age quando tandē*  
*cedes loco?* permittite, inquit, ille; *cedam.*  
Non hoc, subiicit Canisius, in nobis,  
sed in Deo, Deiq̃; Matre sitū est. Cui  
dæmō, *cras me expediam, si prius pro debi-*  
*to hanc duodecimū ad necē vsq̃, torsero.* Po-  
stero die geminantur preces, totūq̃;  
antemeridianū tempus, reb⁹ diuinis,  
ac votis soluendis cōsumitur. Ad me-  
ridiem in edicula virginis religiosissi-  
ma omnes adsunt, & pridiana precā-  
di for-

di formula repetitur. Vbi ad locũ de virginis patrocinio ventum, rursũ fremere monstrũ, puellamq; afflicta-re; Marcus hesternum iterat officiũ, puellamq; prensam pro viribus retinere cum aliis contendit. Canisius fulmina dirarum rursũ in hostem torquet, deuotionibus vrget, cedere-que loco imperat: ridet ille, & eludit horam integram dicta imperataque Canisij. Duodecima post hora, rursũ arripit miseram, adeoq; in eam desauit infernus carnifex, vt horrorem, & commiserationem omnib<sup>9</sup> commoueret, omniumq; opinione in mille partes infelix differenda putaretur.

Hanc immanitatẽ stygius tortor cum in puellam septimum exercuisset, exanimata illa concidit, intraq; partem horæ quartam restituta sibi, interrogatur, quid desideret, quid ue menti obiectum sit. Respondit placidè, virginem se Dei matrem duobus comitatam cælitibus vidisse,

alterumq; ex beatis nunciaſſe, quinto vexandam ſe adhuc cruciandam-  
 que, dein haud vltro quæſtionibus  
 progrediendum, ſed imperandum,  
 vti prouolutus in genua Deum ver-  
 bis Domini; virginem angeli, quintũ  
 iteratis veneretur, terramq; ſepties  
 indicij loco, ſpectante tota præſenti-  
 um corona, ore ſupplex contingat,  
 Reginam cæli terræq; prius læſam &  
 impio ore laceſſitam, exquisitis ho-  
 noribus afficiat colatq;. Quibus ac-  
 ceptis conſurgitur ab omnibus, me-  
 diumq; ſacellum deligitur, vbi pali-  
 nodiam ſanctiſſimæ Virgini impu-  
 riſſimus canat. Sed omnibus aram  
 Virginis aſpicientibus, ſola puella  
 ianuæ templi os obuertit; ſed impe-  
 rio Caniſij altare cogitur ſpectare.  
 Quod dum facit, immane incipit fre-  
 mere, & eiulare; *Væ miſero, vt torqueor,*  
*nullus meorum intra viginti annos tam a-*  
*trociter eſt excarnificatus.* Age nunc, in-  
 quit Caniſius, impuriſſima bellua,  
 Dei



Dei mandata exhauri , possessione cede, puellamq; missam facito. Extendit brachia dæmon in formam crucis, præsentescq; affatur. *En, inquit, nos infelices Deo, Deiq; Matri, parere cogimur; vos imperium eiusdem detrectatis.* Mox in genua abiectus, Domini- cam precationem hunc in modum pronuntiauit. *Pater noster qui es in cælis,* dein interiectis his (*ob primi vulneris Christi Iesu seruatoris memoriam*) dein cætera, quæ sequuntur, exquebatur. Salutationem Angelicam sic absoluebat; *Aue Maria gratia plena, Tuam gratiam misericordiamq; sentiant omnes in hac æde præsentés.* dein subiunxit reliqua. Postremò adiecit hanc extremam clausulam: *O Maria Mater Dei ora pro nobis.* Hæc quintum iterauit. Peracta prece, Virginem cælestem tam compositis, exquisitisq; verbis collaudauit, vt omnes dederit in admirationem.

Sed Canisius vrgebat extrema, atq;

ut excederet, vi diuini nominis imperitabat. Cui ferociter dæmon; terra prius osculanda mihi septies. Cum fecisset, rogat Canisius, cur id, & qua gratia faceret? *Regina Deipara colenda,* inquit, *quam antea vocibus impius incesse-*  
*ram.* Mox sublimem rapit puellam, horrendumque fremens immaniter vociferatur, cumque finem clamando faceret nullum, imperat Canisius, ut tandem cedat, ac penitus excedat.

Obsequi cogitur homini mortali genius immortalis, puellamque intra secundam tertiamque pomeridianam pulsus fugatusque deserit. Canisius perculsis omnium animis cohortationem addit, admonetque omnes, ut quisque in memoriâ præteritæ vitæ & noxarum cum animi dolore redeat, labes per confessionem abstergat, melioremque viuendi rationem instituat: originem primamque causas aperit, cur & quo pacto sibi dæmonius inuadendæ puellæ usurparit. Ego, uti accepi, ita rei gestæ

gestæ seriem exposui. Addit Martinus Eifengreinius, occupatam primū à quatuor cacodæmonibus, ob impiam execrationē, qua se (si secus esset ac dixisset) orco deuouerat. Post trienniu accessisse reliquos; recitat testes omnes præsentēs, & oculatos nominatim, quos in libello ab eodē de ædícula Oetingensi edito Cap. xiv. copiosius leges. Hoc tamē non omitendum, Annam ab ingrato hospite liberatam, Catholicam pietatem ac religionem in omnem reliquam vitam constantissime coluisse.

PRÆFECTVRAM PRO-  
VINCIAE PAVLO HOFFÆO  
TRADIT.

CAPVT V.

**T**otum iam vicennium Canisius Sociis in Germania superiore cū potestate præerat, & interea loci Augustæ in Principe Dei matris æde populum pro Cathedra multis annis &



ante triennium demum dimissa docebat, domi átagonistas erudito calamo cófigebat, & magná voluminũ opera condebat. Potérant Atlantis aut Herculis vires tantis laboribus debilitari. gemebat sub onere Canisius, nec tamen, vt solemus, querebatur, crescebat in dies prouincia, deficiebat ætas. Sed agnouit Frãnciscus Borgia vniuersæ Societatis moderator Canisij occupationes, quibus vt illum ex parte leuaret, præfectura Sociorum Prouinciali tam diuturna & molesta, tandem abire permisit, quod videret illius operam valdè necessariam esse ad comprimendum furorem hæresiarcharum per omnes id temporis Germanias grassantium, & concionibus vrbes, scriptis totas Prouincias corrumpentium. Visum ergo Pótifici Opt. Max. Pio V. & Borgia totius Societatis Antistiti, alio Sociis in Germania præfecto, Canisium ad scribendũ impellere. Quod ipse

ipse fecit perlibenter, & Prouinciam  
 regendorum Sociorum commisit  
 Paulo Hoffæo, qui vir quam egregiè C19.19.  
 aptus ad id muneris fuerit, docent LXIX.  
 ea, quæ per annos duodecim in cura  
 Sociorum gessit, post quos, Romæ  
 ipsi Societatis vniuersæ præsidi con-  
 sultor haud paucos annos adsedit,  
 vnde ad nos reuersus, Germaniam  
 superiorem & ad Rhenum sita Col-  
 legia visitator lustrauit, ac demum  
 veluti emeritus miles data missione  
 & armis ad aras suspensis, Ingolstadij  
 ad annum ætatis quartum & octoge-  
 simum prouixit, ante annos amplius  
 triginta quam moreretur, dudum à  
 medentibus, in ipso præfecturæ in-  
 gressu conclamatus, & per Ioannem  
 Rastellum Anglum liberatus, qui se  
 victimam pro Hoffæo per votum  
 obtulit, vti si auctori vitæ videretur,  
 Paulus viueret, ipse vicaria morte  
 defungeretur. Ratum habuit Deus  
 piam mentem patris, qui vix ædem

sacram exierat, ad quam pro Hoffæo peregrè supplicarat, cum è vestigio morbo correptus, & domum æger deportatus, post paucos dies oppetiit, & oraculum illud vere impleuit: *Maio rem charitatem nemo habet, ut animã suam ponat quis pro amicis suis.* Hoffæus illico conualuit, & exequi munus suum perrexit.

OTHONIS CARDINALIS PONTIFICIS AVGVSTANI ACADEMIÆ DILINGENÆ conditoris mors & Elogium.:

Canisius comitia adit: opus Marianum edit.

CAPVT VI.

**I**Nter hæc Otho Cardinalis Maxim<sup>9</sup> Societatis patronus, & Canisij cultor, de quo multa supra & honorificamentio, Romę naturæ debito liberatur. Vir consilio magnus, nec minor pietate, idēq; maximus apud maximos Pontifices & Cæsares auctoritate,



te, inclitū sacri purpuratiq; Senatus  
 Cardinaliū ornamētū, exemplū prę-  
 sulū, catholici nominis in Germaniis  
 restitutor & cōseruator; quoq; maior  
 in pontificatus & principatus gradu,  
 tanto modestior in cōmuni domesti-  
 caq; vita, Nam vbi à publicis imperij  
 & suæ diœceseos negotiis ad otīū do-  
 mesticū, quod illi penē nullū fuit, re-  
 diit, illico pauperū casas ipse corā a-  
 dire, tēues familias familiarissimē  
 salutare, & quarum rerū indigerent,  
 inquirere, argētum, frumentū, aliaq;  
 vitę p̄sidia, miseris subministrare. Ne-  
 mo tā humilis erat fortunæ, quē ipse  
 vel aditu, vel colloquio p̄hiberet; imò  
 sæpe vltro inuitabat, ægreq; ferebat,  
 si qui in publicū prodeunti occurrē-  
 tes, maiestate viri territi lōgius de via  
 decederēt; quos ipse accersitos vltro  
 cōpellabat, quāobrē filij patrē fuge-  
 rēt, quos ipse quæriraret. Idē iuuetu-  
 ti Germanicę, cuius pietate, nobilita-  
 te, frequētia plurimū delectabatur,

Acade-

Academiam condidit, Sociis qui illam regerent, & ad optimos mores ac disciplinas erudirent, contubernium constituit, quod nuper Henricus Knöringius, quartus ab Othone Pontificatus Augustani Successor, pius, sapiens, & liberalis Princeps, æternis censibus firmavit. Idem Otho olim à furenti Lutheri secta, cum toto Canonorum consilio, ordineq; omni Ecclesiastico proscriptus, bonisq; omnibus eversus, sua auctoritate effecit, ut Caroli V. Maximi victoribus armis, cum Canonorum Collegio cleroq; restitueretur. Rudolphum postea Cæsarem, ante Mathiam, hodie imperantem, Maximiliani patris missu in Hispaniam deduxit. Idem redux nostram familiam Augustam adduxit, & in ædibus suis, quas olim Canonicus incoluerat, collocavit, omniq; ope contendit, uti nobis Collegium poneret, sed diu impeditus, tandem à illustri gente fugge-

Fuggerorum collocatum, sua liberalitate quoad potuit, iuuit, ornauitq;. Periiſſet Catholica Rhætia & Vindelicia, niſi maturè his prouinciis hic cæleſtis Atlas humeros ſubieciffet. Hæc ex plurimis & immortalibus eius operibus pauca libuit delibare, grataq; memoria proſequi. Præmia religioſiſſimo Antiftiti cæleſtis munerarius dudum, vti certa ſpes eſt, ampliſſima reſoſuit, reponetq; ſemper.

Anno deinceps ſexto & ſeptuageſimo, Comitibus ab Imperatore Ratiſponam indiſtis, Cardinalis Moronus Pontificis Maximi legatus, Caniſium in conſilium aduocauit, qui vtilem legato, proceribus, & populo publicè priuatimq; operam nauauit; Indeq; Ingolſtadium proſectus, quod prioribus annis elucubrârat, alterum commentariorum volumẽ, quo Virginem æternam Matremq; Dei à calumniis impiorũ acerrimo ſtylo



ſtylo vindicabat, edendum curauit,  
& Alberto Magno Boiorum princi-  
pi, de Germania & religione Catholi-  
ca præclarè merito nuncupauit.

FRIBVRGVM NVI-  
THONÆ HELVETIORVM

PROFICISCITVR.

CAPVT VII.

**C**VM anno, quemadmodū expli-  
catum eſt, ſexageſimo nono Pro-  
uinciæ curas Paulo Hoffæo comen-  
daſſet, quidquid otij à concionibus,  
cōſiliis, & aliis negotiis fuit reliqui, fu-  
it autē perparū, q̄ Præfecto Sociorū  
Hoffæo Collega adiunct⁹, cū illo Col-  
legia obire & luſtrare cogeretur, totū  
id quod à ſeptuageſimo ad octogēſi-  
mum, decennium fuit, libris ſuis par-  
tim in lucē foras datis, partim etiam  
dandis, recognoſcendiſq; impendit.  
Adulto iam anno octogēſimo, vlti-  
moq; anni menſe, III. Idus Dec. ipſo  
die S. Damasi (qui Caniſium Nuitho-  
nibus dedit) à Francisco Bonhomio  
Episco-

Episcopo Vercellensi, viro eximio  
 fortunæ, ingenij, & virtutis ornamē-  
 tis exculpto, Gregorij XIII. Pont. Max-  
 ad Rhætos, Heluetios, Imperatorem  
 Rudolphum, & Belgas, legato ductus  
 est Friburgum, vt ibi Sociis Collegiū  
 poneret, & ipse quasi fundamenti lo-  
 co primus istic lapis poneretur. Est Fri-  
 burgū vrbs apud Nuithonas in Auē-  
 ticis Heluetiorū, Allobrogibus & celtis  
 proxima, diuersa à Brisiaca, pomerij  
 amplitudine ingens, morū & ingeni-  
 orū cultu emendata beneq; morata,  
 ex aristocratia & democratia cōposi-  
 ta. suis viuit legibus, regiturq; populus  
 à Duūviris, senatu & tribunis plebis.  
 Conditorē laudat Bertoldum IV. Ze-  
 ringiæ Regulum, & Burgundiæ trans-  
 iuranæ præsidem, qui ante annos ad-  
 modum quadringentos quatuor &  
 triginta, primum vrbi locum in edita  
 rupe cepit, quam flumē haud totam  
 tamen ambit, vnde potissimum illi  
 nomen, quasi diceret arcē libertatis,  
 sensim

ſenſim poſtea deſcendens latè com-  
plexa flumen ſe ipſam propagauit,  
rurſumq̃ue altius excreſcens mœnia  
promouit. Zeringiorum ſtirpe in fi-  
lio, qui Bernatibus urbem conſtitu-  
it, deſecta, in Friderici II. poteſtatem  
teſtamento venit, ab illo ad alios at-  
que alios dynaſtas ac dominos, de-  
mumq̃; ad Allobroges deuoluta, à  
quibus tandem exempta, vt partam  
iure libertatem tueretur, ſe cum reli-  
quis Heluetiæ liberis & fæderatis po-  
pulis coniunxit. Priore ſæculo, cum  
infamis Zvvinglius fæda hæreſeos  
labe magnam gentis partem inqui-  
naſſet, ac ipſe cum deſertoribus aui-  
tæ religionis, non paucis in bello ci-  
uili quod claſſico accenderat, periūſ-  
ſet, aſſeclæ tamen eius, errorem ſuū  
perſeuerarunt, & periculum erat, ne  
Friburgenſes etiam vndiq̃; cincti ſe-  
ctis à vicinia traherentur, rectoq̃ue à  
tramite veteris & Catholicæ discipli-  
næ auerterentur. Sed fides & con-  
ciones



ciones Ecclesiarum, prætorumq;  
 & senatus constantia, iussis faceſſe-  
 re Zvvinglianis, peruicere, præſcam-  
 que religionem mordicus retinue-  
 runt. Vt ergo populus de cætero  
 quoq; labem nullã acciperet & cir-  
 cumſtrepentium rabularum fremi-  
 tu non turbaretur, viſum è Repub.  
 Friburgenſi fore, ſi Societati IESV cõ-  
 tubernium illic figeretur, à qua iu-  
 uentus ad præſcæ religionis fidem &  
 optimos mores, optimasq; litteras  
 informaretur. Bonhomius igitur  
 Pontificis ad Heluetios legatus, an-  
 no poſt Virginis partum CIO. IO. LX  
 XVI. & ſequenti, mirificè in Eccle-  
 ſiaſticorum Friburgenſium animos  
 ſe inſinuauit, præſertim verò cum æ-  
 diſ ſummæ Præpoſito Petro Schneu-  
 lino viro Reuerendo, & veteris do-  
 ctrinæ Catholicæ retinētiſſimo ſum-  
 mam familiaritatem contraxit, cum  
 eoq; in commune concilium poſuit  
 de Societate Friburgum introducẽ-

M da,

da, per quam senatui populoq; Friburgensi, quà de religione, quà cæteris optimè cōsuleretur. Ac tū deinde cum ciuili Magistratu, eoq; res deducta, vt conflagrati cuiusdā Cœnobij, adeoq; propè deserti area fundusq; cum annuo censu Sociis in victum & cultū assignaretur. Ad quam rē haud parum consiliis & opera sua contulerunt primores ciuitatis, viri illustres Ioannes Heidius Duū vir seu prætor, Guilielmus Krummestallius, Petrus Quentius à medēdi arte clarus, Christophorus Reiffius. Hi omnes, vt est in monumētis Friburgensis Collegij; Sociorū res curandas Bonhomio legato cōmiserūt, qui apud Greg. XIII. rem confecit, & Canisiū anno c10.10. Lxxx. secum Friburgum deduxit.

Transeundi erant Bernatiū fines & ciuitas fæda Zvvinglii & Caluini lue inquinata, cum explorator itineris & insidiator dæmon facilè coniiceret, non è re sua fore illam Episcopi & Canisij

nisi pfectionē, parū abfuit, quin vltimo viatores exitio inuolueret; iniectis enim à turba manib⁹, conuiuēte Senatu, populo mox ludibrio fuere, cū eodē die effusi ad spectaculū latronis rota pstrigendi, pars niuiū globos in eos iacularētur, pars raparū moles intorquerēt, pars ocreas cæno infarcirent; quas illi indignitates pari tum cōstantia animi, tum patiētia pertulere: Bonhomius tamen Antistes amplissim⁹, Cōsules & Senatū oratione prudēti & modesta ita pculit vti mox illos facti pœniteret: Nec ipunē tulit Albert⁹ Stahel, sordidissimus cerdo, improbum caput, & auctor cōcitatae turbæ, q̄ ingressis in vrbē peregrinis, seditionē mouere cœpit, & palā vociferari; hosce poti⁹, quā latronē illū, q̄ tū palā ad suppliciū raptabatur, cruce dignos; & mox egrediētis Episcopi mulā cauda prensam euertere, vehētēq; excutere, neq; quā conat⁹, vertēte anno ipse fædissim⁹ homo, reus turpissimi incest⁹, capitali supplicio



inactatus, cælesti vindicta sacrilegum caput, ut solet, persequente interiit. Bonhomius ubi cum Canisio Friburgum attigit, cum senatu Bernatium per literas de iure gentium, quo legati etiam apud paganos & hostes defenduntur, expostulauit; qui se purgare, quod paria apud alios populos expectare poterat, non omisit.

Subijciam hoc loco, quid reuerendus & doctrina iuxta ac sacra Præfectura vir clarus, Sebastianus Veronius Friburgi ad S. Nicolai Præpositus de aduentu Canisii, quo reliquis postea annis familiarissimè est usus, annotarit: *Cum inquit, ciuitati Canisiū sisteret Episcopus; En, ait, inter cetera, habetis Friburgenses gemmam, in theca serica, virum in bombice seruandū. Quæ porro fuerit Ciuitatis gratulatio, quis amor in Canisium, lacrymæ loquantur, quæ eo mortuo ciuium oculos irrorarunt. Nec verò Petrus, tametsi affecta ætas præteritis laboribus finem*

*nem suadebat, sibi quiescendum putavit. Concionatus est, donec tandem ætatis gravitate oppressus, non tam quievit, quam laboribus omnino exhaustus, laborum reliquiis, id est, morborum tolerantia patienter est exercitatus, ut adeo sciret Collegium Friburgense sui institutorem per omnia fuisse probatum, ut omnes DEO lucri faceret.*  
 Hæc Veronius

## COLLEGIVM FRIBVR- GENSE INCHOAT.

### CAPVT VIII.

**V**IX Canisius Friburgum ingressus erat, cum mox in assignatam sibi D. Nicolai primariam Cathedram progressus, *nunquam enim virtus est otiosa*, sex ipsos annos Senatuum populumque Friburgensem ad cælestis vitæ spem, morum disciplinam, & religionem constanti animo profitendam instituit. Tum deinde morbo correptus, qui mentem illi propè eripuit, à dicendo absti-

M 3      nuit.

nuit. Veronius valetudinis causam in senectam ætatem, vitæ seuerioris disciplinam, ieiunationes & curas ex obstrepentium quorundam Sociis maleuolentia natas confert. Sed post triennium receptis viribus ad institutum rediit, populumque erudire pro concione perseuerauit. Ciues vt viri innocentiam, morum suauitatem, eruditionis excellentiam, cum pari modestia & prudentia coniunctam perspexere, de tota Societate ex vno velut indice existimarunt, & magnopere Sociorum operam sibi presentem exoptarunt, impetraruntque. Designata post in domiciliū sede percommoda, & ab opificum strepitu remota, in loco vrbis editissimo fundamenta Collegij Canisius ipse applaudente ciue feliciter iecit, quæ paullatim ad iustam altitudinem (quamuis sæpe opus aduersariis Societatis interpellantibus surrexere; demumque anno c. 10. 10. xcvi. in perfectum Collegiū Sociis



Sociis immigrantibus, Canisius frequēti populo primam in sacello tumultuariē ad Musei aditū excitato concionem habuit; quæ simul illi vltima fuit, anno, ante quam de statione vitę decederet, dūtaxat vno. Lēma concionis erat institutę Societatis ratio, viuendi mod⁹, finisq; , studia docēdę iuuentutis, erudiēdi pro cōcione populi, eiusdēq; per confessionē expiādi, subleuādi in valetudine, firmādi in morte, solādi in egrimoniis, reducēdi ab hæreseos erroribus in viā, aliaq; hoc genus pluria. Fecit postea gradū ad Magistratus, quo consilio ad excitandam tam nobilem, amplā & sumptuosam molē edificiij fuerint impulsī; promissi demum conatus nostri ad vniuersā Reipub. & singulorum salutē procurandā. Secundum rem diuinam (in qua præter ordinē Ecclesiasticū, Vicariū & Præpositum; Duum viri, aliiq; viri principes ciuitatis interfuerunt) itum ad

religiosam mensam, exceptique iidem pro copia inopiæ nostræ liberaliter, quodque defuit in epuli splendore, supplerunt tres oratores, qui aures pascere conuiuiarum grata beneficiorum in nos commemoratione, aliisque rebus exponendis, quæ ad rem præsentem faciebant, conati sunt. Certè gratum id fuisse officium auditoribus declarauit prætorum alter, quando copiosè respondit ipse, promissâ etiam ampliore cura tuendæ & ornandæ Societatis. Quanta porro ciuitatis in Canisium pietas ac studium fuerit, vix dici crediue potest. Illa inprimis: nunquam ipsos voluisse se illius præsentia priuari, eo potissimum consilio, quod cum nullum in sua ciuitate viri sancti corpus haberent, hunc, quem viuentem tanta inter ipsos tam admiranda sanctitate fulgentem viderent, permittere nollent alia in ciuitate, aut apud alios depositi sui monumens-

numentum relinquere, vt post eius mortem, quot essent in ciuitate homines, tot haberent illustres sanctitatis primum spectatores, postremò etiam testes oculatos. Quid dicam quanto illum studio dicentem audierint? imo & videre desiderarint? Quamprimum cognitum est Canisium in concionẽ proditurum, quamuis senem & viribus, & voce, & lateribus defectum, ingentes omnium ordinum concursus fiebant, non ad eum audiendum tantum (quamuis extremis annis perægrè, præsertim à paulo remotioribus vox debilior acciperetur) sed ad cælestem illam faciem senio & religione venerabilem contemplandam, tota Germania iam olim & notã & spectatam, cuius solo aspectu mira quadam dulcedine delectari, sed nunquam satiari poterant.



186 DE VITA P. CANISII  
EXTREMVS VITÆ ACTVS.

CAPVT IX.

**M**Ultum debemus diligentiae & sapientiae Veronij, paullo ante laudati, qui non solum dicta factaq; sub extremam eius aetatem prudenter obseruauit, sed & in literas misit. Ex quib<sup>9</sup> potissimum, quod deinceps dicturum sumus, tamquam praesentis, oculati & iurati testis tabulis hauriemus. Quamquam & alij permulti hodie viuunt, qui narrationem meam veram sinceramq; arbitrari poterunt. neque enim adeo multi a morte Canisij fluxere anni, quando hic sextus decimus agitur, cum haec litteris consignauimus. Debilitato corpore & robore maximis laborib<sup>9</sup>, cum ipsis annis exhausto, vigor animi non solum hebetat<sup>9</sup> non est, sed ita recens, praesensq;, ut quo magis etas ingrauescere, hoc magis ille iuuenescere & reflorescere videretur. Quid enim hoc ultimo vitae decennio non elucubrauit? quando inter haec assiduo precandi studio deditus,

ante

ante meridiē horas omnino quaternas, ternas secundū prandiū, partim rerū diuinarū contēplationi, partim legendis Psalmis tribuebat. Augustā ex Heluetiis tertio & octogesimo millesimi quingentesimi ad cōuentū Sociorum euocatus venit, & gaudio nō Sociorū tātū, sed familiariū omniū, illustris præsertim matronæ Sibyllæ Fuggeræ incredibili gaudio, & veneratione exceptus est. Vbi & Socios grauissima adhortatione domi (quā ego tum tiro Societatis audiui) vt ad studiū meditādi excitaret, comonefecit, vehemēterq; cohortando asseueravit, nos ad vltimū Christi tribunal causā dicturos de hora reb<sup>9</sup> diuinis cōtēplandis assignata, si illā vel otiosē & segniter trāfigeremus; vel neglectā omnino præteriremus. Idē, vt cum Canisio Friburgū reuertamur, quidquid à cultu numinis reliqui tēporis habuit, id ōne ferē in sacrarū literarū cognitionē, librorūq; cōponēdorū laborē studiosissimē cōtulit, vt

tam prodesset absens posteritati se-  
 nex, quam iuuenis olim profuisset  
 præsens. Reuocauit deletos propè  
 ex hominum memoria sanctorum  
 ac tutelarium Heluetiæ præsidum  
 res gestas: sancti, inquam, Fridolini  
 Claronensium & Seckinganorum  
 apud superos aduocati: S. Beati, qui  
 primus ad Heluetios legem Christia-  
 nam attulit, quem præ cæteris vene-  
 ratur Lucernensis Respublica, cum  
 iis qui ad Arulam flumen colunt: S.  
 Vrsi inter purpuratos cæli proceres  
 illustris, cuius patrocínio Solodo-  
 renses gloriantur: S. Mauritij cum  
 fortissima legione sua apud Valesios  
 potissimum venerandi. Meditatus  
 est, & super Euangeliiis Notas & Con-  
 ciones, & precationum quotidiana-  
 rum Enchiridion. Nec oblitus est  
 reginarum, quæ Ferdinando Impe-  
 ratore natæ ex prima Canisij institu-  
 tione Halæ ad Oenum sanctissimam  
 vitam degebant Paræneticum patria  
 lingua



lingua conscripsit, quo totius vitæ Christianæ perfectionē complexus est. Eodem tempore varias Epistolas in omnem Germaniam, partim ad amicos & domesticos, partim ad illustres viros & matronas, quibus vel ad salutis æternæ præmium consequendum præcepta dedit, vel in fortunæ aduersæ statu deprehensos ad animi æquitatem erexit, vel ultimis morborum cruciatibus afflictos consolatus est, cuius rei testes hodie literæ complures ad Gregorium Roseffium, vsque ad vltimum vitæ spatium exaratae leguntur. Testes ad Octavianum Fuggerum, II. Virum vrbi præfectum. Testes etiam ad vtrumque Marcum Velferum, senioreminquam, & religiosa potius quam ciuili vita perfunctum; & alterum ætate minorem, dignitate eruditione & ciuili magistratu illustriorem, qui hodie Duumvir rempub. Augustanam cum suo Collega Io. Iacobobo

cobo Remboldo administrat, quem noster frequentibus literis ad scribendum, & sanctos viros olimque Augustæ florentes è tenebris eruendos pro honore & tutela patriæ cohortatus est; vnas duntaxat fidei causâ subdam.

PAX IESV CHRISTI NOBIS  
ÆTERNA, MAGNIFICE DOMINE  
ne Consul.

**P**Rudenter factum arbitror, quod sit visum Augustano Senatui, ut ad consulare dignitatem deligereris, eamq; tibi & huic inclitæ Reipub. salutarē fore confido. De literis tuis ad me humaniter scriptis gratias ago, quibus & munus egregium adiunxisti, vitam nouā viri sanctissimi VD ALRICI, eamq; typis excusam eleganter Augustæ, ubi antea nullus vel exiguus erat vsus chalcographiæ. Ea res auget nobis fiduciam fore ut Catholicismus paulatim istic efflorescat, Deo Opt. Max. auxiliante. Nec dubito fructum ex hac historia proditurum, quæ non Augusta nos modò, sed exteros etiam variis de rebus

rebus utiliter moneat ac instruat. Sui  
 palato seruiant homines delicati; tuum  
 ego iudicium probo, quod veterem vitæ  
 huius editionem bona fide seruaris, nimi-  
 rum ut veneranda antiquitati suus locus  
 honosque constaret, ac vera potius, quam  
 diserta in lucem prodirent. Atque uti-  
 nam plures id genus historiae de sanctis & an-  
 tiquis Germaniæ nostræ pastoribus ac Epi-  
 scopis euulgarentur. Optamus Antuerpiæ  
 typis excudi, quod promissum fuit opus de  
 Diuina Belgicis, multoq; magis desideramus  
 absolui non modo sextum tomum, sed integrum  
 quoq; opus C. Baronii venerandi senis, quæ  
 diuina bonitas nobis & Ecclesiæ diu sospitem  
 conseruare dignetur. Quum ad illum Ro-  
 mam scripseris, reuerenter ex me salute-  
 tur, quaeso. In illo & per illum perficiat Chri-  
 stus, quod egregiè cœpit ad communem ædifi-  
 cationem Ecclesiæ suæ. Verum auguror fo-  
 re, ut posterior Annalium pars tantò il-  
 li plus negotij adferat, quanto frequentius  
 tractanda fuerint controuersia non leues,  
 quas petulanter satis iniiciunt aduersarij  
 pro



pro suis Cæsaribus pugnantes mordicus, & ad Pontificum invidiam cuncta detorquentes.

Fuit hic

Ioannes

Vellerus

II. Vir, no-

stri Anto-

ni pater.

Rogo iterum, ut Magnificum Dn. Ioannē Vellserum, & D. Marcum, aliosq; vestre familiæ patricos, amanter ex me salutare digneris. Amaui & amabo in illis præclaram Catholicæ fidei constantiam: agnosco simul veterem illorum erga me benevolentiam & humanitatem, quæ gratam & iucundam memoriam illorum refricat mihi, simulque ad Deum pro iis inuocandum calcar addit. Pergant, obsecro, suæ vocationi in timore diuino satisfacere, suaq; patriæ hominibus opitulari, tum de Augustanus hoc difficili tempore, quo Deus iratus peccata nostra castigat, benè mereri contendant. In Christo I E S V bene vale, Magnifice Domine cum tota familia tua, & me senem tibi tuq; commendatum habe semper. Friburgi Heluetiorum 13. Iunij anno salutis nostræ 1595.

Præterieram ferè sanctum virum, & perpetua memoria dignum, licet sæculo nostro

*stro incognitum, vereque catholicum confes-  
sorem Gualdfardum, cuius præclaram ef-  
figiem abs te missam libenter accepi. Dignus  
est sanè, qui reliquis Ecclesie Augustanæ  
patronis adiungatur, & quotannis die certo  
in Ecclesia celebretur; potissimum verò ab  
Augustanis Catholicis in pretio habeatur.  
Deo gratia, quod hunc nobilem Christi mi-  
litem velut è tenebris in lucem protrudis,  
tuamque patriam hoc illustri ciue propo-  
sito, spectabiliorem efficis. Magnum  
sanè præsidium senectutis in litera-  
rum meditatione, quæ cum illo  
consenuerant, expertus est Cani-  
sius, vti ferè præclareque dictum  
sit, à sapiente; *Studia senibus pro vi-  
atico*. Defunctus enim Cansius iis la-  
boribus, qui robur & latera deside-  
rant, gratissimum in voluminum sa-  
crorum tractatione quietis portum  
inuenit. Ita ritu priscorum ferè ana-  
choretarum, extremam ætatis partē  
in priorū votorum religione & scrip-  
torum evolutione consumpsit, vt à*

precando fessum lectio reficeret, & lectione fatigatum precatio grata vicissitudine recrearet.

## MORS CANISII.

### CAPVT X.

**F**lectebat sensim Canisius ætatis decursu vitæ metam, annisq; iuxta ac laborib<sup>9</sup> fessus, senecta iam ætate paullatim cælum spectabat, peracta iam sua fortuna felix. poterat enim cum D. Paulo verè exclaimare : *Bonum certamen certavi, cursum consummaui, fidem seruaui, de reliquo reposita est mihi corona iustitiæ, quã reddet mihi in illa die iustus Iudex.* Cupiebat ergo dissolui, & esse cum Christo, pro quo tot labores, annos amplius sex & septuaginta exhauserat. Valetudo eius præteritis annis constans & firma, tum primū tentari grauius coëpta, cum septimum supra sexagesimū annum



annum ingrederetur, quo tēpore se  
 cōcionādi munere abdicauit, simul-  
 que tam periculoso morbo corrept⁹  
 est, vt læso cerebro, multis è potesta-  
 te mentis exiisse crederetur. Colle-  
 git tamen sese, & ad vsitata studio-  
 rum & præcum officia mox reuer-  
 tit. Sed morbo reciprocante iden-  
 tidem in lectulum reiect⁹ est: nec ita  
 reualuit, vt pristinum corporis vigo-  
 rem recuperaret. Iam scipione niti,  
 iam incuruus incedere, ac terram  
 spectare, animo verò ad cæli tem-  
 pla toto pectore aspirare. Sanè  
 si vires corporis & constitutionem  
 naturæ attenderes, multorum judi-  
 cio æuum in longè maius spaciū  
 propagaturus videbatur. Sed vi-  
 giliarum excubiis emaciatus, men-  
 sæ tenuitate exhaustus, peregrina-  
 tionum & itinerum molestiis fra-  
 ctus, & quod caput est, cruce illa,  
 quam sensibus iam pridem defixe-  
 rat, mactatus, vt *granum frumenti*

*in terram cadens fructum multesimum afferret, non potuit ad naturæ metas, quas illa fortasse longiore interuallo positura fuerat, penetrare, compendio nempe viæ brevioris ad cælum persui victoriam reperto. Primum omnium Anno Christi c. d. x. c. v. i. quo vita excessit Canisius, pedes, quibus tot terrarum spacia haud paucis annis emensus erat; fungi officium sensim recusabant, ut ipse in literis ad Gregorium Roseffium eodem anno tremente iam dextra scriptis narrat: En, inquit, rudis charta senili manui propè respondet; ignoscat quæso charitas tua imperitia & incivilitati meæ. Labores quadragesimales uti confido feliciter confecisti, & ad Paschalem quietem cunctis gratam emerfisti, in qua cupio tereclè valere: Senti ego & sentio, pedes meos officium suum non facere, ut aliquando sit difficile sarificare, fortassis non dispar imbecillitas Ingolstadij quoque prostermit fratrem atque Rectorem.*

etorem. Benedictus fons ille bonorum, per quem augentur senibus torpor, fastidium, obliuio, iniuria, molestia, & reliqua id genus incommoda, quæ nos in fragilitabernaculo habitare, & ad meliorem vitam tendere hortantur. Age pater, communes illi agamus gratias, in cuius manu sortes nostræ versantur, & cuius opera florentem Augustam tot iam annis experimur: Vidimus Trucksessios, Fuggeros, Rellingeros, Welse-ros, aliosque patronos insignes & amicos, quorum beneficentiæ multa debemus. Praclaris horum vestigiis imitandis insistamus, ut de tanta Repub. benè mercamur, ad quam subleuandam mirabiliter sumus cooptati. Tam commode habitatis, fauentes ac lati auditores discipulique suppetunt, augetur & piorum numerus ad nomen Domini in vero Ecclesiæ spiritu collaudandum. Igitur singularem Dei gratiam agnoscamus, quo duce inter impios leti conuiuiumus, pueros & senes instituimus, Ecclesiæ Sacramenta dispensamus, libros tali



emporio dignos conscribimus, Clerum ac populum de pietatis officio admonemus, ac demum hanc Vindelicorum Augustam Deo summo magis magisq; lucrificamus. Vestri Collegii Sacerdotes ac fratres, quorum chara est mihi memoria, optimè valeant cum patronis & amicis vniuersis. Tuam salutem cura diligenter, nullum ut locum tribuas tristi passillanimitati; meique memoriam tuis precibus interponere non graueris, oro. Friburgi Heluetiorū 20. April. 1597. In eandem ferè sententiam ad Collegij Augustani præsidem Georgium Schretelium. eod. anno pridie Cal. Octobres literas dedit.

Idem queritur in Epistola ad Theodoricum Canisium non toto mense ante mortem data. Pedes ergo, quarto ante supremum eius diem mense, suffusa intercute vnda, intumescere cœperunt, qui & sensim reliquum corpus in eandem labem traxere: stomachus auersionibus laborare

borare, & crebros ciere ructus, vti-  
 tiam fauces exulceraret. crebrius  
 tamen sedebat per diem, quam le-  
 cto decumbebat, quo maximè vre-  
 batur; nec morbi genus sine graui  
 labore lectum admittebat, quod in  
 hydropè non ignotum, quando hu-  
 moris copia iacentis cor petit, &  
 meatus pulmonum liberos inter-  
 cludit. Viserat ad illum paulò ante  
 Ioannes Comes Turrianus, Episco-  
 pus Viglianus, quî cum multa fami-  
 liariter tractarat: à cuius digressu  
 mox fatali ægritudine contactus, &  
 sacras ex ritu Ecclesiæ preces recita-  
 re prohibitus; quod vnum ægro re-  
 linquebatur, animum cælesti contem-  
 platione pascebat, seseque numinis  
 curæ totum permittebat, cum subin-  
 de dictitaret, magnas se D E O gra-  
 tias debere, quod extremos vitæ  
 dies more maiorum & Sanctorum  
 Patrum exemplo, non sine magno  
 corporis cruciatu transigeret: sin-

gulis mortaliū æterna lege præscriptum, quibus initiis vitam ordiantur, qua forte spatium ævi decurrant, quo denique lethi genere ad metam perueniant. Quadrimestre in hoc morborum conflictu jactatus, cum qui medicinam illi faceret, desideraretur (quod anno superiore Petrus Quintius disciplinæ medendi in paucis gnarus, & Canisij studiosissimus fatis concessisset) nihil, inquit, opus silicernio medicamentis; ad plures eo. Pridie ergo eius diei, qui S. Thomæ solennis est. Martino Lycio Collegij Moderatori animaduertenti Canisium collapsis viribus etiam linguæ usu ex destillationib<sup>9</sup> propè destitutum (quod egrè loquendo, vox ægrius à circumstantibus acciperetur) admonenti de animo ad extremam mortis luctam confirmando videri vltimū illi vitæ discriminē imminere; promptus annuit; imò vltro petiit; & postridie, qui Dominicus



nicus erat cælesti Synaxeos epulo  
 pastus iacuit supinus in rerum diui-  
 narum medicatione vsq; ad meridi-  
 em assiduè defix<sup>9</sup>. An cælesti aliquo  
 Virginis ac Matris Dei, (cuius laudes  
 ingenti volumine celebrârat ) viso  
 exhilaratus, incertum; oculis certè  
 in eam gratulantibus intentus, reni-  
 dente vultu, cœpit illam Angeli ver-  
 bis salutare, & coronam legere. Inter-  
 uenientem postea virum clarum  
 & Canisio familiarissimum Ioannē  
 Wildium hodie Prætorem, seu Du-  
 umvirum & secundum hunc, Seba-  
 stianum etiam Veronium propter  
 lectum assistentem, preces ad Deum  
 pro se viuo mortuoq; fundendas  
 poposcit, nec verbum amplius adie-  
 cit; sed ex libello precationū vsu diu-  
 turno prope attrito, vota ad Deum  
 vltima admodum attentus præse mi-  
 sit, inter quæ cum & manus fluerent,  
 & sensus omnis extingui videretur,  
 rogatus, an sacro oleo, quod supre-

mum depositis est præsidium, vellet  
 inungi? nutu affirmavit. Sodalib<sup>9</sup> er-  
 go in decumbentis cōclaue coactis,  
 lectumq; certatim ambientibus, in-  
 ter vota precesq; Patrum, duorumq;  
 è S. Francisci Sodalitate Cappucino-  
 rum, & Christophori Reiffij viri Se-  
 natorij, Antonij Montenachij Ar-  
 chigrammatei, è fesso victoq; labori-  
 bus ac morbis corpore, spiritum ve-  
 lut è vinculis expeditum auctori vi-  
 tæ, ante quartam pomeridianam cō-  
 mendavit, ipso die S. Thomæ anno  
 partæ salutis C I O. I O. X C V I I. cum  
 vixisset annos L X X V I. menses V I I.  
 dies X I I I. Postridie funus in ædicu-  
 la Collegij expositum, totam ferè  
 urbem ad spectaculum adduxit, quæ  
 velut communem gentis & singu-  
 larem ciuitatis patronum, ac paren-  
 tem deploravit.

Ad solem inde occasum, delatum  
 ex domestico sacello in principem  
 urbis ædem S. Nicolai, post funebrẽ  
 lau-

laudationem à Sebastiano Veronio  
 summi templi Præfecto frequentif-  
 sima concione dictam, octaua hora  
 sub atram noctem fidus illud Ger-  
 manix & illustre totius Societatis iu-  
 bar, tumulo ad summi altaris pri-  
 mum gradum, vbi Sacerdos litatu-  
 rus consistit, quando sacrum incho-  
 at, medio choro illatum, monu-  
 mento ad latus à Ioanne Wildio viro  
 illustri hodie Prætoris condito, &  
 hac Epigraphe à Veronio inscrip-  
 to, &c.

D. O. M.

VENERANDVS IN CHRISTO PATER  
 PETRVS CANISIVS THEOLOGVS

NOVIOMAGI NATVS  
 SOCIETATEM IESV

TERTIO A CONFIRMATIONE ILLIVS ANNO

INGRESSVS

AC SACERDOTIO INSIGNITVS



OB MAGNI SIMVL ET PLACIDI ANIMI  
PRÆSTANTIAM

A COLONIENSI ECCLESIA AD CAROLVM V. IMP.

AB OTHONE CARDINALI AVGVSTANO

AD S. CONCILIVM TRIDENT.

A CAROLO V. IMPERAT. VORMATIAM

CONTRA MELANCTHONEM HÆRETICVM:

A PIO IV. PON. MAX. AD PRINCIPES GERMANIÆ

IN FIDE CONFIRMANDOS

MISSVS.

POSTQVAM ROMÆ IN SICILIÆ ET GERMANIÆ

ACADEMIIS DOCVISSET

AD DIV. APVD FERDINANDVM IMP.

ET PASSIM SVMMA CVM LAVDE

VERBVM DEI PRÆDICASSET

PRIMVS PROVINCIALIS SOC. EIVSD. IN GERMANIA,

AB IPSO SOC. AVCTORE P. IGNATIO

DATVS FVISSET

SCRIPTISQVE FIDEM CATHOLICAM

EGREGIE ILLVSTRASSET

AVSPICIIS REVERENDI D. IOANNIS FRANCISCI

EPISCOPI VERCELLENSIS NVNCII APOSTOLICI

FRIEVRGV M SEXAGENARIVS VENIT,

COLLEGII SOCIETATIS FVNDAMENTA IECIT.

MVLTA PRÆCLARA DOCVMENTA DEDIT.

ET

ET QVASI QVIDAM FRIBVRGENSIVM PATRONVS,  
 ECCLESIE PER HELVETIAM PATRIARCHA  
 RELIGIONIS CATHOLICÆ SVI TEMPORIS COLUMNA,  
 TOTO CHRISTIANO ORBE NOTISSIMVS  
 FIDE PRVDENTIA INDEFESSO SCRIBENDI LABORE  
 ABSTINENTIA PERENNI GRAVITATE  
 ANIMI PV RITATE,  
 FLAGRANTISSIMO DEI AMORE  
 MVLTAQ SANCTITATE CLARISSIMVS  
 MIGRAVIT AD CHRISTVM  
 FESTO S. THOMÆ APOSTOLI.  
 CIO. 10. XCVII. ANNO ÆTATIS LXXVII.

Cæterum corpori humi condito  
 imminet candidum marmor, quod  
 germani fratres quatuor, viri nobiles  
 amoris & cultus aduersus Canisium  
 & Societatē argumentum cum hoc  
 Epithaphio fieri curarunt:

MONV-

## MONUMENTVM

VENERANDI PATRIS

NOSTRI

PETRI CANISII

SOC. IESV

THEOLOG. I.

NN. NIC. ROCH. GEORG. PET.

FRATRES A DIESBACH

POSS. M. D. XC. VII.

FORMA CORPORIS ET

FIGVRA.

CAPVT XI.

**Q**Vamuis in frōte libri ex descrip-  
ta imaginē formam Canisij ex-  
presserimus, iuuat tamen eandē hic  
calamo quasi suis depictam colorib⁹  
illustrare. Statura fuit ex mediocri  
magis ad procerā accedente, vultu  
semper ad modestam & religiosam  
gravi-



grauitatem composito, acie oculorum acri, & infinita lectione nunquã hebetata; quamuis læuus nota maculosus esset, fronte porrecta & oblonga, coma quam alebat, nigricãte, & canis etiam in vltima senectã admodum raris aspersa. Sermone vtebatur leni, lentoq; & benigno, vehementiamẽ & acri in delinquentes. Habitus gestusq; corporis optimẽ responderebat religiosæ & promissæ vestigi. Memoria vnico doctrinæ thesauro, vixit adeo felici & fideli, vt non facilẽ eam vel auctorum copia obrueret, vel rerum cognitarum lectarumque varietas confunderet. Cum primis menses ab aduentu Sebastiani Veronij victu rectoque vteretur, rogatus ab eodem locum è D. Basilio, quẽ Veronius meminerat, nec inuestigando reprẽdere poterat, illicò citra vllũ aliud memorię adnuncium indigetauit, libro simul & capite, quo de re quæsita agebatur,

ex-

expresso. Mirari possis & gratulari hanc illi felicitatem, cum inter tot negotiorum tam diuersorum causas illa non est labefactata, quando simul prouinciam Sociorum procurauit, simul pro suggestu populo legem Christi explicauit, simul tot & tam magna volumina cōdidit. Nempe munerum cælestium & diuinorū auctor DEVS, pro tanta sapientia, qua pecc<sup>9</sup> eius inundarat, etiam amplum pro tanto thesauro receptaculum assignauit, ex quo velut ex perenni fonte hauriret, quod diceret, scriberet, cogitaret, actitaret.

F I N I S

L I B R I S E C V N D I.

LIBER

## DE VITA R.P.

PETRI CANISII

LIBER TERTIVS.

CAPVT. I.

PIETAS, ET RELIGIO  
CANISII.

**V**Ti pleriq; veterum hero-  
um futurę vel fortitudinis  
vel claritatis in ipsa prope  
infantia, aut certę pueri-  
tia prodidẽre indicia; quemadmo-  
dum de Alexandro, Scipione, Han-  
nibale, Iulio, Augusto (ne de Her-  
cule, Achille, Cyro, quę fabulosa  
videri possunt, memorem) narrant  
scriptores; Ita viri sancti, in tenera  
iam tum ætate futurę olim sancti-  
monię & religionis argumenta præ-  
buere, è quibus sapientes coniecere  
poterant, ad quod vitę genus, quãq;

O

virtu-



virtutis, vel eruditionis, vel eloquentiæ laudem quisque esset aspiraturus. Ita ludicra S. Athanasij pueri verterunt in seria: Ita S. Edmundi Archiepiscopi, S. Vincentij, Bernardini, aliorumque initia pietatis, futuræ claritatis indicia cognouimus, cum ipsi adolescentuli puero-  
rum cætus cogerent, & velut iam tum Ecclesiastæ sedilia altiora tanquam suggestum conscenderent, ac de rebus diuinis ad eosdem verba facerent. Ita Canisius puer in ædibus paternis æqualibus suis è sede veluti pro concione viuendi præcepta dedit, quæ primus ipse studio-  
sè obseruauit. Nam & florem corporis illibatum DEO admodum iuuenis consecrauit, & in omnem vitam custodiuit, nè vel minima labæ impuritatis aspergeretur. *Ma-  
turus eram, inquit ipse, puer, cum in  
templo Nouiomagensi, quod B. Stephano  
Protomartyri sacrum est, aliquando pre-  
carer,*

carer, & tuam sacrosanctum corpus, Domine, prope summum altare supplex adorarem: obliuisci non possum gratia, quam tu puero tribuisti mihi. Nam anxie quidem & non sine lachrimis ut opinor, te inuocabam, & desiderium meum aperiebam praeuidens iam tum, nescio quomodo, & mundi vanitates, insaniasque falsas, & vitae salutisque meae per multa pericula, & obiectos undique laqueos venantium, ut hinc pauci effugere possint. Igitur ut periclitanti adesses, orabam, illudque dicere videbar: Vias tuas Domine demonstra mihi, & semitas tuas edoce me, quia tu es D E V S Saluator meus. Ac postea cum apud aureos Martyres Colonia degerem, sensi hoc votum in me saepius renouari, ut peterem anxius gratia tua duce certum mihique salutiferum vitae genus demonstrari. Credo certè hunc spiritum timoris, pieque sollicitudinis tu peperisti, tu conseruasti, Domine, ut aetas lubrica, & ultro lasciuiens timorem paedagogum atque custodem haberet, & ego ad vias

*prauas minus dilaberer. Configebas enim timore tuo carnes meas, ut à iudiciis tuis inciperem formidare. Atq; in hac ipsa etate sum expertus, quod haud sine angelo tuo custode meo factum arbitrò, ut rerum sacrarum imaginibus, ac templorum carimoniis subinde delectarer. Igitur sacrificantibus aliis, libenter inseruiebam. Imo sacerdotis personam mihi sumebam puer, & illius emulabar officium cantando, sacrificando, precando. Exprimebam, ut poteram, coram aequalibus ea munia, quæ sacris operantis sunt propria. Videantur hæc studia prorsus puerilia, sed in quibus aliquando tamen apparet futura mentis indoles & mirabilis prouidentia tuæ ratio à sapientibus cernitur atque comprobatur. Hæc ipse de se puero Canisius senex in libro confessionum, quem è Landspergensî domo, cui illum dedicauit, accepi. Anconæ cum Augustano Episcopo Romam petente, moratus, inter vota nouo lumine mentis illustratus in sui cognitione & contem-*

*tionē*



tione mirificè profecit, eamque cæ-  
 lestem gratiam ipse magnoperè præ-  
 dicauit. Reperio in chartis ipsius ma-  
 nu scriptis legē ab ipsomet sibi dictā,  
 vt ante sacrificium à studiorum quā-  
 uis cælestium & diuinorum (nam  
 profana multis annis ante extremū  
 diem nec attigissē quidem videtur)  
 occupatione abstineret; nec eadem  
 postea vltra vnam aut alteram ho-  
 ram continuaret: Quarta pomeridi-  
 ana penitus missa faceret, vt votis  
 & Deo totum reliquum diei no-  
 ctisque tempus, quod à quiete va-  
 cuum erat, impenderet. Septenas  
 certè quotidie horas, vt ante monui,  
 ad auctoris credo nostræ gentis, Ig-  
 natij exemplum, precando traduxit,  
 quibus non pro se tantum Deo sup-  
 plicabat, sed preces pro omni ferè  
 genere hominum ad Deum allega-  
 bat. Singillatim commēdabat Chri-  
 sto nominis Christiani antistites,  
 prouinciarum rectores, & quicunq;

in periculis & vltimo vitæ discrimi-  
 ne versabantur. Denique titulos  
 ac nomina causarum, quas apud De-  
 um sollicitus & sanctus orator age-  
 bat, legimus supra quinquaginta an-  
 notata. Inter vota & supplicatio-  
 nes, magnam vim lachrimarū pro-  
 fundebat. Circa anniuersarias san-  
 ctorum celebritates Friburgi ædem  
 Principē S. Nicolai petebat, vbi in sa-  
 crario D. Ioannis vespertinas laudes,  
 tanto cum sensu animi persoluebat,  
 vti pietate nonnunquam quasi sopi-  
 tis sensibus à Deo absorberetur, quē  
 ita nonnunquam deprehensum Se-  
 bastianus Veronius (à quo vnicè co-  
 lebatur) excitauit, quādo adeo diffi-  
 culter ad se rediit, ac si è graui soporis  
 veterno expergisceretur. Deniq; so-  
 lum illud tēpus rectē impensum pu-  
 tabat, quod precando transmisisset.  
 Reprehendebat socordiā nostram,  
 quod nutus diuinos ac cælestes in-  
 stinctus non obseruaremus, cum per  
 eos

eos à DEO assidue ad vitæ sanctioris  
 studium excitemur. Sanctorū lipsa-  
 na maximo sensu pietatis colebat.  
 Argentorati in æde summa per ieiu-  
 niorum solennia pro concione præ-  
 cepta salutis auditorib⁹ propinabat,  
 quæ multi avidis aurib⁹ bibebāt. Se-  
 cundū ferias Paschales cōciliū Cano-  
 nicorū haud spernendā abituro mu-  
 nera cū nō modico auri numero ob-  
 tulit, quæ ille, vti procul ab omni cu-  
 piditate pecuniæ aberat, ita procul  
 habuit, omninoq; repudiauit. Cūq;  
 demirati porro quærent, qd expe-  
 teret? nā vacuū abire se nullo modo  
 passuros. Tū ille ex sacris Diuorū ci-  
 nerib⁹ pign⁹ sibi gratissimū præopta-  
 uit. Duct⁹ in sacrariū iussus est, qdqd  
 placeret, seligere. Mox S. Polycarpi,  
 q. S. Ioānis sectator, nobilissimo Mar-  
 tyrij triūpho illustris erat, digitū tu-  
 lit, quē Monachij relictū, Augustanū  
 post Collegiū accepit. Interim Canisi-  
 us Friburgi cōsenuerat, & memor sui



Polycarpi, articulum de digito reposcebat. Visum Othoni Eisenreichio Prouincię præfecto, totum illi & Collegio Friburgensi, ad nouam illic ædē cohonestandam transmittere, tutelam vrbi & contubernio nostro præsidium. Quæ res mirificè Canisium affecit, quod ipse datis ad præsidem Collegij Augustani literis declarauit. Colonia dum apud virgines Capitolas (hoc à Capitolio cognomē habent) cōcionaretur, duo è Sodali-  
tate xi. millium capita dono accepta sibi Romam, indeq; in Siciliam transmitti curauit, quæ Messanæ cum ingenti totius ciuitatis concursu & festa celebritate in Societatis ædem illata sunt. Ita obseruatum est, à Sanctissimis quibusque viris, fæminisq; Ambrosio, Pulcheria, aliisque, Sanctorum exuuias magnopere quæsitas, repertas, cultasque. Erga candidatos quoque familiæ nostræ, qui Landspergæ Boiorum ad religiosæ  
vitæ

vitæ disciplinam instituuntur, suam Canisius pietatem & religionē ostendit, cum sub initium ineuntis cuiusq; anni Xenij loco salutaria quædam ad religiosam perfectionem præcepta ab vsque Friburgo ad eos transmissit. Ex quibus vnicum exempli causa subijciam, ex quo de reliquis iudicium fieri poterit. Cooptantur in Societatis nostræ contubernium nō adolescentes tantum mansuetiorib' literis exculi, sed viri quoque rerum vsu periti, & diuinis ac humanis sapientiæ disciplinis eruditi, qui sepè antè parœciarum curiones egerē, aut omnibus Academiæ honoribus sunt perfuncti, quos longè difficilius est à ciuili prudentia & astutia, ad religiosam simplicitatem traducere, vt prompti ad omnia maiorum imperia aduolent, nec curiosè in iussâ & imperata inquirent. His

CIC. 12.  
XXCIX.

ergo reliquisq; omnibus documenti loco summum Christi paruuli studi-

dium obsequendi & sapientissimam simplicitatē imitandam proposuit. Cum enim ex religionis Catholicæ capitibus illud minimè postremum sit, Christū quamvis infantem, & nondū etiam ex virginis utero editum, iam rationis potentem, & quā consilio, quā prudentia præpollentē sapientia mortaliū omnium intelligentiā longè superasse, nihilominus tamen se pro puero gessisse, & à parentib⁹ haberi tractariq; voluisse, feseq; totū ad ætatis decorum & captū infantia pueritiæq; efformasse, uti vitā sua priori omnibus religiosæ vitæ tironib⁹ norma viuēdi esset: quocandore animi, qua morū innocentia, viteq; simplicitate, & iudicii quātumvis sublimis, acris, & perspicacis dissimulatione maiorum imperiis obsequendum esset. Quod ipse imprimis Canisius non verbis tantū docuit, sed factis ipsis, non tiro, sed veteranus & natū grandiatque sexa-

ginta

*lib. 2. Cap.  
VI.*



ginta annis maior expressit, cū & hebdomatim suas ipse vices obiret, & ad modum tironum, nunc puluerem scopis abstergeret, nunc pavimentum verreret, nunc culinarias à patinis sordes ablueret, nunc alia pro more domus curaret, tam simplici habitu & gestu corporis, vti nihil in eo quæsitum, aut affectatum deprehendi posset, cum vi animi polleret ingenti, & maximis viris, de maximis rebus consilia rogantibus velut ex oraculo responsa ederet.

Rarum hoc etiam, quamuis non vnicum in Societate spectaculum, virum à principum, regum, Cæsarium auditorio, à pontificum legationibus, à Sociorū & Prouinciarū præfecturis ad puluerē se abijcere, vt primus inter postremos, & postremus inter primos ageret. Scribit ad me Ioan. Hæsius, quē supra nō semel testē certū laudauī, se ante annos admodū  
qua-

quadraginta accepisse à Seuerino bibliopecto id æui puero, Canisium adolescentem Coloniae. Musis operantem consueuisse in mensa defuncti caluam iuxtim collocare, vti semper aspectu cranij & de vitæ præsentis fine, & initio sequentis, ad quã mors duceret, admoneretur, haud ignarus eam cogitationẽ plurimum valere ad mentem à præsentibus auocandam, & ad cælestia æternaque conuertendam, quod sapientis dictum identidem reuocabat: *Memorare nouissima tua, & in æternum non peccabis.*

PAUPERVM ET PA-  
PERTATIS STV-  
DII.

CAPVT II.

**I**N copiosa, potenti, & consulari familia Canisius natus, infimæ tamẽ  
fortu-

fortunæ & sortis homunciones mi-  
 nime cōtemsit, aut neglexit, vt hodie  
 superba iuuentus, miseros tanquam  
 non homines rata, vix aspectu, ne-  
 dum affatu dignatur. Canisius adhuc  
 inter ephebos agens, Coloniae disci-  
 plinis liberalibus intentus, pecu-  
 nias à parentibus pro cultu cor-  
 poris liberaliter submissas, partim  
 ad subleuandam egentiorum ino-  
 piam, partim in libros expendit,  
 ipse modesto ornatu contentus, ani-  
 mū, neglecta cura corporis, studuit  
 virtutibus excolere. Tertium post &  
 vigesimum ingressus annum etiam  
 voto paupertatem signauit, Deoque  
 omne patrimonium suum & fortu-  
 nas transcripsit. Nam Iacobo Patre,  
 anno post virginis partum c i o. i o.  
 XLIII. mense vltimo ad superos pro-  
 fecto (sic enim Canisius à Deo certi-  
 or factus est) Neomagū vocatus, cum  
 sorore Wendelina de hæreditate cō-  
 uenit, vt illi vltro primas offerret in  
 bonis



bonis deligendis, ipse magnam partē  
 fortis suæ in cœtus religiosorum, aut  
 stipem rogantes liberalissimè tribu-  
 it, alteram nāui impositam, secumq;  
 Coloniam deportatam omnē in pi-  
 os vsus conuertit, sibi nihil omninò  
 retinuit, satis opulentum se ratus, si  
 animum supra opes haberet. Quod  
 nouerca Wendelina sorori cognomi-  
 nis, peregrè, vti supra explicatum est,  
 tulit, grauitèq; cum illo & nostro Fa-  
 bro ex postulauit. Sed soror de fra-  
 tre sollicita monuit, vt futuri proui-  
 dus, in vsus necessarios, & casus vlti-  
 mos, qui in vita variij possent & sole-  
 rent incidere, aliquid opis humanæ  
 conderet; addiditq; de suo se illi quo-  
 tannis triginta aureos adiecturam.  
 Grata fuit Canisio pietas sororis, sed  
 reiectis omnibus respondit: nihil si-  
 bi his op<sup>9</sup> esse; sua se ei credidisse, qui  
 possideret omnia, & qui cētuplo cō-  
 pensaret in præsentī, & deinceps vi-  
 tam præstaret sempiternam, proinde  
 se il-

se illius beneuolentiæ gratias meminisse; sibi abundè suppeditatū iri necessaria ab eo, cuius obsequio se mācipasset. Rediit in patriam biennio post, quā deinceps nō vidit amplius, nisi post duos & viginti annos, cum à Pio IV. missus est Legatus ad principes Imperij, quādo Guilielmū Sicambrorū regulū salutauit. Ibi verò cum Neomagi inter sorores & sororios, reliquosq; cognatos (quorū centū & viginti superstites, omnes proxima vel propinquitate vel affinitate Canisium contingebant) certaretur, qui Canisium prius domū suam ad lautas epulas deduceret, ipse tam officiosam litem suorum admodum eleganter & piè composuit, hortatus singulos, vt, qui sibi gratum vellent adornare conuiuium, symbolas conferrent, simulque omnes ad publicum vrbs valetudinariū deferrent, ibi per confessionem expiati prius ad cœlestis agni mensam accūberent, dein-

tus per Cineraryia de rebus diuinis, cum populo frequente egit; secundum Paschales ferias accepta missione, summaque auri non parua oblata, nihil omnino admisit. Polycarpi duntaxat digito, quem omnibus thesauris gratiorem habuit, accepto; cum omnium admiratione & abstinentiae commendatione, recessit. Nuncius pontificis vnico socio contentus, legationem ad principes, sine vlllo fastu aut comitatus ambitione obiit, auctoritatem à virtutis & eruditionis laude mutuatus, quam plerique in officiis aulicis, numero comitum & vrbanis elegantis ponunt. Nec diu nomen & munus retinuit.

Nam cognita Pij morte exemplo se dignitate abdicauit.



## CVSTODIA SVI.

## CAPVT III.

**P**Ræcipiunt scriptores, qui ascetica tractarunt, vt religiosi viri, qui se Deo probare student, in perpetuis quinque sensuum excubiis perseuerent, quod hostis per illos veluti animi claustra portasq; irrumpere soleat, & ingentem intus stragem virtutum edere. Qua in cura ita peruigilauit Canisius, vt etiam in publicis itineribus, cum Socij amœna camporū viridaria, elegantem florum varietatem, siluarum opacitates, baccarum vbertates demirarentur, & Canisium ad tam latum naturæ, veris & æstatis spectaculum inuitarent, ille tamen hanc oculis suis gratiā negaret, quod maioribus à Deo animi oblectamentis pasceretur, præ quibus omnib<sup>9</sup> illi mundi ornatus fordebat. Monebat suos, cauere accuratè sibi ab insidiatoris artibus, ne sensim subduceret

ret nobis, quod magno sudore collegissemus. solere eum per cuniculos perrepere ad mentē, ac primū oculos, & aures tentare, vt in varia spargantur, ac per illa cogitationes dissipentur. deingrassari vltterius, obiiicere varias oculis formas, varios aurib<sup>9</sup> rumores, fabulasq; ; mox gulę irritamenta, tum ventris ingluuię & alia sensuum blandimenta, quibus omnes paulatim neruos virtutis elidat, ac totum hominē crebris assultibus tentamētorū in exitium trahat. Canisius proinde pro suo vitę religiosę vsu, & rerum diuinarum cognitione, has dæmonis petitiones elusit, cautissimeq; declinauit, & aurium, oculorum, linguę, totiusq; corporis sensum ita in potestate continuit, vt adsuetos habenis frænisque peritus aurigator equos; flagris corpus iam senio & laboribus fractum nihilo secius multabat, molestaque cilicij tunica tremantes artus cruciabat,

ita vt vire extrema senectū à S. Bruno-  
 nis cœnobiarcha nouam emendica-  
 ret, quam cum veteri sua permuta-  
 ret. Cibi quoq; tam modici erat, vt  
 sæpe intra octiduum non plus gusta-  
 ret obsonij, quàm vnus aliquis vno  
 solet capere prandio, aut cæna. Nec  
 rarò à prandio pridiano ad prandiū  
 postriduanū, ieiunus perdurabat, ni-  
 hil neq; cibi, neq; potionis admittē-  
 do. Merū non attigit, sed aquam vino  
 potius, quàm vinum aquā tempera-  
 bat. Carne rarò & ea minutim ad  
 moreti formam concisa vescebatur.  
 iuris liquamen sorbillabat, olusculis  
 & *ἡρόφαγία*, seu aridis delectabatur.  
 Cum stomachus iam auersionibus  
 laboraret, sæpius à ministro cubiculi  
 fatigatus, vt significaret quo cibi de-  
 siderio teneretur, auiculam tandem  
 nominauit. Prodiit in forum œco-  
 nomus, nullaq; reperta tristis domū  
 rediit; cum ecce ad vesp̄eram aperta  
 fenestra cubiculi, auis quasi diuini-

tus



tus immiffa, ſe nullo negotio capient-  
dam, tantũ non vltro offert. Qua in  
cœnam appoſitã , & parua & vnica  
contentus , nihil præterea gulta-  
uit, ille tamẽ lautẽ ſe opipareq; eo veſpe-  
re epũlatum affirmabat. Inter men-  
ſam ad ſingulas buccellas tacitẽ vel  
Deum, vel Sanctum quempiam im-  
plorabat, ita mens prorfus alia, dum  
corpus cibo reficeretur , pertracta-  
bat, vt ſæpẽ acetum pro vino bibitu-  
rus arriperet. Cum ſolennes ieiunio-  
rum dies agitarentur , etiam in vlti-  
mo morbo , biduo ante mortem à  
conſuetudine reliquorum non re-  
ceſſiſſet, niſi imperio Rectoris allata  
guſtaſſet. A familiaribus & ciuibus  
ad ſolennes epulas inuitatus, nec à  
ſolenni ſuo deſiſtebat, nec niſi tem-  
peratiſſimẽ libabat potius dapes ,  
quam edebat. Nec tetricus tamen ac  
triftis, nec cõtra ſolutus in riſum lèti-  
tia geſtiebat , religioſæ modeſtiæ &  
grauitatis vbique ſtudioſiſſimus ob-

seruator. Nec aliàs vnquam de constantia vultus, & morum graui suauitate quicquam remisit.

## MIRACVLA CANISII VIVO, MORTVO PA- TRATA.

### CAPVT IV.

**S**emper ex illustri capite sanctitatis emicant radij operum diuinorum, quę modum naturę excedunt, indices ac testes animi innocentis, ac Deo, cęlitibusq; grati, quos & nostro Canisio. Numinis majestas viuo mortuoq; imposuit.

Primum de Canisio etiamnum puero per religiosam matronam siue Reineram, siue Reinhardam seu deniq; Reinoldam; variant enim nomina, inter se tamen valde affinia, viduam Arnheimensem (abest autē Arnhemium Nouiomago passuum milibus non amplius decem) nos docu-

it, qui vir esset futurus Canisius, cum vaticinaretur de Societate nostra ad Ecclesiæ in pristinum splendorem restituendæ salutē nascitura, in qua & Canisius esset suam operam locaturus: quo de prodigio ipse Canisius hæc ad Ioannē Busæum cognatum, & ipsum quoq; suis ingenij monumentis notum, perscripsit. *Benedictus Deus, cuius gratia mihi videre licuit, sanctam viduam Arnheimii, qua monente didici, de nouo Sacerdotum ordine ad reformationem Ecclesiæ instituendo, cui & ego adscribendus essem.*

Descripsit hanc viduam Ioannes Busæus literis ad me datis. *Erat, inquit, illa vidua cognata ipsius, & vt puto sanctimonialis, de cuius sanctitate meo tempore apud Nouiomagenses, qui tantum duobus milliaribus ab Arnheimensibus distant, opinio. Illam conuenerat P. Canisius, antequam Societatem nosset. Illustriora de eadem Reinolda siue Reinharda ex literis P. Io. Hasij inter*



Socios vti magnæ auctoritatis, ita certæ fidei accepit, qui ex sororis P. Canisij filia, illaq; ex matre didicit; Reinhardam assidue domum Iacobi Canisij, qui Petri parens erat, intervenisse, toti familiæ per familiarem, religiosissimam fuisse matronam, decem & octo annis nihil è macello, nihil è piscina in mensam intulisse; ad cælestem Christi mensam ter in hebdomade accubuisse. Quam ergo pia veraq; fæmina Reinharda, tam hoc non vanum de Canisio vaticinium fuit, cui virgo quoque Aduatica seu Brabantina, teste ipso Petro Canisio, suffragata est. *Fuit, inquit, & verè virgo pia & sapiens apud Brabantinos, quæ divino spiritu erudita commonefecit præter alia meam operam & scriptionem Ecclesie suo tempore, profuturam. Deum testor nihil à me fingi, sed veritatem ingenuè affirmari, hæc ipse Canisius: Nec minus est illustre, quod sequitur. Iacobus, Canisij pater, ingrauem morbum, ex quo*  
& de-

*An Reinharda fuit  
vidua,  
Reinharda virgo?  
& nomina  
confusa.*

& decessit, inciderat, & Canisium ex se natum ac Coloniae studiis immer- sum sæpius euocarat, vt extrema illi mandata eaderet, & saluere ac valere postremū iuberet. Accurrit Nouio- magum Canisius, vt ægro officia præ- staret, quæ poterant à filio desidera- ri. Sed Canisio conclaue Patris ingre- diente, pater è vita subito filij aspe- ctu præ gaudio exanimatus migrat. Nec id mirum videri cuiquam de- bet, cum ex veteri memoria pluribus idem vsu venisse cognoscamus. Sed Canisius morte Patris tā inexpectata vehementer perculsus, & multo ma- gis de salute illius quam vita sollici- tus, miris curarum fluctibus æstua- bat, quod verebatur, ne parum benè expiatus ad tribunal Christi reus si- steretur. Noctem illam in votis & la- crimis absumpsit, supplicesq; Deo preces strauit, vti pacem veniamque patri impertiretur. Audiit pios filij gemitus pro patre, pater misericor-

diarum Deus, & Canisio aperuit, non patrem tantum, sed matrem etiam (Ægidia illa erat, prima Iacobi vxor) quæ iam pridem decesserat, cælo receptam. Quo diuino responso exhilaratus, quantas potuit mortalis, immortalis Deo gratias egit, cū se nouo Dei beneficio obstrictum grata memoria recognouisset, quod ego ex Dilinganæ Academiæ Rectore Christophoro Grenzingo, ipse ex Theodorico Canisio, Canisij fratre accepit. Nihil enim placet nisi testatissimū in hac tota narratione collocare. Eterat Canisij pater rerum diuinarū studiosus, adeo, vt moriturus etiā vestes, quas habebat splēdidas, & veluti trabeas ad pedes promissas, in sacrum sacerdotum vsum verti iuberet, & suæ toparchiæ templis dedicari.

Franciscus Costerus à libris & religione notissimus, anno cio. ioc. ad conuentum Sociorum publicū inter alios Romā vocatus, in itinere exposuit,



fuit, Corneliū Wischouium ciuē Louanienſem, operā Caniſij, nō ſine diuino nutu, ad Societate noſtram adiunctū. Petrus Faber ille vnus ex Sociorū decuria, cum Franciſco Strada id tēporis cādidato Societatis, poſtea claro in paucis viro Louanium petebat, cui literas Caniſius ad Corneliū perferendas dedit, quib⁹ illum in hæc verba cōpellabat: *Corneli amice, habes hic virū optimū Petrū Fabrū, cuius religionē amplectere. Sic enim quā cupis, animi ſalutē conſequere.* Sed cum Franciſcus Strada porrectis Cornelio literis, extemplo reſceſſiſſet, lecta Cornelius Caniſij Epiſtola, requirebat tabellariū, nec vſquā reperto, ædem S. Dominici adit, vbi ſupplex ad ſanctā iconē B. Virginis: *Sancta, inquit, Optimi Maximi Deigenitrix, literas accepi, quib⁹ mihi mandatur, vt cum quodam de rebus ad ſalutem meam ſpectantibus agam, neſcio, vbi hominem offendam; index ergo eſto ſancta Domina, & querenti quos deſidero, oſtende.* Accipit cale-

cælestem vocem Cornelius, & secundum cœnobium iubetur dextrū viæ latus ingredi, tertiæque inde domus ad sinistram fores pulsare. Paruit ductrici Virgini Cornelius, & rectā ad Petri Fabri domicilium delatus, per Franciscum Sradam ad Fabrum deducitur, à quo officiosè exceptus, nostræq; vitæ rationes edoctus, mox domo Sociis addicta, ipse dominum in Societate nostra sequutus est. *hæc, inquit, est religio, quam longis votis desideravi, & latus tandem impetraui.* Absolvit Cornelius vitæ curriculum in Societate sanctè & religiosè, quod duobus viæ optimis Canisio & Fabro est ingressus. Sed pauci sunt Cornelij, qui Deum tam promptè & obsequenter sequuntur. Atque hæc ipsa ut certa credas, tabulas en ipsius Francisci Costeri præterito anno ad me

*missas? Accepi hesternodie, quas R. V. Costeri li. dederat 5. Idus Ianuarij, cum initio vitæ B. Mariæ P. Petri Canisij quod initium mihi val-*

*Francisci  
Costeri li.  
tera.*

hi valde probatur, estq; cōforme cum iis, quæ mihi à B. M. P. Cornelio Wischouio narrata fuerunt, eius condiscipulo apud D. Nicolaum Eschium, qui postea præfuit conuentui Beginarum Bostenii. Addebat bonus P. Cornelius ad se datas ab eo ex Germania (Moguntia, ni fallor) literas per P. Petrum Fabrum, quas ei Louanium adferebat Franciscus Strada tunc adolescens. Cūq; ei non esset ocium illas statim legendi propter vespertinum officium, ad quod in Ecclesiam S. Petri properabat, post reditum, ut eas aperuit, multa inuenit de nostra Societatis instituto, quæ ipsum ad illud non mediocriter permoueant: sed cum ab eo Franciscus Strada discessisset, ipseq; ignoraret, vbinam hi duo in ciuitate hospitium haberent, contulit se postridie in templum fratrum Predicatorum, ubi ad altare B. Virginis precatuſ B. Virginem pro auxilio inuenienda Domus illorū. Et tunc diuinitus ei suggestum est, ut portam internæ ciuitatis iuxta Monasterium S. Francisci egressus ad latus sinistram ianuam cuiusdam domus pulsaret, quod ut fecit, inuc-



inuenit ibi utrumq<sup>3</sup>. A P. Fabro de instituto Societatis nostræ instructus, deduxit ambos in domum suam iuxta Parochialem Ecclesiam B. Michaelis, quam Societati donauit, atque ex eo tempore Societas Louanium non deseruit, ad quam concionibus prædicti Francisci Strada necdum Sacerdotis, multorum magna accessio facta est. Hæc ab ipsomet P. Cornelio Wischouio audiui. Vbi typis fuerit excusus liber vite B. M. P. Petri Canisij, quæso eius fieri particeps. familiariter eo sum usus Colonia, ubi ipsum concionantem audiui in aede Metropolitana. Vale mi R. Pater. Bruxellæ Brabantia 24. Ianuarii An. 1613.

Cum vota pro instituendo Monacensi Collegio faceret, promisit illi Deus felicem eius Collegij successum, quod ipse Canisius litteris ad Socios datis confirmauit, quas supra cognouisti. Godefrido Tristio Wendelinæ sororis marito fatalem imminere diem absens cum diuinitus præsensisset, dedit ad illum literas, quibus illum  
acri-

acriter hortatus est, vti se ad vltimā  
 horā compararet; securim radici ad-  
 motam mox è vita extirpandæ: pro-  
 inde videret, vti mox ad tribunal  
 supremi dictatoris, à quo nulla sit  
 prouocatio, sistendus, quomodo  
 causam suam esset defensurus, rati-  
 onemque de omni ante acta vita  
 redditurus. Non nisi mensis ab  
 acceptis literis intercessit, cum Tri-  
 stius ad supremum iudicem est ci-  
 tatus. Nec tacendum, iter facien-  
 tem sæpius ex ipso mortis discri-  
 mine esse ereptum. Quamuis enim  
 pro Sociorum vsu viam nunquam  
 solus ingrederetur, nihilominus ex  
 interuallo nonnunquam sequutus,  
 & sui ac suorum, omniumq; præsen-  
 tium oblitus, soliusq; Dei memor, iu-  
 mēto vehens in auia abripiébatur, &  
 flumina ingressus, non nisi per igno-  
 tos subito comparentes euanescentesq;  
 quos cælites fuisse non ambigi-  
 mus, ex mediis periculis seruatus,  
 & in

& in viam reductus est. De quo illustre testimonium extat P. Francisci Roccæ, qui hodieq; Romæ viuit, & Canisij comes erat itineris illi<sup>9</sup>, quod expono. Anno cio. io. LXVII. nondū præfectura Prouinciæ defunctus Augusta Vindelicorum Oenipontem petebat Canisius, vt Collegij statum pro officio inspiceret, eademq; opera de regiarum virginum Imperatoris Ferdinandi filiarum parthenone moliendo consilium pōneret, qua regia corpora regum regi & Imperatori supremo, Christo desponsa æternum custodirentur. Itum per alpes, quā ædes sacra est religiosæ familiæ S. Benedicti nomini initiatæ, vbi ab admirandis in supplices beneficiis virgo Ethalensis religiosissimè colitur. Hæret monasterium in edito Penninarum alpium iugo, ad fontes Ambronis, à Boiorum principe & Romanorum Imperatore Ludouico olim à fundamentis excitatum.

Huc



Huc priusquàm Canisius cum Rocca perueniret, Ambronis alueus, nunquam aliàs tam altus, adeò cælestibus aquis intumuerat, vti non riparum tantum crepidines excederet, sed pontis etiam fastigio superflusus, omnia longè lateq; stagnantibus aquis inundaret, geminis duntaxat perticis ab vtroque pontis latere eminentibus, quæ septi loco è ponte vtrinque exurgebant, per quas Canisius procul spectatas transfundendum dicebat. Rocca animaduerso periculo non nihil cunctatus, monet Patrem de præsentis discrimine: sed Canisio (quod illac sæpius transmisisset, & omnia tuta crederet,) vt pergeret vrgente, Rocca Deo & imperantis religione fretus, cœptum iter prosequitur, iamq; iumentum cui infidebat, alio tenus mersum propè innatabat, pergat tamen Rocca & pontem ingreditur, quem medium, saxum ingens, sed latens

Q tege-

tegebat, ut ipso pondere moli aquarū obfisteret, ne vi fluminis prorsus conuelleretur; in hunc cum equus offenderet, supinatus in ultimum periculū vectorē coniecit; sed in primores tandē pedes placidè submissus, morti Roccā eripuit; qui sequēte Canisiū monuit, ut ad latus paullū flecteret. Ita vterq; incolumis, obstupesciente toto pago, qui feriatu ad spectaculum periclitātium concurrerat, Patrumq; temeritatem accusabat, quos tantum non in ipsam mortem incurrisse dicebant, quod ipsi, viarum gnari, nunquam traicere ausi essent. Ventum dein ad ipsum cœnobium, ubi Canisius ab Antistite cum singulari benevolentia significatione exceptus, ad quietem & moram dilabentium aquarum humanissimè inuitabatur: sed ille cum vix paullū respirasset, eodē die in maius discrimen properabat, & nisi Cœnobiarcha docuisset inuiā esse viā, vallem

lem sequi decem millia passuum porrectā, vadis adeo impeditā, vt ex agrestibus paullo ante equo præstanti vehens, frustra tentato transitū reuersus correxerit iter: Proinde moraretur saltē eam noctē, fore vt interim se stagnantes vndiq; lacus in alueum colligerent, & viam profecturis aperirent. Ægrè impetrauit, (quāuis tot momentis rationū adductis, à Canisio præfekt<sup>o</sup> Cœnobij, vt illa nocte conquiesceret. qui ne gratis cænaret, ad religiosum illic catū de rebus diuinis paræneticū ante cenā instituit, pro qua illis cælestē orationē propinauit. Postera luce cum Patres sacris operati, ducem itineris eum, ipsum qui pridie altitudinem aquarū explorarat, accepissent, & ex alta Cœnobij rupe in subiectam vallē descēderēt, uolebat Rocca Canisiū mediū inter se, & itineris ducē accipere, ab vtroq; si vsus esset, succolādū m. Sed Canisius præfidens iumēto quod



præstabat, illis vt porrò pergerent, præcepit, se agmen clausurum. Vallis vtrinque scopulis in cælum eminentibus cingebatur. Ambro flumen per ima decurrens adeo inflatum erat, vt iustus alueus à circumfuis aquis secerni non possêt, nihilq; supra, præter montes & cælum; infra præter late stagnantes aquas, apparet. Torrentes ex altis rupium cauernis cum ingenti strepitu vndique præcipitabant, semitamq; adeò obruerant, vt equi propè innarēt. Rocca pro Canisio sollicitus; identidem respectabat, an satis saluus esset. Processum est hac ratione per medias aquas millia passuum tria quatuorue: Cum de more versus Rocca, videt Canisium equo effusum, ac penè totum aquismersum, & quod deterimum erat, altero pede in subicepedaneo (quem stapedem hodie appellant) periculosè hærentem. Retinebat tamen altera manu habenas, altera

altera iugum ephippij complexus. Rocca Canisij periculo exanimatus, aduerso monte & flumine regredi ad expediendum Patrem non poterat, & à ductore monebatur, ne se commoueret, paruo momento per impetum aquarum cum ipso equo abripi euertiq̃e posse. Desperatis Rocca suppetijs, cælum votis implet, & Canisium conclamatum piæ Numinis prouidentia committit. Inter hæc spectat eminus virum statura procerum, pedibus antegressum, nec prius animaduersum; quē inclamans, totaq̃ manu vocans rogat, vti hærenti & pereunti Patri succursum eat. Adest vocatus & Canisium pedicis explicat, manuq̃e in subiectum monti campum extra vallem ducit; quem sequutus Rocca, & complexum, *Pater*, inquit, *non sic meam unquam, ut tuam hodie sortem dolui, cum auxilia porrigere non possem. Nunquam aliàs*; inquit Canisius, *tam*

*benè habui , paratusq; ad oppetendum fui. quid enim aliud optem , cupiamus , quam dissolui , & esse cum Christo ?* Liberatori dein Canisius ; *prandeas , inquit , nobiscum , ubi ad hospitem diuertemus , & gratum beneficio munus accipies.* Benè habet , inquit viator , & stratoris vicem functus Canisium in equum tollit , nec progredientem ante destituit , quam in sicco solo ( nam & campus exerrantibus innatabat vndis ) saluum exponeret , & diuersorium in conspectu haberet , cum repentè videri desuit. haud dubiè Diuus è cælitum classe , tutelæ Canisij destinatus , vt seruaret virum Christianæ Reip. lingua , calamo , exemploque vitæ amplius profuturum. Et verò cum habitu coloni viator apparuisset , & illud genus hominum minimè opulentum , nec mensas soleat recusare , nec honoraria reijcere , imò vltro repositere , certum est homine quid augustius



gustius fuissè , ex oculis repente sub-  
ductum. Hæc propè ad verbum ex  
Epistola Roccæ, ex Italico tralata , o-  
stendunt, quam cordi fuerit Canisius  
Deo, singularem ad eum seruandum  
cæliterni mittenti. In quam spem nos  
par est omnes ingredi , qui causam  
Dei & salutem hominum procuramus.  
Non reuocabo, quæ supra ex monu-  
mentis Augustanis copiosè demon-  
stravi , quomodo illustris matrona  
Sibylla Fuggera ex Comitum Eber-  
steiniorum gente orta, oblata Cani-  
sij specie per nocturnam quietem  
fuerit ab errore Lutheri liberata.  
Nec pulsum Oetingæ dæmonem  
reuocabo; de quo Martini Eisingrei-  
nij volumen legitur. Friburgi Seba-  
stianus Veronius, is quæ supra sæpius  
laudaui, hoc quoque beneficium si-  
bi à Canisio præstitum solet prædica-  
re. Cōtrouersia erat illi cum quibus-  
dam, nescio de quibus nominibus ac  
debitis, cuius finem nullum cernebat;

Iamq; res in eum locum erat deducta, vt omninò putaret renunciandū iis, quæ sibi iure debebantur, ne maiores inde rixarum causse existerent. Commendauit rem Canisio, qui recepit se eius patronum apud Deum futurum; causamq; intra diem obtinuit, vt postridie præter omnium spem & expectationem, olim appellati, Sebastiano duplum eius, quod petierat, vltro darent, offerrentque. Adeo nihil suis negat clientibus Deus, qui ab humanis auxiliis ad illius tribunal per supplicationes prouocant.

**IIX.** Accepi à Iacobo Kellero Collegij Monacensis hodie moderatore, & olim Friburgi politioris literaturæ Doctore (vbicum Canisio aliquot annis familiariter vixerat, multaq; cū dicta tū facta viri sancti obseruarat) fuisse Canisio librarium, qui dictata calamo excipiebat, in vulgus postea spargenda. Hunc cū vel scribendi labor

labor fatigasset, vel præproperum quietis desiderium cepisset, penso, quod Canisius præscripserat, abrupto, domum properauit. rogarat Canisius pauxillam moram, nec impetrarat: Vix pedem ille domo nostra extulerat, cum pœnas suæ peruicaciæ dedit. Ignotus enim nescio quis Mercurius in hunc Sosiam incurrit, colaphoq; tam atroci multauit, vt ignis ex oculis emicaret. Nec deprehendere obiurgatorem ictus, nec videre poterat, à quo tam male acceptus esset. Ita frons effrontis vel inuita erubuit, quæ venerandi Patris vultum noluit reuereri.

Sed vel maximè memorabile est illud, quod Guilielmus Crumenstollius vir domi suæ clarus & Senatorius, ipsaq; canitie & æuo (nam alterū & septuagesimum agit) venerabilis, in summi, vt par est, beneficii loco ponit, passimq; apud omnes celebrare non desistit. Is ex Altari pensu

Q

Cæno-



Cœnobio Friburgum equo rediens, haud procul vrbe, vnà cū equo in altum cœnū & lutum tanto casu prolabitur, vt iumentum sarcinati moles in pedem eius incūberet, vnde se nullo conatu, quāuis diu luctatus poterat explicare, & quod altæ iam essent tenebre, nemo iacenti sub tanto onere succurrebat, fatigabat ille cœlū precibus, surdū tamen, quoad menti succurrit adhuc in terris degēs Canisius. Ergo rursus ad Deum versus: *Supreme inquit, rerum ac mortalium arbiter Deus, per Canisium ego te nostrum, virum tibi tanta vitæ innocentia & sanctimonia operantem, seruientemque vltimis votis rogo, quæsoq; ex hoc me præfenti mortis eripe discrimine. Dictum factum, pedem nullo negotio herētibus in cloaca ocreis, calcarib⁹, & equo miris modis expedit; mox etiam iumentum sequitur trahentē, ipseq; fartus tectus domum reuertit. Quinto post die alteri⁹ negotij causa,*

sa, domum nostram Canisij consilium quæsiturus venit, periculum iam immemor, nec certus, vtrum ope Canisij ex illa nocte & morte eluctatus sit, cum ad eum Canisius: *Ecquid superioribus diebus tecum ad S. Antonium actum? Est quod erga Deum te gratum praestes: de me velim omnino taceas:* Tū verò alter, non sine confuso ore & quodam animi stupore, quod neminem praeter se conscium periculi fuisse sciret, & Canisium longè etiam distita diuinitus cognoscere videret; *Iam, inquit, intelliga, Pater, quo loco sis apud Deum. & cuius beneficio praesentem mortem euaserim. ipse qui tibi hoc significauit, antequam ego ingratus vllum verbum facerem, sempiternis te bonis auctet ditetque.* Tum demum in quanto discrimine fuerit versatus, ac tandem implorato per ipsius memoriã numine, salutem suã expediuerit, cœpit exponere. Certè radius hic mirificè Canisiũ nostrum illustrat, & illius cum Deo fami-

familiarē gratiam ostendit. Sed hæc & hisce plura de viuo.

Mortuum haud paullo pauciora commendarunt. Nam altero ab animi è corpore digressu die, vultus, qui macie ante mortem extrema confectus, in ossa recesserat, tam læta coloris purpura suffusus, spectatorem non solum non terrebat, sed ad contemplandum etiam atq; etiam inuitabat; cum defuncti os gratiorem haberet aspectum, quàm habuerat pallor uiuentis, *Facies*, inquit Veronius, *Canisii defuncti & lato colore elegans, & clara erat.* ex quo facile de vitæ antea actæ laude morumq; sanctitate existimari poterit, præsertim cum halans ex corpore spiritus, omni florum & aromatū odore gravior circūstantes afflaret; quæ res ita populum affecit, traxitq; vt à sacro Canisij pignore non potuerit auelli, quoad sepulturæ mandaretur. Vnde licet arbitrari, quæ fuerit in cælo triumphantis gloria, cuius cinis



cinis in terra, iam tum quandam spirabat immortalitatem.

Haud diu fuit post eius obitum, cum ex ordine Senatorio clarissimus vir Christophorus Reiffius Sociorum amantissimus, excussus equo, adeò læsit corpus, vti sex ipsos menses frustra vulnerarij manum expertus, nil nisi iam ferrum & ignem à chirurgo expectaret. Sed vxor Christophori; femina nobilis Barbara Messelonia, vicem mariti dolens, periculumque è sectione metuens ad notum Friburgensibus asylum, tumultum Canisij confugit, precibusq; malum omne à viro auertit; domum quippe ex æde reuersa maritum ignarum voti sui, habuit obuium inusitata gestientem lætitia, & mirificè sibi gratulantē de receptâ præter spem omnem sanitate, qua iam nunc etiam saluus sanusque ac gratus, memorque beneficio Canisij fruitur. Quod vti gestum est, ita publicis Magistrat-

gistratus tabulis firmatum quæ in chartophylacio Collegij custodiuntur, merito ad verbum, nullo mutato apice, adscribendæ.

*Sebastianus Vero S. T. D. Venerabilis Capituli S. Nicolai in Repub. Friburgensi Præpositus, & vacante sede Episcopali Lausannensi in eadem Diœcesi auctoritate Apostolica Vicarius Generalis. Certum facimus, cum Reuerendus in Christo Pater D. Petrus Canisius Societatis IESV Theologus (qui lucubratis operibus Catholica fidei multum adiumenti attulit, & vniuerso Christianismo notus) non tam viuendi ratione commendabilis, quam quibusdam supra humanum naturæ cursum dictis & factis admirabilis extiterit, & non sine certa quadam sanctitatis opinione ex hac vita discesserit: Cuius proinde memoria in benedictione est: Ut posteritati testimonium sit eorum, quæ in hac Vrbe Friburgensi, ubi vitam clausit, admirabilia & super naturalia circa ipsum contigerunt. Subscriptus Notarius iuratus, eiusdem vr-*  
bis

bi Secretarius , nostri dicti Vicarii consensu & permissione , præsentibus testibus infra nominatis, relationem scripto excepit, & in hanc , quæ sequitur , formulam redegit.

Wilhelmus Krumenstoll inter primarios Senatus, ætatis annum septuagesimum primum agens , Qui affirmavit , & per propriæ futuræ salutis spem sanctè testificatus est, dum circa biennium ante obitum eiusdem R. Patris Canisii, in celebre Monasterium Altæripæ unius horæ itinere ab urbe distans, R. do D. Abbati coloni cuiusdam sui negotium commendaturus, sese contulisset eques, & in reditu comitem à ponte Glanæ riui rectè domum in villam de Onens tendere iussisset, ipse verò solus circa brumale solstitium pergeret ad urbem & sacellum S. Antonii propè hospitalis fundum, iam obscura nocte & tenebris circumfusus , attigisset , equum quo vehebatur , non satis validum cœno immersum concidisse, & corruisse , ipsum verò crure ab equo harente,



hærente, diu luctatum, & frustra diuersa  
 conatum fuisse, quomodo sese inde extrica-  
 ret. Tandem postquam diuinum implorasset  
 auxilium, & patronorum suorum interces-  
 sionem (inter quos prænominatus R. Pater  
 Canisius etiam uiuus in honore ipsi habitus)  
 ut omnipotens ipsius Patris Canisii intuitu  
 & meritis, se inde expedire & liberare dig-  
 naretur, factum esse, ut ocreis cum calcari-  
 bus sub equo remanentibus, & luto immer-  
 sis, ipse pede liber euaderet, & illæsus equum  
 etiam extraheret, & reliquum itineris sine  
 impedimento conficeret. Post quinque dies ve-  
 rò adiens eundem R. Patrem alias ob causas,  
 cum nemini eorum, quæ ipsi contigerant,  
 mentionem fecisset, quod ad eiusdem Patris  
 notionem peruenisse potuisset, Patrem Cani-  
 sium ultro & per se quesuisse ab eodem D.  
 Krumestoll, quid ipse ante hos dies uespere  
 propè Capellam S. Antonii accidisset? Tum  
 ipsum quasi ingratitude conuictum, con-  
 festim pudore perfusum esse, & gratias eidem  
 R. Patri egisse, quod suis meritis periculum  
 euasisset. Ad quæ Pater illum bono animo  
 esse,

esse, & suprà narrata servare secreta iussit. Interfuere presentes huic relationi Dominus Pancratius Pythou, olim tercentenarius dux in Belgio, & Vlricus Burgkhnecht, hospitalis maioris D. Virginu scriba, uterque cuius Friburgensis, die Mercurij, quæ erat ultima Martij Anno à salutifero partu M. D. XCIX. sequenti die primo Aprilis eiusdem anni testibus expressè vocatis, Petro Perret Notario, & Ioachimo Schnell Organista veteri, etiam ciuibus ibidem, nobilis & honesta matrona Barbara Misselo, Domini Christophori Reiff Senatoris Friburgensis & Domini in Mides Vilarzel, & Messiere, uxor ætatis circiter quinquagesimum annum agens, sanctè affirmavit, & bona fide, dum eius maritus in vico, cui parvus paradisus est, equo in terram prolapsus, hoc casu ingentes dolores per sex menses perpessus esset, vt quandoq; integros dies decumberet, aliàs verò dum negotia curaret, difficulter respirare posset; & quidquid hoc dimidiati anni spacio tentasset, diuersis medicamentis nihil profecisset, & anxia esset, ne

R

pro-

propter offensas intrinsecas partes, ad alia extrema secationis remedia recurrendum esset, accidisse paucis diebus postquam R. P. Canisius sepulturae mandatus esset, ut ante ipsius fossam genibus prouoluta, Dei opem pro marito agro efflagitaret, meritis & intercessioni incolumitatem eius commendaret; postea domum ex templo reuersa, Maritus hilaris & gratulabundus statim eam colloquutam, omnes dolores sedatos, seq̃ integræ valetudini restitutū, amplius difficultates priores nequaquam sentiret. Ex quo ipsam certo cognouisse, & credere, siquidem Maritus ipso tempore imploratae opis boni Patris sine vlla apparente naturali caussa conualuisset, quod ope & suffragiis eiusdem R. Patris hoc tantum beneficium à Deo impetrasset. In quorum omnium fidem & robur nos predictus Vicarius, sigilli nostræ Preposituræ appositione, hæc precedentia fide digna testimonia iuxta Notarij Chirographū confirmauimus.

Antonius à Montenach.

Vidua



**V**Idua ingenuis orta natalibus o- XIII.  
 lim à marito, (qui cum non am-  
 plius sex menses vixerat) morte ca-  
 stimoniam Deo consecrauit, & vsa  
 Canisio à confessione, constanter  
 decem & octo annos seruarat, cum  
 defuncto Canisio ac veluti custode  
 castitatis remoto, à plurib<sup>9</sup> in matri-  
 moniū enixissimè peteretur, quam-  
 uis omnium votā petitionesq; forti-  
 ter reiecerit, coepit tamen ex ea re  
 mira cogitationū turba agitari qua-  
 tiq; , adeo vt nullum tanti mali exitū  
 reperiret, præsertim cum proci semp  
 instarēt, & Penelopes nouę cōstantiā  
 quotidianis sollicitationibus & op-  
 pugnarent, & vehementer etiam fati-  
 garent. Tandē illa inops cōsiliij, auxi-  
 lium à Canisij tumba postulauit, &  
 subito impetrauit, vt non solum am-  
 bientiū postulationes facillimè vin-  
 ceret, sed omni etiam animi vexatio-  
 neliberaretur. Eadem graui morbo

*Castimo-  
nia asilum  
Canisij.*

R. 2     impli-

propter offensas intrinsecas partes, ad alia extrema secationis remedia recurrendum esset, accidisse paucis diebus postquam R. P. Canisius sepulturae mandatus esset, ut ante ipsius fossam genibus prouoluta, Dei opem pro marito egro efflagitaret, meritis & intercessioni incolumitatem eius commendaret; postea domum ex templo reuersa, Maritus hilaris & gratulabundus statim eam colloquutam, omnes dolores sedatos, seque integræ valetudini restitutū, amplius difficultates priores nequaquam sentiret. Ex quo ipsam certo cognouisse, & credere, siquidem Maritus ipso tempore imploratae opis boni Patris sine ulla apparente naturali causa conualuisset, quod ope & suffragiis eiusdem R. Patris hoc tantum beneficium à Deo impetrasset. In quorum omnium fidem & robur nos predictus Vicarius, sigilli nostræ Preposituræ appositione, hæc precedentia fide digna testimonia iuxta Notarij Chirographū confirmauimus.

Antonius à Montenach.

Vidua

**V**Idua ingenuis orta natalibus o- XIII.  
 lim à marito, (qui cum non am-  
 plius sex menses vixerat) morte ca-  
 stimoniā Deo consecrauit, & vsa  
 Canisio à confessione, constanter  
 decem & octo annos seruarat, cum  
 defuncto Canisio ac veluti custode  
 castitatis remoto, à plurib<sup>9</sup> in matri-  
 moniū enixissimè peteretur, quam-  
 uis omnium vota petitionesq; forti-  
 ter reiecerit, cœpit tamen ex ea re  
 mira cogitationū turba agitari qua-  
 tiq; , adeo vt nullum tanti mali exitū  
 reperiret, præsertim cum proci semp  
 instarēt, & Penelopes nouę cōstantiā  
 quotidianis sollicitationibus & op-  
 pugnarent, & vehementer etiam fati-  
 garent. Tandē illa inops cōsiliij, auxi-  
 lium à Canisij tumba postulauit, &  
 subito impetrauit, vt non solum am-  
 bientiū postulationes facillimè vin-  
 ceret, sed omni etiam animi vexatio-  
 ne liberaretur. Eadem graui morbo

*Castimo-  
 nia a iulio  
 Canisio.*

R. 2      impli-



implicita, artibus medentium frustra tentatis ab animi & corporis sui medico præsentem opem impetrauit. Eidem in faucibus hæferat fragmen ossis, & diu solaque in ædibus cruciata, implorato familiari auxiliatore, os ex ore expuit, & assiduis patrem laudibus coluit. Alia etiam Epilepsiâ ad tumultum Canisij liberata est.

## XVIII.

*partu le-  
nata.*

*Rosarium  
Canisij  
medicum.*

Honestæ matronæ biduum parturientis, & iam de fœtu enitendo desperantis, corona B. V. Canisij ori & collo admotâ partum conclamatum, paullo post viuum explicauit.

Et hæc beneficia hodie Friburgi dicuntur propè quotidiana. Seruatur ad eum vsum Canisij Rosariolum pyxide clausum; & ad laborantes petitum transmittitur. Multum potest pietas credentium, quam sæpè spectat Deus, ne quid nobis fortasse plus æquo, arrogemus.

Ante bienniū c. 15. inquam 1563. XII.

sexto

sexto Idus Iunij ancillabatur puella nobilī matronæ Beremannæ viduæ, prætoriiis olim nuptiis claræ; hæc, grassante clamper urbem pestilitate, morbo contacta sensit ead. se lue, qua olim etiam laborarat, infectam. Ad capitis enim & pectoris dolores vlcerosa quoque vomica eruperat, certa pestilentia nota. Incerta vitæ neque negligens salutis rogat familiares ancillas vti sibi sacerdotem current accersiri, cui noxas aperiat, priusquam decedat. Neglexere tamen famulæ preces agræ, veritæ ne domus infamia mortis notaretur. Sed quæ decumbebat (cunctante curione, quod vocatus non esset) ne ante noctem in expiata vitâ pelleretur metuens, venit in memoriam Patris, qui ad D. Nicolai sepultus (cuius nomen ignorabat) dubiis temporibus soleret in auxiliū vocari. Huic commodè vouet preces ad tumulum ipsius, si efficeret, ne ante noctem absq̃;

peccatorum confessione exspiraret. vix conceperat votum, & pulsus omnibus corporis malis surgit è lecto, & quotidiana cum reliquis in familia opera exequitur, ludantibus domesticis quasi in valetudinem ex ignavia simulasset. Sed & ipsa quoque infelix oblita voti cœpit dubitare, an à Canisio esset curata. Enimvero exemplo in eandem relapsa morbū, nihil habuit prius quam ut ad Canisij conditorium properaret, votoq; se exsolueret. accurrit, precata est: & salua domum absterso etiam infami tubere rediit. Ita rem hanc Collegij Friburgensis præses Barptolemaeus VVeldensis publica Magistratus auctoritate signatam, ad me perscripsit.

## LVCVBRATIONES CANISII.



## CAPVT V.

**C**Anisius bene latinè doctus, Eloquentiæ puer magnam operam posuit, quæ postea res diuinas tractanti magno subsidio fuit. Vt enim corpus quamuis elegans & venustum, si tamen apto cultu amictuq; careat, dignitatem amittit; Ita disciplinæ grauiore, nisi cultu orationis & maiestate compositionis excolantur, multum de dignitatis auctoritate perdunt. Et quamuis Canisius pigmenta Rhetorû, & lenocinia verborum neglexerit, vsus tamen est non incòmodo barbaroue genere dicendi, (quale id ætatis passim per Theolgos grassabatur) sed còmodo, & reb<sup>9</sup>, quas tractabat, accommodato, vt in ipso neglectu curiosæ elegantiæ honest<sup>9</sup> quidam orationis habit<sup>9</sup> cultusq; appareret. In libris porrò còdendis scribendisq; tantum studiũ adhibuit, vt manum de tabula vix posset tollere, adeo nullum emendandi & recognoscendi finem

*Eloquentia ad omnem vitam & studium necessaria.*

*Diligentia Canisij*

faciebat, etiam tum, cum formis æneis subiecti libri sub prelis gembāt, fatigabat subinde operas aliis atque aliis verbis identidem subiectis, vti propè per vim scripta illi fuerint extorquenda, quod nunquam sibi satisfacere videretur, vt vsu venitiis, qui non vt populo placeant, condūt fabulas, sed vt orbem terrarum vel à prauis erroribus mentis expediāt, vel peruersos populi mores emendent, allaborant. Applicauerunt illum parentes Iuris prudentiæ; propebat Canisius ad sacrarum literarum cognitionem, quo illum diuinior mens trahebat. Vt patri tamen obtemperaret, & leges apertè perdiscebat & clam rerum celestium studiis vacabat, in quibus tantoperè profecit, vt facile equales omnes superaret. Statim enim à patris morte se sanctioribus Theologiæ disciplinis totum emancipauit. Et quia semper Musis Virginibus cum Venere

malè

malè conuenit, pudoris quoque flo-  
rem æterno voto consignauit, neq;  
lesit vnquam. Celeste quoq; Numen  
in purâ & sanctâ mentē pleno se flu-  
mine infudit, quod postea p̄ calamū  
& vocē in omnes p̄pe gētes effudit.  
Cōposuit enim volumina non pau-  
ca inter ingentes negotiorū moles.  
Primū omniū S. Cyrilli p̄tificis Ale-  
xandrini vigilias duobus volumini-  
bus distinctas ex Melchioris Nouesi-  
ani formis edidit, quas ego tamē non  
vidi. Sed ita narrant Acta Collegij  
nostri Coloniensis. Anno CIO. IO. XLV.  
*Canisius deinde reuersus Coloniam Theolo-  
gicis studiis se totum immerfit, formatusq;  
Baccalaureus, Cyrilli Alexandrini opera  
duobus tomis distincta ex officina Melchio-  
ris Nouesiani eleganti typo edidit, quorum  
alterum Archiepiscopo Sebastiano Mogun-  
tino; alterum Theologie studiosis condisci-  
pulis suis dedicauit. Hoc adieci, quod in syl-  
labo lucubrationum Canisii, Cyrillus fue-  
rit prateritus. S. quoque Leonis P̄tificis ope-*



*ra omnia*, emendauit in Vbijs. Deinde *viennæ Summam doctrinæ Christianæ*, siue *Catechismum*, breuem quidem illū, sed præclarissimum, & qui copiosæ bibliothecæ instar sit conscripsit: quem Petrus Busæus nostræ Societatis Theolog<sup>9</sup> pereruditus locupletauit, explicatis, & integrè ad verbū adductis sanctorū Patrum testimoniis, quæ Canisius extra ordinē versuum ad oram indicauerat, & in angustum coaceruauerat, quasi digitum in fontes intendens.

Scripsit etiam aduersus Magdeburgenses Centuriatores *Comentarium de verbis Dei corruptelis*.

Tomos II. quorum prior est

*De venerando Christi Domini præcurso-  
re Ioanne Baptista.* Posterior.

*De sanctissima Virgine Maria Deipara;*  
ingens atq; spissum opus in sex libros  
diuisum: in quo quidquid impij  
mētuntur, & ad deprauandas scrip-  
turas, & præcursoris, & Dei Matris  
glori-

gloriam obscurandam adferunt, luculenter, grauitèr, eruditeq; cōfutat. Scripsit Fastos Sanctorum ad modū Romanum, Adonis, Bedæ, & aliorū.

*Concionum Tomos II. seu Notas aureas in Euangelia Dominicarū, & Festorum per totum annū, senectū iam ætate.*

Et duos alios libellos aureos, *Exercitamenta Christianæ pietatis, & Manuale Catholicorū*: Et hæc quidem latina voce, nostrate verò Germ. scripsit, *Conciones in quatuor Dominicas aduentus, & in Natalem Domini.*

*Librum precatiorum.*

*Librum de confessione & communione.*

*Vitas SS. Fridolini, Mauritij, & Sociorū Thebæorum. D. Nicolai Eremitæ.*

Deniq; euulgauit & latinè.

*Selectas à se D. Hieronymi Epistolas.*

Parabat & volumen de Christo, & alterū de S. Petro, quemadmodū de Beata virgine, & Ioanne Baptista confecerat, sed conatus tantos vires destituere. Apponerē huc Alphonsi

Sal-

Salmeronis Epistolam ad Canisium olim datam, qua viri eruditio & virtus mirificè illustratur. Sed quia longior est, quam vthuc transferatur, & in Salmeronis operibus legitur, poterit lector illā inde, si volet, petere.

## ELOGIA IVDICIÆQUE VARIORVM DE CANISIO.

### CAPVT. VI.

**C**Anisio, nescio quo pacto contraferè morem sæculorum vsuuenit, vti viuis plurimum celebraretur, & mortuus amplius coleretur; præsertim vbi sacrū eius pignus corporis apud Heluetios cum summa veneratione custoditur. Virum admirabantur Pontifices, venerabātur Cæsares, Cardinales, Principesque officiosissimè complectebantur; antagonistæ formidabant, inferorum Principes refugiebant, tanta de viuētis virtute fama longè lateque differebatur. Ferdinandus Imperator tuendæ



endæ pietatis & Catholicæ doctrinæ per omne imperium Romanum defendendæ ac propagandæ studiosissimus, Canisium in edicto suo pro illius catechesi præposito appellat *honorabilem, religiosum, deuotum, sibi dilectum*. Albertus Boiorum princeps illud columen Germaniæ, secundum Deum, Canisio & Hoffæo religionē Catholicam, & salutem gentis suæ defensam & retentam in acceptis retulit, solitus de utroque dicere: *Petrus Apostolus, & Paulus doctor gentium, ipsi nos docuerunt legem tuam Domine*. Ex annalibus Academiae Ingolstadianæ, cui cum summa potestate præfuit, hoc factum de illo iudicium huc putavi transcribendum.

*Alberti  
Principis  
Boiorum  
iudicium  
de Canisio  
& Hoffæo.*

*Anno Domini MD. L. die XVIII. Octobris Rector CXLIX. Petrus Canisius Doctor, Theologus, & professor Societatis IESV Collega. De hoc Magnifico Domino Rectore nescio certe quid scribam. Nam si tantum eius ponam nomen, multo & præstantis-*

*Ex Academia Ingolstadiana Annalibus.*

stantissimis illius viri, & de Catholica Ecclesia optimè promeriti virtutibus fit iniuria: Si Encomiasticum instituam, luci intulero tenebras. Quid igitur faciam in eo, qui laudari neque à me, neque à disertissimo quoq; potest condignè? Remitto lectorem ad illius opera, & disertè, & eruditè, & Catholicè hætenus edita. Si quis meliora & maiora, quam ego possum, se prestare confidit, is viderit, quomodo de tanto heroe, tam pio viro, tam forti Ecclesie Catholica Athleta benè possit dicere. Ego unum dixero: Lumen est nostro tempore inter Doctores Ecclesie. Vivat sibi, vivat Ecclesie, & religioni Catholice.

Addamus & alterum ex eiusdem Academiae monumentis.

Sed ad propositum, & incomparabilem virum Petrum Canisium diuerto, cui tamen Encomiasticum minimè polliceor, sed id tantum prestiturum, ut eum ab oblivione apud posteros vindicem, & qualemcunq; inter Theologos possit habere locum. Dicam  
tamen

tamen quod sentio: vir est diuini propemodum ingenij, & eruditionis incomparabilis, Philosophus eximius, quod illi penè cum omnibus Patribus de Societate commune est; Theologus profundus, & lectionis insitatus, quod cum plurimis; sed quod illi nequò omnino cum multis, nequò omnino paucis est commune, Orator valde eloquens, Ecclesiastes pariter grauis, & iucundus.

Canisius  
Orator,  
Concionator,  
Philosophus,  
Theologus

Probauit & eruditionem suam & eloquentiam, & in dicendo prudentiam (namque eloquentia sine prudentia & eruditione est inanis garrulitas) sapius Illustrissimo Duci Bauariæ Alberto Quinto, cui iure & merito fuit gratissimus; tum etiam multis annis Ecclesiæ & vrbi Augustanæ, unde discedens tanquam sui amoris quoddam pignus reliquit Dominum Gregorium Roseffium. Deus Opt. Max. tantum virum, tam fortem Ecclesiæ suæ propugnatorem, tam bene de religione meritum, lumen denique Doctōrū Ecclesiasticorū amplissimū & clarissimū quā diutissimè seruet incolumē, Et post hāc vitā  
pro



*pro exantlatis eius in Ecclesiæ & religionis incolumitatem & incrementum laboribus, æternam ibi æternæ vitæ coronam benignè largiri dignetur.*

*Ex Patru  
Academi-  
corum, Et  
Academia  
spis in-  
dicio de  
Canisio.*

Hæc de viuo Canisio Annales Ingolstadt. Posuit eidem mortuo Academia Theologica hoc elogium.

*Petrus Canisius* Neomagenfis ex Geldria, S. Theologiæ D. primus è Germanis Societatis IESV Religiosus verè Germanus, ac deinde eidem Societati in Germania primus Prouincialis Præpositus, ab ipso B. Patre IGNATIO ob insignem animi moderationem, constantiam, prudentiam, à summis ad summa non rarò missus, vocatus, postulatus: à GVILIELMO IV. vtriusq; Bauariæ Duce ad hæc Academia, in qua professoris Theologi, Procancellarii & Rectoris munere functus; ab Othone Cardinali, Episcopo Augustano ad S. Conciliū Tridentinum à \* CAROLO V. Imperatore in Causa Religionis Wormatiam

\* *Ferdi-  
mando.*

matiam; ab Imperatore Ferdinando Augustam, atq; ad Episcopatum Viennensem, quem recusavit. à Pio IV. Pont. Max. ad fidem in Germania ac Polonia propugnandam, propagandam, &c. Dum & sacris concionibus, etiam apud Imperatores & Duces assiduè habitis, & variis libris pro fide, pro pietate editis, rem Catholicam mirificè iuissèt, promouissèt, & perpetuam vitæ innocentiam, & summam in omni virtute præstantiam, admirabilem sanctitatis opinionem consecutus esset, tandem Friburgi Helvetiorum sanctam animam Deo reddidit die festo S. Thomæ Apostoli. Anno CIO. IO. XCVII. Vixit annos LXXVI. Menses VII. dies XIII.

Guilielmus Eifengreinius in Catalogo testium veritatis. *Petrus Canisius, sacre pagine Doctor, Societatis IESV, vir cum eloquentia, tum multarum rerum peritia & mirabili ingenii flumine præstantissimus.*

*tissimus, philosophus clarus, Orator facundus, Theologus sacrarum legum exercitatus, Catechismum Christianum perfecit. Sacra quatuor Euangelia, & Epistolas Pauli commentariis illustravit doctissimis, Martyrologium siue de Sanctis Ecclesiae scripsit.*

*Cornelij  
Loos.*

Iuuat & Cornelij Loos Callidij tabulas adducere ex libro de illustribus Germaniae scriptoribus.

*Petrus Canisius Nouiomagi Geldriae Belgij prouinciae principe oppido, ex honesta familia Patre consule progenitus. Quum rei literariae felicem operam nauasset, utraque lingua et s; quo maiore commoditate sacris studiis posset incumbere (ut de eo quidam scribit) ordinem Societatis ingressus est. Qui sacra professionis sublimi purpura donatus, Ingolstadij Dilingae, & in alijs Gymnasijs, & Germania locis diuinas literas professione praelegit; simul alia pietatis officia strenue exequens. Quumque praeter eruditionem*  
insti-



*in signi facundia præmineret , Augustæ Vindellicorum Ecclesiastes quondam ab Othone Cardinale Augustano constituitur. Quam functionem cum magno Catholicæ religionis zelo exequeretur , ut ipsum aduersus profanas hæreseon nouitates assereret , & comprobaret , nominis celebritate passim omnibus innotuit , adeo ut sui ordinis columen facile haberetur.*

Nec Ioannes Cochlæus tacuit Canisium Epistola ad Hieronymum Verallum Archiepiscopum Rossanensem , postea Cardinalem , & Nuntium Apostolicum ad S. C. M. Eystadio (anno CIO. IO. XLV. Wormatiam reor ) missa , qua primos nostræ familiæ Patres vocat integerrimos , doctissimosque viros , piissimos in Societate nominis I E S V Christi fratres , M. Nicolaum Bobadillam Hispanum , & M. Claudium Iaium Allobrogem , ac M. Petrum Canisium

*Sicambrum, qui, inquit, cum Reuerendissima Dominatione tua familiarissimè conuersantur, ac Deo & proximo omni pietatis & charitatis officio famulantur.*

*Baronij  
Annals  
primo.*

Illustre quoq; de Canisio iudicium est Baronij Cardinalis. *Interim, inquit, his fruiere, quæ venerandus P. Canisius, cuius laus est in Euangelio per omnes Ecclesias, non minus piè quàm ornatè atque eruditè suo more scripsit. Eiusdem leges de Canisio elogium A. xxxi. Licet ad illos imperitiæ, dementiæ, ac vt vno verbo dicam, nequitie redarguendos summo iure non defuerit vigilans studium eruditissimi ac maximè pii viri Petri Canisii, ad quem, qui tanta cupit, amandamus.*

*Bonhomij  
Episcopi  
Vercellen-  
sis.*

Quid de Ioanne Francisco Bonhomio antistite Vercellensi dicam, qui Canisium Senatui populoq; Friburgensi primùm sistens: *En, inquit, habetis virum non secus ac pignus quoddam sacrum, singulari venerationis cultu prosequendum, custodiendumq; adeò religiosè de Canisio minimè malus pietatis arbiter sensit.* Riba-

Ribadencira in syllabo scriptorū <sup>Ribaden-  
nesra.</sup>  
Societatis hæc de Canisio tradit: Pe-

trus Canisius natione Belga, patria Nouio-  
magensis, à puero se dedit studio pietatis.  
Cum nata nondum esset Societas, femina  
quædam opinione sanctitatis vulgò nobilis,  
matrem eius admonuit, ut magna Petrum  
cura educaret, quod breui Religio quædam  
Clericorum instituenda foret, quæ eximias  
Dei Ecclesiæ utilitates esset allatura, in quam  
Religionem filius eius adscriptus vir appri-  
mè insignis haberetur. Vaticinium seu præ-  
sensionem femina rei probauit euentus. Nam  
paulò post Societas instituta est, in eamq; Pe-  
trus anno salutis CIO. IO. XLIII. P. Petri  
Fabri opera primus omnium Transalpino-  
rum cooptatus, illam exemplo, doctrina,  
præstantis ingenii monumentis recens na-  
tam mirum in modum illustrauit. Germa-  
niam superiorem Præpositus Prouincialis re-  
xit, concionibus auxit, Hæreticos disputa-  
tionibus repressit, Catholicos confirmavit.  
Ex quo hæretici Canisium C A N E M  
A V S T R I A C V M per ignominiam, ap-



pellabant, quod in Austria plurimum versaretur: Sed haud canem mutum, aut non valentem latrare, sed qui latratu ac morsu lupos passim grassantes ab ouili Christi arceret. Episcopatum Viennensem à Ferdinando Romanorum Rege, sibi oblatum constanter repudiavit. Rursum: Porro de Canisii candore animi, puritate, humilitate, deuotione, orandi studio perfecta omnium humanorum affectuum mortificatione, ardore fidei, animarum Zelo, indefesso labore, & perpetua contentione, qua religionem Catholicā semper tueri, ornare, amplificare nō destitit, ceterisq; eius ornamētis virtutū, multa posset dici, quæ iustum volumen desiderant.

RVBERTI MYRÆI IVDICI-  
VM DE CANISIO, ET EN-  
comium.

**A**Bsoluam hoc caput vbi nouas Myræi tabulas pro honore Canisii explicaro. Sic enim ille in Elogiis Belgij scriptorum: *Vt magnum illud Ecclesiæ lumen Augustinus olim in Affri-*

ca Manichæos, Donatistas, & Pelagianos;  
 sic nostra ætate Lutheranos, Calvinistas, &  
 Anabaptistas in Germania strenuè Canisi-  
 us oppugnavit. Is Neomagi, quod vetustū ac  
 celebre Sagamborū, (Ducatus hodie Gel-  
 drici oppidū est, ad Vahalim fluvium) Patre  
 consulari natus anno CIO. IO. XXI V. (errat  
 in añis Myræus) adolescens ob varias in-  
 genii dotes, Mogūtix celebris fuit. Eo tū for-  
 tē Colonia Agrippina Petrus Faber Allobrox  
 unus ex decē primis Ignatii Loiola sociis ve-  
 niens, Petrum morum innocentia & doctri-  
 na singulari sibi charū in Societatē IESV ado-  
 ptavit. Post in Italiā missus, Primus sociorū  
 Rhetoricā in Sicilia docuit; Ciceronē quotan-  
 nis assiduè legēs: Vnde eā sibi eloquentiā gra-  
 ui Theologo dignā comparavit, ut seculi sui  
 Hieronymus audiret. Inde euocatus ab Ig-  
 natio mittitur ad Guilielmum Bavariæ  
 Ducem, Ingolstadii scholasticam quam  
 vocant, Theologiam professurus, Al-  
 phonso Salmerone & Claudio Iaio collegis.  
 Sed & alias Germaniæ Academiæ, in eis Vi-  
 ennensem Austriorū, Pragensē Bohemorū,

CIO. IO. XXI

natus est

non XXIV

Canisius  
seculi sui  
Hierony-  
mus.

*Dilinganam Sueuorum, Coloniensem Vbiorum, Friburgensem Heluetiorum docendo illustrauit. Concionibus autem (nam & Germanica lingua disertus erat) in aulu Ferdinandi & Maximiliani Imp. Guilielmi & Alberti Bauariae Ducum, Othonis Truchsessii Cardinalis Augustani, aliorumq; principum valuit. Ferdinando Casari in primis charus erat acceptusq;, cuius etiam auctoritate ac iussu Catechismum verè aureum bono publico conscripsit: quem ciuis eius ac propinquus Petrus Busaeus Societatis eiusdem Theologus, citatis è SS. Patribus integrè locis, mirificè illustrauit. Eiusdem quoq; Imperatoris auspiciis Praga primus Collegii Societatis fundamenta posuit, quo Hussitarum, & Wiclesitarum haereses infringerentur. Et mox Ignatius Germania Prouincialè praefectum instituit. Cumq; ea serè tempestate Ministri Magdeburgenses sumtibus protestantium in Germania Principum, Centurias hoc est, mendaciorum plaustra euulgassent, primus serè Canisius pro Deipara uirgine & Christi Domini praecursore pugna-*  
*uit,*



uit; edito ingenti de corruptelis verbi Dei volumine, quo petulanter atq; impiè Divis insultantium hereticorum calumnias dissipavit. Annis iam plurimis docendi concionandiq; munere consumtis, quæ cogitata primum, recteq; observata de SS. Apostolorum dictis factisq; contra sectarios in adversaria retulisset, quæq; in Evangelia annitius legendo pieq; meditando notasset, literarum monumentis disertè consignavit; vocavitq; NOTAS ET MEDITATIONES EVANGELIORVM, festorumq; annidierum. Eis sanè perutiles qui de superiore loco cum spiritu fructuq; de verbo Dei disse-rere, ad populumq; verba facere in tanta Homiliarum copia student. Apud Helvetios ad extremam vsq; ætatem degens, adeo carus fuit, ut eripi sibi innocentissimum virum minime paterentur. Naturæ concessit non sine opinione sanctitatis Friburgi in Helvetiis, CIO. ID. XCVII. senex quidem & ætate defecta, qui tamen propter excellentem doctrinam ac virtutem videbatur omnino mori non debuisse. Hæc Myræus

quasi panegyrica Canisio condens,  
tetrastico conclusit:

*Quis fidei expediet mysteria ! Petrus opella*


*Exigua fidei grande recludet opus.*

*Petrus, quem coluit felix Germania Patrem*

*Quem stupuere olim curia, templa, schola.*

Sed literæ & eruditio & præcepta  
viuendi libris tradita tum demum  
profunt auctori, nec minus lectori,  
cum rationes vitæ à doctrina non dis-  
sentiunt, quod vt faceret Canisius,  
omni ope contendit, vti tribus sane  
libris iam ostensum est.

Iam aduersariorum opinio de vir-  
tute & eruditione Canisij non minor  
erat apud plerosq; omnes, quam no-  
strates, quos supra ad testimonium  
citaui, cum ostendi illum vel aucto-  
rem Societatis vniuersæ existima-  
tum, vel certè eiusdem in-  
stauratorem.



DE VITA ET  
MORTE R. P. THEODO-  
RICANISII, QVIFVIT PE-  
TRI EX PATRE FRATER.

*IDEM AUCTOR.*



Antifæ loco complectar  
paucis, quę partim ex ip-  
so Theodorico cognoui,  
partim ex familiaribus  
eius accepi. Nec enim  
meo quidem animo multum Petro  
in religionis studio concessit, quam-  
uis virtutem omnibus modis tegere  
solitus sit, cum esse, quàm haberi san-  
ctus mallet.

Natus & hic, vti Petrus Neomagi Si-  
cambrorũ, eodẽ Patre, diuersa matre



anno post Christum Natum sesqui  
 millesimo altero super tricesimum,  
 disciplinis elegantioribus, philoso-  
 phicis, & Theologicis adeo celeriter  
 excultus, ut altero & vicesimo huma-  
 nam & diuinam sapientiam profes-  
 sus publicè, supremis Academiarū  
 honoribus ornatus sit. Moribus erat  
 tam honestis & pudicis, ut florem æ-  
 tatis nulla vnquam labe sordēue cu-  
 pidinis aspersisse putetur. Vbi verò  
 cœpit cogitare, quod genus vitæ se-  
 queretur, ingentibus curarum æsti-  
 bus iactatus, nullam animo quietis  
 partem capiebat, quoad decreuit su-  
 um inter Socios nomen se professu-  
 rum; extemploq; ut ipse mihi coram  
 factus est, cogitationum fluctus sede-  
 re, omnesq; turbinum ac turbarum  
 procellæ posuere, uti tanquam in se-  
 reno tranquilloq; mari, portum sibi  
 secundis ventis subisse videretur. Cū  
 deinde Petro Canisio fratri, Sociis  
 præfecto votū coram exposuisset, pe-  
 tissetq;

tissetq; , vt illud ratū sanctūq; vellet,  
 & se in Societatis familiā cooptaret,  
 Petrus eius constantiā (non minus ac  
 B. Stanislai Koskæ ) haud paucis ex-  
 perimētis explorauit, iussitq; longo  
 itinere Romā petere, & ab ipso Igna-  
 tio impetrare, quod à se efflagitasset.  
 Properauit ergò Romā Theodoricus  
 anno Christi 1610. LIV. cum alterum  
 & vicesimum ageret ipse, atq; ab ip-  
 so B. P. Ignatio gentis nostræ condi-  
 tore in familiam Societatis adscitus  
 est, adeoq; post aliquot menses, in ip-  
 sius contubernium admissus, vt ipsi  
 Socius à cubiculo esset, quo post bi-  
 ennium ad cælitum Societate euo-  
 cato, Theodoricus in Germaniam  
 missus, tribus Collegiis cum Reſtoris  
 auctoritate præfuit annis omnino  
 triginta; Monacensi aliquot, Dilin-  
 gano ipsos viginti, reliquos Ingolsta-  
 diano, quæ tria nobilissima sunt &  
 frequentissima Prouinciæ nostræ do-  
 micilia. Eo demùm onere leuatus,  
 Lucer-

Lucernam Helueticorum missus (mirificè enim illam gentē propter singulare studium pietatis cōplectebatur) operā suam tum Sociis domi, tū exteris in templo vtilē locauit. Sed cū Ingolstadij, vbi domestica potissimū eaq; frequens Societatis iuuētus ad maiores disciplinas eruditur, Rector desideraretur, quod is magno rerū esset vsu; & auctoritate ob virtutis & sapientiæ existimationem plurimum polleret, denuò ad gubernacula Academici Collegij Lucerna Ingolstadium, natus tertium & sexagesimum annum euocatus est. Enimverò cum tanta ætas tot laboribus victa, moli negotiorū succumberet, Medentium cōsilio curis grauiorib<sup>9</sup> exoneratus rediit Lucernam, anno Christi c 10. 10. xcvi. quo Petrus Friburgi decessit, cuius mors cum Lucernæ inter mensam cum virtutū eius encomio nuntiaretur, Theodoricus illico neruorū stupore obriguit  
apo-



apoplexia tactus. qui casus adeo Patrem afflixit, ut omnem illi memoriã literarũ, adeoq; nominis sui, ut olim Messale, & Alberto M. aliisq; eriperet, linguãq; vsum penitus tolleret, nisi quod duo salutis nomina I E S V M & M A R I A M expeditè semper pronuntiaret, sat doctus sibi & cælo. sed hoc singulare & memorabile est, cum vsu linguæ & memoria careret, neutra tamen destitutus videbatur, quod quamuis ipse neq; legere posset, neq; ab aliis lecta pronunciare, legentes tamen intelligeret; ita ut ab aliis pronuntiata vel affirmaret, si vera nosset; aut abnueret, si falsa crederet. Poterat & verba formare, sed non ea, quæ maximè vellet, aliis atq; aliis linguam subeuntibus, præsertim cum sua certis locis ac personis nomina edere conaretur. Hoc inusitatum morbi genus illi Petrus Canisius, cum ad eum reuifendum Theodoricus Friburgum venisset, per  
ambas

ambages quasdam denunciarat; *Theodorice*, inquit, *mortis meæ nuntius vide quid tibi allaturus sit*. Exposuit hoc postea Theodoricus familiari, antequam vlla in aletudine tentaretur. Amplius inde septennio, malo hoc immedicabili laboravit, & nonnunquam in vltima iam vitæ linea stare videbatur, præsertim cum ex Helvetia Augustam deportatus esset. Inunctus tamen oleo sacro, & sensum & vocem quoquo modo recuperavit, circumstantiq; Patrum coronæ, ut abirent, imperavit; obeundi tempus nondum adesse. Simulq; petita Virginis Dei genitricis imagine lecticæ obuertenda, dulce cum Dei parente colloquium instituit. Saluti tunc creditur fuisse B.P.N. Ignatij pileus ægrotanti impositus. Hoc molestissimum patientissimo videri poterat, quod intra tot annos velut in Solitudine positus, cum nullo communicare animi sensa posset (quod maximum

*Ignatij pileus in Augustano Collegio servatur.*

ximum solet ægris adferre solatium, cum per sermonis communicationē dolorum suorum quasi partem aliquam in aliorum humeros exonerant, quos sua causa dolere animadvertunt) conscientiam tamen ita aperiebat semper, ut nihil desiderare posset, qui illum audiebat, ipseque si quid à se offensum putaret, vel patrē quæreretur, vel si æger non posset, accersiri iuberet. Pari modo cum superiore seriò acturus, verbis utcunque dixit instructus. Cum verò & ab exteris, ijsq; principibus viris subinde conueniretur, suam infantiam causatus, ipso deinde silentio & religiosa corporis compositione satis abundè locutus censebatur. Verum quantacumq; in eo fuerit ad loquendum cōfusa verborum dictio, gemina tamen illa nomina IESVS & MARIA, seu sacre militiæ tesseram tam pertinaciter retinuit, ediditq; quoties voluit, ut reliquorum verborum iacturam

T      facili-



facilius ferret: cordi proculdubio ista  
insculpta hærebant: valenti namq;  
& ægrotanti, sedenti & stanti in ore  
sine errore versabantur. Maximè  
verò molestai illi fuit à sacrificiorum  
liturgiis & horarum Canonicarum  
recitatione cessatio. qua de re seriò  
cum suo Socio egit; cogitaret (si  
qua ratio esset) velle se de integro  
literas, & earum elementa discere,  
cum frustra se velle animaduertit,  
grandiusculo caractere inscribi vo-  
luit libello suo precario dicta gemi-  
na atque maximè salutaria nomina  
I E S V S M A R I A, quæ vti sola  
affari sine discrimine, ita legere sine  
errore potuit. Quamuis autem  
alia legere ipse nesciret, promptissi-  
mas tamen legentibus aures præbu-  
it, & facile assecutus est; seque in-  
terdum & lectorem salubriter ad-  
hortabatur, vsque dum ultimo bien-  
nio Ingolstadij (nam eo Augusta  
commigrarat) prælegentem ampli-

us non caperet. Circares diuinas, quas nunquam non reuerenter etiam æger habuit, tantum quidem fuit illius studium, vt sacram Eucharistiam suscepturus noctem maiore sollicitudine, quàm fractæ ferrent vires, non sine periculo grauioris mali, traduceret. Frequentes eius erant querelæ, nulla quod in re vsui nobis esse posset, & tamen nihilominus tam benignè haberetur. Nec suus gestui omni ereptus ad pietatē erat vsus: nam ea manus, quæ in aliis officiis, & corporis ministerio ferè deerrauit, in cruce formanda admodum erat docta, & verò etiam salutaris. Fuit siquidem, qui tum aliàs sæpè & amanter ad patrem viseret, tum etiam cum se grauioris valetudinis tentari sensit initiis, certus de valetudine, si Patris Canisij se dextræ subiecisset, qua ille à se abeuntes piâ quadam consuetudine in crucem formandam exercita pro-

sequebatur. Hæc illi per septennium  
& amplius vita fuit, quam optimus  
quisq; veluti dūram sortem misera-  
tus, ille patientia superavit. Sæpè co-  
gitantem subiit mirari, quæ tandem  
causa diuturni mali Theodorico fu-  
isse potuerit? tandem venit in men-  
tem hanc illi à Petro pro piacularib?  
flammis expiaticem leuium culpa-  
rum, quibus pleriq; omnes obnoxij  
sumus, molestiam impetratam, vt  
hîc per diuturnam patientiã ibi ple-  
nam consequeretur indulgentiam,  
nisi fortè (quod præterita illius vita  
& virtus iubent credere) ad augen-  
dum immortalitatis decus & coronã  
hanc illi summus Agonotheta mate-  
riam tolerantia obiecit. Quid enim  
toto septennio non est passus! cum  
nec petere quidem possêt, si quid vel  
deessêt, vel desideraret; & quamuis  
nutu conaretur exprimere, quod  
optabat, sæpè tamen administer illi-  
us non assèquebatur, quod volebat,  
sæpè




sapè & contrarium porrigebat: cui rei vnicum exponam factum, ex quo de pluribus poterit existimari. Fauces Patris grauis dolor occuparat, quod ille digito ori admoto docere volebat, vt intelligeret, qui illius curam habebat. Sed hic ratus illi dentes condolere, vocato chirurgo eximi iussit, à quo torqueri patrem existimabat. Is genuinum fregit. Risum mouebit hic famuli error legentibus, sed misero patri auxit dolorem; quem tamen (vt iam pridem didicerat fortiter esse miser) constanter tulit, donec tandem animaduersum est, in faucibus malum hærere. Iudicij bonam partem retinuit: cætera infanti similior, maximè sub finem. Hunc cum præsentio rem ipse iuxta alios aduerteret, sacro oleo inunctus, ad Cælum, ad Cælum, quanta potuit voce proclamauit: dehinc ad sua salutis Symbola (I E S V M inquam, & MARIAM) reuersus nunquam illa non

reuoluit, & cum iam ad vtrumq; amplius non sufficeret, alterutrum effatus est, linguâq; magis hebetata, cum integrè MARIAM non posset, inchoato nomine verbum tertiabat, dum elinguis deficeret : dextra interim cruces effingebat, huic itidem obriegescenti sinistra subiit, sed ipsa officij huius insolentia in ipso conatu elanguit. Tandem vt decenter occumberet, composito gestu & admodum religioso præmortuo penè reliquo corpore sine voce & motu dormienti similis, horis amplius viginti ægrum soloq; in pectore subsilientem spiritum leni tractu ductum, sub crepusculum cum sole è nostro orbe digrediente ad lucem perpetuam v. Cal. Octob. Ingolstadij emisit, omine scilicet non inani, cum à plerisq; ob vitæ innocentiam Angelus appellaretur, Angelorum ferias postera luce celebrandas, ipse apud superos acturus. Ea porrò facies erat extincti, vt  
igno-

ignorares an viuus mortuo, vel mortuus viuo esset similior. Funeratus est in templo S. Crucis domestico, sui nempè laboris domicilio, & quasi Mausoleo, ad aram omnium Sancto-  
rum, cum quibus in Cælo æternas ce-  
lebrat triumphos;

SYMBOLVM THEODORICI,  
IESVS MARIA.

*Ingenium tristis deleuit nobile casus,  
Et rapuit quicquid legerat antè labor;  
Nomina bina tamen, morbus quæ salua reliquit,  
Plus potuere, omnes quam docuere schola.*





# INDEX

## IN R. P. PETRICANISII

### VITAM.

#### A.

<b>A</b> Dalbertus Apostolus Boëmorum.	73
Aegidia Honnuingana mater Canisii.	3
Ambrofluvius.	241
Albertus Boiorum princeps.	76
Eius literæ ad P. Generalem.	96
Andreas Bardennicius Canisii hospes.	13
Andreas Bninius Posnaniensis Episcopus 130. pro-	
ponit iconem B. Stanislai colendam Romæ. ibid.	
Augusta Vindelicorum 86. celebrantur ibi Comitia	
85. à Societate utilis ibid. opera impenditur. 122	
Austriacæ familiæ in Societatem studia.	72

#### B.

Baptista de Prado moriens D. Virginem conspicit. 130	
Bertoldus Dux Zeringia 175. Friburgum Nuithonia	
exstruit. ibid.	
Bona pauperibus erogata, suo possessori restituuntur. 28	
B. Ignatius Societatis Iesu parens, eius literæ ad Boio-	
rum principem 76. ad D. Sumickerum 80. felix	
obitus. 84	

#### C.

Canisii patria. 2. parentes. ibid. natalis 4. pietas 5. pu-	
er Coloniam ad studia mittitur 7. Horis nocturnis	
precibus vacat 5. cilicio corpus affligit, ibid. Bac-	
chanalibus vino abstinet ibid. Transacti diei ra-	
tiones	

# I N D E X.

tiones magistro reddit 8. librum confessionū scri-  
 bit. 7. eius vota pro iuuentute 11. nuptias splendi-  
 das repudiat. ibid. recusat honores ecclesiasticos. ibi.  
 Doctorum familiaritatem inuit. 13. dat operam  
 Philosophiæ. ibid. nouemdecennis Magister artium  
 creatur. ibid. deliberat de Ordine in quo plus pro-  
 desse possit 14. Castimoniam vouet 15. Theologiæ  
 dat operam. ibid. officia charitatis erga pauperes  
 amplectitur 23. reuocatur Neoplagum 24. fune-  
 bribus patri solutis Coloniam redit 25. à nouerca  
 ob hereditatem vexatur. ibid. Euangelij historiā  
 exponit in Lycéo Montano 31. In Nazarethano  
 Cœnobio primum Deo operatur. ibid. opera S. Cyril-  
 li euulgat 32. legationem obit ad Leodiensem Epi-  
 scopum 37. ad Carolū V. 38. ad Conciliū Triden-  
 tinum 39. in confessu PP. sententiā dicit 41. Flo-  
 rentiam adit & Romam 42. Nauigat in Siciliam.  
 ibid. professionem quatuor votorum edit 43. Theo-  
 logiæ Doctor Bononiæ creatur 44. mittitur in Boi-  
 cam. ibid. in Academia Ingolstadiensi Professor 45  
 Rector Academiæ creatur 47. euocatur ab Impe-  
 ratore Viennam 48. Ecclesiasten Casaris agit. ibid.  
 postulatur in Viennensem Episcopum 49. conscri-  
 bit Catechismum 52. Conditor Societatis vulgò  
 audit 59. proficiscitur cum Apostolico Legato ad  
 Comitias 62. Pragæ Sociorum Coloniam deducit  
 63. concionatur Pragæ 65. ad Colloquium VVer-  
 mationense à Casare mittitur 69. Canis Austriacus

# INDEX.

*ab Hussitis appellatur 68. varia eius profectioes.*  
*70. eius Epistola ad Pragenſe Collegium 71. Ro-*  
*mam abit ad creandum Generalem 84. à Ponti-*  
*fice in Poloniam mittitur. ibid. Augusta Vindeli-*  
*corum Eccleſiaſten agit 85. Prouincialis creatur*  
*per Germaniam 86. de adificando Oeniponte Col-*  
*legio agit cum Caſare 108. filias Caſaris ſanctiſ-*  
*ſimis præceptis informat. ibid. Academia Diling-*  
*ana inſignibus ornatur. ibid. Collegio dat initium*  
*123. Braunsbergam à Cardinale Hoſio euocatur.*  
*134. Romæ fugit honores 142. eius in vrbe varij*  
*labores 144. Nunciuſ Apoſtolicuſ mittitur in Ger-*  
*maniam 148. energumenam curat 152. 158.*  
*160. & ſeqq. agnoſcit diuinituſ parenteſ calore-*  
*ceptoſ 234. futura prædicit 239. 288. in aquis*  
*demerſuſ ope caeſteſti euadit 239. munere Prouin-*  
*cialiſ decedit 169. Cardinali Morono à Conſiliis eſt*  
*173. cum Nuncio Apoſtolico Iriburgum venit.*  
*175. Friburgi procurat cathedram 181. funda-*  
*menta Collegij ponit. ibid. euocatur Auguſtā 187*  
*libroſ condit 188. in morbum incidit 195. eiua*  
*patientia 199. ſacriſ expiatuſ ſanctè moritur 202*  
*in ade ſumma ſepelitur. ibid. eiua ſtuduſ in præ-*  
*cando 213. cultuſ in Diuorum liſſana 215. a-*  
*nimi demiſſio, paupertatiſ ſtuduſ. 221. er-*  
*ga domeſticiſ 223. humanaruſ voluptatuſ cõ-*  
*temtuſ 226. corporiſ caſtigatio 227. victuſ ratio*  
*228. in ieiuniis ſeruadiſ rigor 229. mortui facieſ*  
clara



# I N D E X.

*clara apparet* 252. *eius ope alius, ex aquis eripitur*  
*250. alius pedem afflictum & desperatum recu-*  
*perat* 255. *ad eius tumbam matrona nobilis gra-*  
*ui afflictione liberatur* 261. *eius diligētia in com-*  
*ponendis libris* 263. & *seqq. Syllabus cōpositorū ab*  
*ipso librorū* 266. & *seqq. elogia virorū illustrium*  
*de Canisio* 268. *Academia Ingolstadiensis* 270.  
*Guilielmi Eisengreini* 273. *Cornelij Loos* 274. *Io-*  
*annis Cochlei* 275. *Baronij Cardinalis* 276. *Bonho-*  
*mij Vercellensis Episcopi* 277. *seculi sui Hieronymus*  
*cēsetur* 279. *Ribadencira* 277. *Roberti Myrai* 279  
*Carolus V. Imperio se abdicat* 62. *mors eius.* 84  
*Carthusianorū Coloniesiū in PP. Societatis charitas* 23  
*Christophorus Freybergius Canisii fautor* 85. *in El-*  
*uacensem præpositum eligitur.* *ibid.*  
*Christo. Reiffi pedē afflictū ope P. Cani. recuperat.* 258  
*Claudius Iaius ex primis Patribus* 33. *in Germania*  
*optimè de religione meritus* 45. *Pontificatum Ter-*  
*gestinum recusat.* *ibid.* *In Academia Ingolstad.*  
*Professor. ibi. elogiū eius ex Academia tabulis. ibi.*  
*Collegium Germanicum à Pio V. augetur.* 141  
*Cornelius Harleminus primus Acad. Diling. Rēct.* 117  
*Cornelius Wischouius ope D. Virginis Societate ingre-*  
*ditur.* 235. & *seqq.*

## D.

*D. Virgo Oetingæ miraculis claret* 158. *ad nomen*  
*eius daemones tremiscunt.* 160  
*D. Ioannes Faber Dominicanus Ecclesiastes Augustæ*  
*in eade summa.* 85. *Dispu.*

# I N D E X.

*Disputatio Vformatiensis.*

69

## E.

*Euerardus Mercurianus Generalis Societa. Iesu.* 138

## F.

*Familia Canisii amplitudo* 224. *eiussd. in fide Constantia.* ibid.

*Familia Fuggerica in Societate studia* 93. *de Collegio erigendo Romam perscribit* 94. *fundat Augustanum Collegium.* 173

*Ferdinandus Imperator* 48. *studium in Catholica fide propaganda* 51. 55. *edictum eius* 57. & *seqq.* *Pragensis Collegij Auctor* 64. *Oenipontani* 107

*Ferdinandus Austrius amulus virtutis patriae* 66. *Chiliarcha in Ungariam discedit.* *ibid.* *Supplicationes per Bohemiam indicit.* 67

*Franciscus Borgia tertius Generalis Societatis* 39. 138

*Franciscus Costerus* 234. *Romam ad conventum Sociorum adit,* *ibid.* *Franciscus Bonhomius legatus Apostolicus* 175. *Canisium Friburgum deducit* 174. *à Bernatibus male accipitur* 129. *urget Collegium Friburgense.* 174

*Formula votorum à Canisio editorum.* 18

*Friburgū, vrbs Nuithonia* 175. *eius conditores.* *ibid.* *descriptio. in fide constantia* 176. *luctus ciuium in funere Canisii.* 202

## G.

*Gerardus Hammontanus Prior Carthusiae Colonien-  
sis.*

23

Georgi-

# I N D E X.

- Georgius Austrius Maximiliani Caesaris filius* 37.  
*Episcopus Leodiensis.* ibid.  
*Gregorius Roseffius Ecclesiastes Augustanus summi*  
*templi* 155.  
*Guilielmus IV. Boiorum Princeps Societatē in Boicam*  
*vocat. Guil. V. conditor Collegij Monac.* 102. 106  
*Guilielmus Krumenstoll ope Canisii periculum vite*  
*evadit.* 250

## H.

- Heluetia Sanctis viris claret.* 188  
*Henricus Dionysius* 123. *Academia Dilingana Re-*  
*ctor.* *ibid.* *redit Coloniam.* 124  
*Hominis quinque sensus claustra sunt animi.* 227  
*Hereticorum scommata in Canisium* 59. *in rebus fi-*  
*dei nunquam conveniunt inter se* 69. *subducunt*  
*se Colloquio Vvormatiensi.* 70  
*Hermannus Vveda Archiepiscopus Coloniensis* 35.  
*Heresiarchas euocat è Saxonia* 36. *exauctoratur.*  
38  
*Huss Bohemis anser.* 69  
*Hussitarum odium in Canisium.* 68

## I.

- Iacobus pater Canisii* 3. *Iurisconsultus, erudit Lotha-*  
*ringi Principis liberos.* *ibid.* *in aula reguli Sicam-*  
*brorum degit.* *ibid.* *Consul IX. ex ordine creatur* 4.  
*extra ordinem perpetuus gerit magistratum.* *ibid.*  
*factus icit inter Casarem & Geldria Principem* 4.  
*præ gaudio ex aspectu filij moritur* 233. *per filij*  
preces



# I N D E X.

- preces celo recipitur.* 234. *Vestes in usus sacros  
conuertit.* *ibid.*
- Iacobus Kellernus Friburgi Professor* 248. *testis virtu-  
tum Canisii.* *ibid.* *Rector Collegij Monacensis.* *ibid.*
- Illyrici fabula de Canisio.* 59
- Ioannes Eckius lumen Academia Ingolstad.* 47
- Ioannes Gropperus propugnator Catholica fidei* 36.  
*Cardinalis creatur.* 38. *eius virtus & castimonia*  
*39. eius encomiastes Surius.* *ibid.*
- Ioannes Noniomagus Philosophia Doctor* 13. *eius edi-  
ta opera.* *ibid.* *in haresi moritur.* *ibid.*
- Igannes VVolfius Mendacissimus impostor.* 59

## L.

- Laurentius Surius auertitur à Luthero per Canisium*  
*14. Cœnobium init. S. Brunonis.* *ibid.*
- Leonardus Kesselius vir diuinus* 40. *Societatem Co-  
loniensi reip. restituit.* 41
- Litteræ Pij IV. ad Canisium.* 113
- Lutherani sibi à Societate I E S V timent.* 65. *ad ne-  
cem querunt nostros Praga.* 66

## M.

- Marcus Euggerus urbis Augusta Praefectus* 159.  
*Oetingam abit.* *ibid.*
- Marcus Velserus Celebs Canisii hospes.* 112
- Martinus Eifengreinus Praepositus Oetinganus.* 157.  
*Oetinganae historiae conditor.* 167
- Mores improbi potius quàm barbarissimi pueris vitandi.*

## II

## N.

- Nicolaus Lanoius primus Monachij Rector* 100. *item*  
*Oeniponte.* 109 *Nicol.*

# I N D E X.

Nicol. Gaudanus ad Colloquiū VVormatiense mit. 69  
 Nicolaus Eschius preceptor Canisii 7. eius cura de a-  
 lumno suo. 9. quotidie pia meditanda Canisio præ-  
 scribit. ibid.

Noviomagum Geldriae metropolis. 2

## O.

Obsessa à demone liberatur per Canisium. 159

Oetinga olim Oenipontes, Vinium. 158

Oenipons olim Oenobriga 107. regia Tyrolis. ibid. So-  
 cietatis domicilium. 108

Otho Cardinalis Episcopus Augustanus 39. eius mu-  
 nificentia 85. Fundat Collegiū Clericorum Dilingæ  
 115. Acad. condit 117. eandē Societati transcri-  
 bit 119. Romæ moritur 170. eius encomiū. 172

Otho Eisēreich Prouincialis Germania superioris 216  
 reliquias sacras Friburgensi Templo transcribit. ibi

## P.

Paulus Hoffæus Prouincialis Germania 169. visita-  
 tor. ibid. mortem mirabiliter euadit. 170

Petrus Faber ex decem primis Patribus 15. Moguntia  
 ab Archiep. euocatur. ibid. ad Conciliū Tridentinū  
 mittitur 16. exponit in Academia Mogūtina Psal-  
 mos. ibid. Encomiū eius 20. Louanij res maximas  
 gerit 24. literæ eius ad nouercam Canisii, 26. in  
 spiritualibus DD. & Episcopos erudit, 21. eius  
 feruor & studiū erga alios. 16

Petrus de Soto Theologiae Professor. 116

Petrus Schneulin vir eximius 177. Præpositus crea-  
 tur Friburgensis Ecclesia. ibid. eius laus. ibid.

Fius

# I N D E X.

*Pius IV. varia Romæ Collegia instituit* 141. eius mors  
150.

*Philippus Nereus auctor Congregationis Oratorij*  
145

*Professores Dilingani ante aduentum Societatis*  
117

*Praga infestatur ab Husitis & Wicleffitis* 63. Socie-  
tatis Collegium. 64

## R.

*Religiosis quid maxime agendum sit.* 226

## S.

*S. Adelbertus Apostolus primus apud Boemos.*  
73

*S. Gualfardus patronus Augustanorum.* 193

*Servire Deo regnare est.* 9

*Sebastianus Veronius encomiastes Canisii* 180. Præ-  
positus & Ecclesiastes Friburgensis. ibid. ad stat mo-  
rienti Canisio 201. mortuo concionem funebrem  
instituit. 203

*Sibylla Fuggera Lutherum damnat* 87. in somnis de  
accerfendo Canisio monetur 88. eius vita ratio 90.

& seqq.

*Senatus Friburgensis erigit Societati Collegium* 182.  
eius munificentia in eandem 184. obseruantia in  
Canisium. 185

*Siman Thadeus Eckius vir laudatissimus.* 100

*S. Sigismundus Rex Burgundionum.* 74

*Societas I E S V in summis periculis extra periculum  
est*



# I N D E X.

- est 66. & 68. pellitur Colonia Agrippina 29.  
 non inhiat terrenis opibus 28. traducitur famosis  
 libellis 133. hæreticis inuisa 66.  
 S. Thomas Aquinas ante studia precatur. 34  
 Stanislaus Koska illustri loco natus. 126. Augustani  
 Vienna profugit. ibid. In Societatem cupit recipi  
 127. despicientia honoris. ibid.  
 S. Venceslaus Princeps ac Martyr Boemorum. 73

## T.

- Templum S. Michaelis Archangeli Monacense. 106  
 Theophilus Christenus Rector Pragensis Collegij. 64  
 Theodorus Canisius avus Petri Canisii. 2  
 Theodoricus Canisius frater Petri Canisii. 124. Vigin-  
 ti annis Academiam Dilinganam regit. ibid. unū  
 & viginti annos natus Theologiam proficitur. 284.  
 Ad Societatem adspirat. ibid. à Petro Canisio in  
 eandem admitti cupit. 285. exploratur eius con-  
 stantia. ibid. Romam proficiscitur. ibid. à B. Igna-  
 tio suscipitur. ibid. triginta annis munus Rectoris  
 obit. ibid. Lucernam Helveticorum abit. 286.  
 Morbus illi prædicatur à fratre per ambages. 288  
 evocatur Ingolstadium. ibid. Lucernæ apoplexia  
 tangitur 287. usum lingue & memoriæ amittit.  
 ibid. IESV & MARIAE nomen duntaxat  
 retinet. ibid. Augustam portatus sacro oleo inungi-  
 tur. 288. cum D. Virginis icone colloquium insti-  
 tuit. ibid. agro pileus B. Ignatij imponitur. ibid.

# I N D E X.

<i>Mors eius</i> scilicet. 289. & seqq.	
<i>Turrianus Episcopus Viglianus.</i>	199
V.	
<i>Vaticinium Reinharda religiosæ viduæ de Canisio</i> 5, de nouo presbyterorum ordine 6. eius sanctimonia 231. & seqq.	
<i>Vita humana summa brevis est.</i>	14
<i>Vrsula Fuggera</i> 92. <i>studium religionis ac virtutum</i> 93. <i>Romam proficiscitur.</i>	ibid.
W.	
<i>Wolfgangus Remius præpositus summæ adis Au-</i> <i>gustæ</i> 41. <i>mittitur ad Tridentinum Concilium.</i> ibid.	
Z.	
<i>Zuvinglius Helactiam inficit hæresibus.</i>	176

## C O R R E C T A.

Pag. 42. l. 5. à fine, *Pauli* 84. l. 7. à fine, *Cracouie*. 91 l.  
13. *ignoraret*. 105. l. 11. *eximie*. 112 l. 5. *patricium*. 116. l. 8.  
*ad*. 187 l. 9. à fine, *diuinis*. 193 l. 8. à fine, *Canisius*. 196. l. 3.  
à fine, *sacrificare*. 218. l. 5. à fine, *perspicacis*. 123. l. 12. *Si-*  
*gms* 76. in margine, *ad Albertum*. 262. l. 5. *ludentibus*.  
19 à fine capitis, *eundem* l. 3. à fine, *Barptolomeus*. 263.  
l. 9. à fine *Theologos*.

## F I N I S.




MONACHII,  
EX FORMIS BERGIA-  
NIS, APVD ANNAM  
VIDVAM.

A N N O

---

CIO. IOC. XIV.





THE NEW YORK PUBLIC LIBRARY

ASTOR LENOX TILDEN FOUNDATION

EX LIBRIS  
N.Y. P. L.  
ASTOR LENOX TILDEN FOUNDATION

ANN O

NEW YORK

THE NEW YORK PUBLIC LIBRARY  
ASTOR LENOX TILDEN FOUNDATION  
500 MADISON AVENUE  
NEW YORK

